

परख-सिरजण

डा. पुरुषोत्तम आसोपा

मरुधर साहित्य मन्दिर, वीकानेर -

राजस्थानी भाषा साहित्य संस्कृति अकादमी रे प्राथिक सहयोग-सू-प्रकाशित

© डा. पुरुषोत्तम आसोपा

प्रकाशक

मरुघर साहित्य मंदिर

124, बिनाली बिल्डिंग,

अलखसागर बीकानेर

संस्करण पैलडो, 1987

मूल्य पैलडो रुपिया

भावरण मिथत्री

कलापक्ष कादम्बती

मुद्रक

साखला प्रिंटर्स, बीकानेर

आमुख

- राजस्थानी भाषा में आलोचना की अखरण आळी कमी है। साहित्य के विकास सारू इण कनी कोशिश करण की मोकळी जरूरत है।
- आ पोथी इण लिहाज सूरू राजस्थानी साहित्य की पैली व्यवस्थित, शास्त्रीय आलोचना की पोथी कँहरी जाय सके।
- इण रा सगळी निबन्ध पत्रिकावा में प्रकाशित है या जुदी-जुदी सगोष्ठीया सारू शोध परचा के रूप में प्रस्तुत कियोडा है। गोष्ठीया माय इणा माये मोकळी चर्चावा हूय चुकी है। अर लोगां ने ऐ खासा आकर्षित कर चुका है।

—डॉ. पुरुषोत्तम आसोपा

क्रम

राजस्थानी भाषा, समस्यावा अर उणा रो निराकरण
राजस्थानी साहित्य री नूवी कविता
धरती री आस्था रो रचनाकार : कथाकार अन्नाराम मुदामा
मीरा रे साहित्य सू जुडिमोडा की अणमुळभियोडा सवाल
गद्य रे जीवन रा बितेरा . रवीन्द्रनाथ ठाकुर
'बेलि' रो वस्तु सौंदर्य : एक पुनर्मूल्याकन
राजस्थानी री जूनी पाण्डुलिपिया री विवेचना
1983 री पुरस्कृत पोथ्या . एक बेदाक टीप
परिवार अर परिवेश . साहित्य रे संदर्भ सू

राजस्थानी भाषा, समस्यावां अर उणां रो निराकरण

राजस्थानी भाषा री समस्यावा री चर्चा करणें मू पहली सामान्य रूप सू
विणी भी भाषा रें माय समस्यावा क्यू उपज्या करे, इण बात री जाणकारी जरूरी
है। भाषा रो मिरजण समाज करचा करे, पण उण रो प्रयोक्ता व्यक्ति हुनै है। अक
अकेलो आदमी भाषा रो ना तो मिरजण कर सकै अर ना उणनै आपरी सगळी ताकत
लगायर भी नूवो रूप देय सकै। जिण समाज मे बो जनम लेवै, सिफं उणी समाज
मू दियोडी भाषा नै उणनै अनुकरण सू सीखणी पड़े। इण रें बावजूद हर आदमी
आपरी निज पिट्ठाण कायम करण खातर भाषा रें सगै प्रयोग करण सू पाछो कोनी
रवै। आदमी री आपरी बुद्धि रो स्तर भी भाषा रें सामान्य प्रचलित रूप नै नूवा-
नूवा अदाज देवतो रवै। यू भाषा रें सगै जाण वृक्ष'र कियोडा प्रयास अर अणजाण
तरीका सू हुयोडी भाषा री भूला रें माय सू हीज भाषा री समस्यावा पैदा हुया करे।

समाज जिण भाषा नै शताब्दिया माय जाय'र निर्मित करे उण नै भिनग्य नै
आपरे टावर पणै माय न केवल सीखणो पड़े बल्कि जीवन रें थोडा सा बरसा माय
हीज आपरी सगळी परिस्थितिया माय उणरो हीज असरदार इस्तेमाल करण री
कोशिश करणी पड़े। इण कोशिश माय उण रा आपरें विचारा री अभिव्यक्ति, निजी
अनुभूतिया री अकण अर सप्रेषण भाषा सू मोकळी अपेक्षावा करे। विचारा नै
मुहावरणें अदाज माय सप्रेषित करण री बात हीज भाषा रें कोण सू व्यक्ति अर समाज
रें अनोखें सम्बन्ध री व्याख्या किया करे। समाज री सत्ता जिण आचार-विचार-
शीलता, मूल्य मर्यादा या रीति नीति माथें निर्भर कने, उणा मूहीज उण समाज री
भाषा निर्मित हुया करे। जद कें आपरी रुचि, सस्वार, शिक्षा, मानसिक वणगट
अर कायें क्षेत्र री आवश्यकतावा रें मूजब भिन्न उणरो इस्तेमाल किया करे है।
अ सगळी बात 'मुडे मुडे मतिभिन्ना' रें सिद्धांत रें कारण अक ही भाषा रें खातर
मैकडू रूप मे दवाव नाखती रवै। भाषा भना ही अक हुवो पण उण रा प्रयोक्ता
अनेक हुया करे। भाषा रा प्रयोक्ता व्याकरण रा पंडित भी हुवै जिकर कें उण रें
व्याकरण-मम्मत्त स्वरूप सू अक डच भी आगै को मरकणी चावै नी, तो उणरा
प्रयोक्ता मोकळी तादाद वाळा अनपढ़ नाग भी हुवै जिकर नै व्याकरण मू कोई

प्रयोजन कोनी हुवें । कबीर जेहड़ा लट्ठमार आदमी भी भाषा रो प्रयोग करे अर उण सू तानाशाह जेहड़ा व्यवहार करे, भाषा री गुलामी करण री जागा उण सू हर भात री स्वतन्त्रता लेवणी चावें । तो कल्पना री सूक्ष्मतर कोरा नै अर भाषा री बारीक-सी अणदीसती रेख नै पकड़ण री कोशिश करणिया कवि-साहित्यकार भी भाषा रा प्रयोक्ता हुया करे । अँ लोग अनुभूति रा फूठरा चितराम खैचण खातर उण सू मोकळें लचीलैपण री आशा राख्या करे ।

इणी तरयां सू दार्शनिक री भाषा-अपेक्षावा वैज्ञानिक री भाषा-अपेक्षावा सू जुदी हुवें तो व्यापारियां री अपेक्षावा शिक्षका री अपेक्षावा सू मोकळो आतरोपण राखें ।

किणी भी जीवत भाषा री सैगाऊ बड़ी चुनौती समाज रें लोगा री अँ सगळी भिन्न-भिन्न अपेक्षावा नै पूरी करण रें रूप मे रैया करे । हर क्षण बदळती सामाजिकता रें सार्ग-सार्ग आगें बँवती रैवण रें वास्ते भाषा नै रोजीनं भात-भात री कठिनाइया सू सामनो करणो पड़े । अगर किणी भाषा री जडा गहरी हुवें अर बा आपरें पगा चालण रो माजनो राखती हुवें तो समस्यावा भलां ही जनमती रैवो, बा उणा सू पार पावण रो रस्तो हमेसा मोघती रैवें । पण अगर भाषा रें माय हीज कमजोरघा हुवें, जीवन रें सगळा क्षेत्रा री ताकीद नै पूरण रो जुगाड नी कर सकें तो बा मोकळो विस्तार को कर सकें नी ।

इण सगळी बाता नै ध्यान मे राख'र जद आपा राजस्थानी भाषा मायें निजर दोडावा तो अँकें कानी इण री जूनी साहित्य-परम्परावा, ऊजळी वाक्य-रूढिया, बीरता अर तेज रो उजास, गद्य और पद्य री मोकळी रचनावा, जुदा-जुदा बोल्या री निजू खासियता चित्त नै आनन्द सू भर देवें । पण दूर्ज कानी राजस्थानी रें वास्तं सगळी आत्मीयता अर अपणापं, प्रेम व श्रद्धा रें बावजूद इण री मोकळी कमजोरघा भी ध्यान मे आपा बिना कोनी रैवें । राजस्थानी री अँ न्यूनतावा हीज उण री घणकरी समस्यावा नै निपजावती रैवें । अठे उणा री विगतवार चरचा की जा रैयी है ।

भाषा रें केन्द्रीय रूप रो अभाव—आपरी सगळी खूबिया रें बावजूद राजस्थानी भाषा ओजू ताई आपरें केन्द्रीय रूप रो निर्धारण कोनी कर सकी है । भाषा री अेकरूपता रें बिना उणरो ना तो निर्दोष व्याकरण हीज बणायो जा सकें अर ना प्रादेशिक सकीर्णता री समस्या सू ही पार पायो जा सकें । ऊपर सू हालाकें राजस्थानी री इण बोल्या माय की खास आतरोपण कोनी है पण उच्चरित शब्दा रें उच्चारण रो भेद अर सहायक क्रियावा री प्रयोगशीलता इणा नै अेक-दूर्ज सू जुदा कर रैयी है । हाडोती रें माय शब्दा रो उच्चारण मेवाडी सू अलग अन्दाज मे करीज्या करे तो शेखावाटी रो ढूढाडी सू । अेक ही शब्द इण वास्ते जुदी-जुदी

शैल्यां रं माय आपरं निराळं दग सू उच्चरित हुय रंयो है। इण खातर भापा री अकरूपता अ-निर्धारित ही है। इणी तरचा सू मारवाडी मे सहायक क्रिया 'है' रो प्रयोग हुवै तो दूजी जागां 'छं' रो। जूनं साहित्य मे भी आ भेद मौजूद हो। इण कारण राजस्थानी रो आपरो केन्द्रीय रूप ऊभर कोनी पाय रंयो है। मतभेद मोकळी समस्यावा निपजाय रंया है। इणा रं मौजूद रंवता राजस्थानी रो तेजी सू विकास सम्भव कोनी दीखें।

व्याकरण री समस्यायां— राजस्थानी व्याकरण री पहलडी समस्या भापा री आधारभूत ध्वनिया सू ही निपज रंयी है। भापा विचारा री अभिव्यक्ति रो माध्यम है, ओ अक सर्वमान्य सिद्धांत है पण विचार दरअसल वाक्या रं रूप में प्रकट हुया करे। इण वास्तं भापा रो आधार ध्वनिया हुया करे। भापा रो सर्वमान्य स्वीकृत स्वरूप इण भांत ध्वनि रं मूक्षम रूप माय हर ठोड विदघमान रंया करे। सामर्थ्यवान् भापा व्यापक परिवेश अर भात-भात रं शोभां री आवश्यकतावा नै पूरी करण री, ध्वनि-समूह नै समेटण री ताकत स्वय मे राख्या करे। राजस्थानी रो परंपरागत ध्वनि समूह आपरी निजी पिछाण राखें। पण आज हर भापा रा रूप दूजी भापा सू तेजी सू प्रवेश करता शब्दा री आमद रं सार्गे तेजी सू बदल रंया है। उणां री ध्वनिया री खूबिया आज हर भापा नै स्वय मे जगावण री पुरजोर कोशिश करणी पड रंयी है, राजस्थान मे भी आज शब्दा रो मोकळो आयात हुय रंयो है। पण इण रो पौरुष पूर्णता कानी भुकियोडो ध्वनि आधार मोकळी ध्वनिया सजोय कोनी पाय रंयो है। डिगळ रं घगत सू होज आ समस्या राजस्थानी मे मौसूद हो। शायद ओहोज कारण रंयो हुवै कं कविमां राजस्थानी री इण कमजोरी सू मजबूर हुय नै प्रजभापा कानी भुक्ता, जिण सू पिगळ भापा रो विकास हुयो।

आज भी राजस्थानी मे संस्कृत रो 'ऋ' स्वर अर उण सू वण्योडा शब्दा रो उच्चारण कोनी हुय सर्व। कृष्ण, कृपा, कृहस्थ जेहडा शब्दां नै इणी मजबूरी रं कारण विसन, त्रिपा, गिरस्थ रं रूप मे इस्तेमाल करणो पडें। अंग्रेजी री मोकळी ध्वनिया जिकी कं 'आ' अर 'ओ' रे विचाळें री है, उणा नै ओकार रूप देवणो पडें। कोलेज होस्टल, जेहडा दोपा आळा उच्चारण सामें आर्व। जूनी राजस्थानी मे 'ओ' अर 'अऊ' रं रूप माय बदलण री जिकी प्रवृत्ति ही, जिण सू 'रासो' रो उच्चारण 'रासउ' ज्यू हुवतो। आ प्रवृत्ति हिन्दी-अंग्रेजी सू आवणिया ओकरात शब्दा रं उच्चारण माय मोकळी बाधा घातें है। इणी भांत 'न' वर्ण नै 'ण' रे रूप मे उच्चारण री प्रवृत्ति 'पाणी' 'घणिक', जिंसा रूप दे देवें, जिण सू हिंदी रो 'कहानी' जिमें सरळतम शब्द रो उच्चारण करण माय राजस्थानी आळा नै खासी कसरत करणी पडें। राजस्थानी रो मूर्धन्य 'ल' अर्थान् 'ळ' वर्ण इण भापा री आपरी खास ध्वनि है

पण आ आज हिंदी, संस्कृत रा लकार युक्त शब्दा रें सार्ग मोकळी भ्राति पंदा कर रेंगी है ।

संयुक्त अक्षरा रें वास्तं राजस्थानी म अणूत सरळीकरण री प्रवृत्ति निजर आवं है । इण सू भी परस्पर विरोधी वाता दीमं है । अंक उदाहरण देवणो हीज मोकळो हुसी । राजस्थानी माय 'र' वर्ण री संयुक्तता हमेशा सरळीकृत हीज हुवं । कदं भी उणनं रेफ रें रूप रें माय प्रयोग कोनी कियो जा सकं । 'आडर' नं 'ओरडर' 'सिर्फ' नं 'सिरफ' 'कार्यालय' नं 'कारियालय' रूपांतरण इण प्रवृत्ति री हीज सूचना देवं पण आ प्रवृत्ति हमेशा रें वास्तं अंक अनिवार्यता हुयगी है, जिकी भाषा नं घणी हानि पहुंचा रेंगी है । इण तर्या री मोकळी कमजोरघा राजस्थानी रें शब्द-भण्डार नं सीमित कर रेंगी है ।

ध्वनि रें पीछे शब्दा री स्थिति हुया करं है । राजस्थानी मे शब्दा नं लेयर भी मोकळी दिक्कता पेश आवं । नूवा शब्दा रें आमद री कोशिका माय राजस्थानी भाषा ओजू ताई मध्य-युगीन संस्कारा री वेड्या सू जकडीग्योडी है । मुसलमानी शासनकाल मे शब्दा रें आमद री दिशा संस्कृत सू नी हुयर अरबी-फारसी सू ज्यादा हुवण लागी ही । इण रो ओ दोष राजस्थानी माय पनपगो कं इण रो रुभाण आज भी अरबी-फारसी रें शब्दा नं सजोम राखण कानी है । सवाददाता री जागा अस्तवार नवीस, निवेदन रें स्थान पर अरज, प्रार्थना री जागा अरदास जेहड़ा शब्दा मे किणी भी तरं री आपत्ति कोनी । पण आज उत्तरी भारत री सगळी भाषावा (राजस्थानी री सहोदरा गुजराती समेत) अंक धार फेरु संस्कृत सू तत्सम रूपा री आमद कर रेंगी है । खास तौर सू न्यायालय, विज्ञान, तकनीकी क्षेत्रा माय पारिभाषिक शब्दा री संरचना संस्कृत रें तत्सम रूपा मृ हुय रेंगी है । पण राजस्थानी ओजू ताई खबर नवीस जिसा शब्दा सू चिपक्योडी है । इण सू इण री खासी हानि हुय रेंगी है ।

दूजी भाषावा रा तत्सम रूपा नं स्वीकार करणो सोरो काम कोनी । हरेक भाषा इणानें लेयर आछी-खासी दिक्कत म पड जावं । राजस्थानी रें वास्तं तो ओ काम ओर भी समस्यावा फेला रेंगी है । इण री ध्वनिया री मोकळी कमजोरचां अर इणा रें खातर व्याकरण री व्यवस्थावा रो घणकरो अभाव इण कठिनाइया नं बधावण रा कारण हुय रेंगी है । राजस्थानी भाषा री प्रवृत्ति संस्कृत री अपेक्षा अपभ्रंश रा अप्रमरी-भूत रूप सू ज्यादा हेत राखे । इण कारण संस्कृत रें तत्सम रूपा नं इण म सीधा ही स्वीकार करणा परम्परा रा प्रेमी लोगा नं पसंद कोनी आवं । संस्कृत रें तद्भव रूपा नं अंगीकार करणं मे इण री जिती भी चेष्टावा है, वै सगळी-री-सगळी अपभ्रंश री प्रवृत्तिया मृ परिचालित है । शब्दा रें द्वित्व री प्रवृत्ति (जिया सत्त,

कर्म) अर विपर्यय री प्रवृत्ति जिका धर्म री जागा धर्म, कर्म री जागा धर्म, गर्व री जागा प्रब जिता अर इणी भात रा संकड़, तद्भव शब्दा रा उदाहरण, जिका कै राजस्थानी भाषा री खासियता नै पेश करै, संस्कृत रै तत्सम रूपा नै वणती कोशिश अस्वीकरण री हीज सूचना देबै ।

आज जद के भारत री सगळी भाषावा वैज्ञानिक युग री नित नूवी सामं आवणवाळी आवश्यकतावा रै वास्ते या तो दूसरो भाषावा मू (आसकर अप्रेजी मू) तत्सम शब्द लेय रैंयी है, या पछे संस्कृत रै तत्सम समानार्थी शब्दा मू पारिभाषिक शब्दा री निर्माण कर रैंयी है । राजस्थानी रै वास्ते आहीज बात मोकळी दिक्कत पेश कर रैंयी है । ओ ही कारण है के आपा री भाषा री घरेलू व्यवहार खातर वरण में कोई सकोच कोनी करण बाळो अक निश्चित राजस्थानी मिनस इणन प्रदेश री राजस्थानी भाषा रै रूप में समर्थन देवण में सकोच कर रैंयी है । अठे हिंदी भाषा री मिसाल सामं राख'र आपा राजस्थानी री इण कमजोरी नै अर उण मू निपज बाळी समस्यावा नै समझ सकसा । हिंदी री हेताळू व्योहार अपभ्रंश मू तद्भव शब्दा री अपेक्षा संस्कृत रै तत्सम रूपा मू सुलभारमक दृष्टि मू ज्यादा है । इण कारण इण नै नूवा पारिभाषिक शब्दा नै घडण माय संस्कृत मू सहायता लेवण खातर किणी भी भात री दिक्कत को हुबै नी । आज मू बीस-पच्चीस वरसा पहली हिंदी माध ओ बडो भारी आरोप हो के आ भाषा तकनीकी, विज्ञान आदि रा नूवा क्षेत्रा री पारिभाषिक शब्दावळी को राखै नी । पण आज घणी दूर ताई इण कमी नै हिंदी भाषा-भाषी दूर कर दी है । इण प्रक्रिया में उणा घणी दूर ताई संस्कृत री उपयोग करयो है । इण में कोई सदेह कोनी राजस्थानी नै अगर लारलें समय ज्यू हीज आपरें सामर्थ्य नै बडावणा है तो उण नै परम्परागत साध री मोह छोडणो पडसी । उण नै नूवें जगत री भाषा वणन खातर प्रातिकारी परिवर्तन करण वास्ते तैयार हुवणो पडसी अर दूसरी भाषावा रै तत्सम रूपा नै है ज्यू हीज अगीवार वरणो पडसी । पण अपभ्रंश रै देण रै रूप में आ आज भी शब्दा रा अपभ्रष्ट स्वरूप नै स्वीकार वरण री हीज आदत नी छोडसी तो इण री निजु पिछान तो भलें हो वरकरार रैंय जासी पण आ बिकासमान भाषा को वण सकै नी । अगर ओ कोनी हुय सकै तो पछे तद्भवीकरण री इण प्रवृत्ति नै सय ठोड इस्तेमाल वरण री जवदेस्त मुहिम छेडणी पडसी जिन मू जिया लोक जीवण में जनता टेम (टाइम), कारट (पोस्टकार्ड), लिफामी (लक्ष्मी), मिठाई (मिठ्ठाई), सनेस (सदेश), जोगी (योगी), मसाण (मसाला) रै रूपा में लोकाचार या रोजीन काम आवण आळी शब्दावळी री देस रूप निर्मित करयो है, उणी तरह मू इण प्रवृत्ति में व्यापक रूप में विस्तार देयर ह क्षेत्र री पारिभाषिक शब्दावळी नै आत्मसात् करणो पडसी । ओ नाम अक तो सोर

कोनी, दूजो इण माय अक खासं सम्बं समय री भी जरूरत पडसी। दुनिया आज जिसी तेजी स आगे बढ़ रहीं है उननं देखता अगर राजस्थानी भाषा तदुभवीकरण री कछुवा चाल स हीज आगे बढ़ती रहीं तो न केवल आ भाषा बल्कं इण रा प्रयोक्ता भी रात-दिन पिछड़ता जासी, इण मे की सदेह कोनी।

ऊपर राजस्थानी रें अपभ्रंश सू भेळ री प्रवृत्ति री जिकी बात बताई गई है, उण नें राजस्थानी री भाषा-समस्यावा रें सदर्म मे थोडें विस्तार सू समझण री जरूरत है, बयोर्क इण प्रवृत्ति मांय सू ही इण भाषा री दूजी और समस्यावा भी सामं आई है। राजस्थानी भाषा रें विकास नें मोटे तौर सू इण भांत तीन चरणा मे देख्यो जा सकें है —

(१) जूनी राजस्थानी— 11 वीं शताब्दि सू 16 वीं शताब्दि ताई

(२) मध्यकालीन राजस्थानी— 17 वीं शताब्दि सू 19 वीं शताब्दि ताई

(३) आधुनिक राजस्थानी— 20 वीं शताब्दि सू अबार ताई

आधुनिक राजस्थानी रें वास्ते उण रा जूना अर मध्यकालीन अं दोनू रूप जुदी-जुदी समस्यावा उत्पन्न कर रिया है। इण खातर इणा री अठें अलग-अलग विवेचन करणो समीचीन रहसी।

जूनी राजस्थानी सू निपखोडी समस्यावां—उत्तरी भारत री दूजी भाषावा ज्यू ही राजस्थानी री विकास इग्यारहवीं-बारहवीं शताब्दि ताई अपभ्रंश सू हुयो। विद्वाना मे अपभ्रंश रा प्रादेशिक भेद सेय नें भलें ही मोकळा मतभेद हुबो पण इण बात में सगळा जणा अकमत है कं स्वयं अपभ्रंश भाषा रें विकास त्रम रें माय उण रें पहलडी अपभ्रंश अर पाछली अपभ्रंश रें रूप मे दो चरण सामं आमा। ज्यादातर भाषावा (जिण मे हिन्दी खास तौर सू सामळ है) अपभ्रंश रें पाछलें रूप नें आपरो आधार बनायो। अपभ्रंश रें इण रूप नें समुन्नत (अडवास्ड) या अग्रगामी अपभ्रंश री नाव दिरीज्यो हो जद कें उण रें पहलडें रूप नें परिनिष्ठित अपभ्रंश रें रूप मे पिछाण्यो गयो। हालाकें इण दोना नें अपभ्रंश ही कैवता पण दोनू रूपा मे मोकळो अन्तर हो, इण मे की सदेह कोनी। अठें इण भेदा री विगत मे जावण री जागा इण पक्तिया री लेखक इण बात कानी सुधी पाठका री ध्यान आकर्षित करणो चावें है कं राजस्थानी भाषा रा प्रारम्भिक प्रयोक्ता इण परिनिष्ठित अपभ्रंश सू जुडियोडा हा। यू तो हर भाषा रा दो रूप हमेशा मौजूद रवें है। इणा नें परिष्कृत भाषा व देसी भाषा इण दो रूपा सू पिछाण्यो जावें है। भाषा री परिष्कृत रूप व्याकरण-सम्मत हुवें जद कें देसी रूप उण रें विकसित रूप री बानगी दिया करे है। अपभ्रंश री परिनिष्ठित रूप भी इण सिद्धांत रें मुजब उण रें देसी रूप सू दूर अपेक्षाकृत व्याकरण री बदिशा भू ज्यादा बधिबोडो हो।

राजस्थानी रो प्रारम्भिक विकास इणी परिनिष्ठित अपभ्रंश सू हुयो । इण खातर इण माय सुरू सू हीज साहित्यिक सभावनावा तो मोक्ली पनपगी पण उण रो देसी आधार चौदहवी-पंद्रहवी शताब्दि ताई गायब—सो रेंयो । इण रो परिणाम ओ निकळयो के राजस्थानी रो प्रारम्भिक रूप प्रयोगा रें मोह रें कारण अर भाषा रें परिनिष्ठित स्वरूप रो बहुतायत सू धीरें-धीरें सकुचित हुवण लागगो । मोळहवी शताब्दि ताई इण नें डिगळ नाव सू पुकारघो जावतो । साहित्यिकता रो बहुतायत अर देसी आधार रो समाप्ति रें कारण आ भाषा कृत्रिम वणगी । इण कारण जूनी राजस्थानी रें साहित्य मे प्रयोगा रो लूठोपण तो निजर आवें पण जीवन रो ताजगी सफा गायब दीर्घ है ।

डिगळ भाषा रो आ कृत्रिमता आपरी निजू असरदार विशेषतावा राखता यका भी भाषा नें जड करदी, इण मे की सदेह कोनी । आज रो राजस्थानी रें वास्तं अक मोटी समस्या आ है के डिगळ रें सस्कारा नें निभावणो आज मुश्किल अर अनावश्यक हुवता यका भी उणा सूँवा (राजस्थानी भाषा) मुक्त कोनी हुय पा रेंयो है । इण रो अक कारण ओ है के राजस्थानी रो ओ रूप भलें ही कृत्रिम हो, ओ हीज इण भाषा रें व्याकरण रो आधार है । राजस्थानी रो सगळो व्याकरण इण भाषा रूप नें मानव मान'र ही निमित्त हुयो है । भला ही टेंसिटोरी हुवो के भला ही रामकरण आसोपा । अं लोगां राजस्थानी रें व्याकरण रें नाव मायें प्राप्त (साहित्य रो सीमावा रें कारण) दर असल सिर्फं डिगळ भाषा रो हीज व्याकरण लिख्यो है । अवें जड के भाषा रो रूप नित नूवो हुय रेंयो है, जूना शब्दा रा रूप पिस रेंपा है, वाक्या रो वणवट नूवो अदाज धारण कर रेंयो है अर तेजी सू भाषा माय नूवी प्रवृत्तिया पनप रेंयो है, उण वगत ओ व्याकरण इण रें विकास मे मोक्ली अडचण पंदा कर रेंयो है । इण वास्तं आज रो राजस्थानी भाषा रो इण समस्या सू छुटकारो पावण सारु डिगळ रें मोह नें अर उण रें व्याकरण रो वदिशा सें छोडणो ही पडसी । इण रें बिना इण भाषा रो तज गति सू विकास समब कोनी ।

मध्यकालीन राजस्थानी सू उपर्योडी समस्या—डिगळ जड सकुचित अर कृत्रिम भाषा रो रूप धारण करण लागगी तो आम जनता मे तेजी सू उण सू असल राजस्थानी रो देसी रूप विकसित हुयो । भाषा रें इण रूप रो विकास लोक चेतना सू सातरें भाव सू जुडियोडो हो । ओहीज कारण है के इण मे लोक-साहित्य रो मोक्लो सजंण हुयो । मीरा अर राजस्थानी जन-भावना नें कडी गहराई ताई जुडयोडा राजस्थान रें सत सोगां रो साहित्य मध्यकाल रो भाषा रें लोक आधार रें प्रमाण प्रस्तुत करे है । इण भाषा माय सरळीकरण रो प्रवृत्ति खास ध्यान खींचण आळी विशेषता है । इण भाषा मे ही संस्कृत रें शब्दा रा तदभव रूप विकसित हुय

है। इण प्रवृत्ति सू हाताकें माकळो लाभ हुयो पण अेक् मोटा नुकसान ओ हुयो कें इण भाषा री दिशा ग्रामीण भाषा रो रूप धारण करणें री ओर प्रवृत्त हुयगी। ठेठ ग्रामीण भाषा रें रूप मे आ फेंनती रेंगी। इण सू आ जाणें भाषा रें क्षेत्र नें छोड़'र बोली रें क्षेत्र मे प्रविष्ट हुयगी। भाषा रो ओ रूप आपरें निजू मुहावरा रें कारण, सरलता अर मिठास रें कारण राजस्थानी भाषा रो अेक् प्रभावशाली आकार निर्मित किया। पण इण री दिशा बोली रें कायनी हुवण सू भाषा रो रूप घोर-धीरें खतम सा हुयगो। चारण कविया ज्यू डिंगल नें अेक् घणावटी अर मुशकिल भाषा वणायदी उणी भांत लोक चेतना राजस्थानी रें देसी रूप नें ग्रामीण बोली रा रूप दिराय दियो। भाषा विज्ञान रो ओ सिद्धांत है कें विकासशील भाषा री दिशा बोली सू भाषा कानी प्रवृत्त हुवें पण मध्ययुगीन राजस्थानी रें लोक साहित्य री प्रधानता अर उण रो ग्रामीण आधार आ गवाही देवें कें आ भाषा दर असल बोली कानी ज्यादा विकसित हुयी। सामान्य हिंदीजन या दूसरा भाषा-भाषी राजस्थानी नें भाषा नी मान'र बोली मानें उणारी चितना रो ओहीज आधार है। इण वास्तें आपा जद राजस्थानी नें भाषा रें रूप म सविधान म मायता प्राप्त भाषावा री सूची म सामल करावणी चावा उण वगत दूजा लोग इण रो समर्थन इणवास्तें कोनी करें कें उणा रें मन म आ बात घर करगी है कें राजस्थानी दर असल बोली ही है भाषा कानी। इण भात मध्ययुगीन राजस्थानी रो भाषा रूप इण रें खातर आपरेंदग सू समस्यावा पंदा कर रेंगो है। लोगा रें इण भ्रम नें तोड़ण सारू अर राजस्थानी नें भाषा रो समानप्रद रूप दिरावण वास्तें आ जरूरी है कें आपा इण री गति री दिशा नें अध बढल दवा। शहरीकरण री प्रवृत्ति जद आज समग्र देश रें समाजशास्त्र रो आधार वण रेंगी है उण वेळा राजस्थानी भाषा री ग्रामीण दिशा नें ताडघा बिना उण रा विकास असभव सो है। आ बात सुधी पाठका ज्यूही इण पत्तिया रें लेखक नें भी चाखी कानी लाग रेंगी है। पण ज्यू आज सगळी राजनीति, विज्ञान, उद्योग ही नी दश री सगळी समाजिक, आर्थिक अठें ताणी कें सांस्कृतिक दशावा रा नियमन, उणा रा नतुत्व अर उणारी सगळी चिंताधारावा तक् जद कें शहरी मानसिकता सू नियंत्रित हुय रेंगी है उण वखत राजस्थानी री ग्रामीणा-मुखता नें सजोय राख र आपा विकास कोनी कर सकसा इण बात म रचमात्र भी सदेह कोनी।

आधुनिक राजस्थानी री समस्यावा—राजस्थानी रा आधुनिक रूप सगळी कठिनाइया समस्यावा रें वावजूद तजी सू उभर रेंगो है। आ बात आपा नें आशवस्त कर र होसलो अपजाई भी करे। पण आज री राजस्थानी भाषा री भी अेक जबदस्त चुनौती रें रूप म सामें खडी समस्या है। राजस्थानी नें आज स्वय री पिछाण कायम करण री चुनौती सू जूझणो है। आ समस्या हिंदी सू अलग आपरी निजू पिछाण

वायम करण' री है । गुजराती अर राजस्थानी दोनू भाषावा सोळहवीं शतीं ताई अेक ही ही । पण उणरं पछें गुजराती तो आपरो स्वतंत्र भाषा रूप विकसित कर लियो पण राजस्थानी (जिमा पहूनी स्पष्ट कियो गयो है) या तो डिगळ रें बनावटी रूप नें आगें बढायो या देसी रूप नें, जिवो घोरं धीरं बोली रो रूप धारण कर लियो । आज गुजराती नें हिन्दी री बोली मान कैवण री हिम्मत कोई कोनी कर सकें पण राजस्थानी न केवल भाषा ही को मानीज नो धरुंक इण नें ध्यारू फेर हिंदी री अेक बोली रें रूप म ही समझी जावं है । राजस्थानी री आ समस्या संगळ टेडी सब सू भीषण अर उण रें अस्तित्व माथं हीज सवाळ खडो करण आळी घोरतर समस्या है ।

समस्यावां री निराकरण—अें सगळी समस्या सू पार पावण सारू राजस्थानी री दिशा तो बदळणी पडसी ही (जिण सू कें आ आज री सामाजिकता अर युगधारा सू जुड सकसो), इण रें विस्तार रा घणा-सारा उपाय भी करणा पडसी । भाषा री विकास अेक-दो वर्पां में कोनी हुया करे, ना अेक दो विद्वाना-पंडिता री चेष्टावा सू ही उण मे गति उत्पन्न हुवं । अें बात जितो साची है उती ही आ बात भी साची है कें किणी भी भाषा री समस्यावा अेहूदी कोनी हुवं कें अणसुळभाषाडी ही रेंय जावं या समस्यावा रें कारण भाषा री विकास हीज रुक जावं ।

भाषा तो बँवते पाणी री धारा है । अगर उण मे गति है तो कितो बाधावा सामनं वयू नही आजावं बा तो आपरो रास्तो पाम ही रेंवेली । समस्यावा उण रें मार्ग में रोडा भलें ही नाख दें, उणनं रोकण मे जड वण'र पूरी तरघा-सू समर्थ कोनी हुय सक् ।

राजस्थानी भाषा री गति पूरं अेक हजार बरसा सू वायम है । इणरी यात्रा मे दूजो भाषावा रें जयू हीज मोवळा उतार-चढाव आया है । आज उण री गति नें तेजो देवण री जरूरत है । चेष्टा करघा सू राजस्थानी री वाछिन विकास भी समभव है, आ अेंक निर्द्वन्द्व बात है । राजस्थानी री इण दशा सारू अपेक्षित चेष्टावा मे संगळ जरूरी इण रें शब्द भंडार री विस्तार है । हर भाषा री ताकत अर गतिशीलता री आधार उण री शब्द भंडार हुया करे । भाषा री समृद्धि री पिछाण शब्दा रें तादाद सू हीज तय हुवं है । राजस्थानी रें शब्द भंडार बीरता, तेज, रीज, भक्ति जेहूडा भाषा री अभिव्यक्ति सारू जिया मामध्यं अजित करी ही आज बौद्धिक-बैचारिक क्षेत्र री सर्वांगीण अभिव्यक्ति सारू भी उणी बात इण नें अमिसात् कर'र आपरो सामर्थ्य बसावणो पडसी । जीवन रें हर क्षेत्र री, भाव रें हर तरह री कोर री, सौंदर्य री हर तरह री दिशा री, बुद्धि री हर तरह री रंगत री अभिव्यक्ति करण आळी शब्दावळी नें राजस्थानी म पनपावण री जरूरत है ।

शब्द मंडार री दूसरी दिशा पारिभाषिक शब्दा रँ विकास री भी है। आज जिती तेजी सू समाज गतिशील है उतँ ही वेग सू हर भाषा सू पारिभाषिक शब्दा रँ निर्माण री अपेक्षावा भी बढ़ रँयी है। राजस्थानी इण रूप मे मोकळी पिछडती जा रँयी है। इण कमी नँ दूर करण सारू व्यापक अर गभीरतम प्रयासा री जरूरत है। लेखक री समझ मे अकादमी नँ अँक बृहत् प्रायोजना (प्रोजेक्ट) वणाय'र विज्ञान, दर्शन, साहित्य, तकनीकी आदि जिसँ हरक्षेत्र री परिभाषिक शब्दावल्या री निर्माण करणो चाहिँजँ। इणरँ बिना राजस्थानी री विकास सभव कोनी लागँ।

शब्दकोश री निर्माण—आ भी भाषा री एक जवदंस्त चुणीती है। राजस्थानी मे ओजू ताई वण्योडा शब्दकोश अछूरा, अँकागी अर अपर्याप्त है। इणा री अँक बडी कमजोरी आ है कँ उणा माय कोरी साहित्यिक सदमँता मौजूद है। जीवन सदमँ रा सगळा आयामा सँ जुडियोडी शब्दावळी अर उणारी अर्थ-निष्पत्तिया री निर्धारण किया वगँर भाषा री विकास असभव है। इण वास्तँ अठीनँ भी ध्यान दियो जावणो बृहत् जरूरी है।

राजस्थानी अँक व्यापक क्षेत्र री भाषा है। आज राजस्थान माय ही नहीं उण क्षेत्रा माय भी इण री व्यापक प्रसार है जठँ प्रवासी राजस्थानी लोग व्योपार कर रँया है। अँ प्रवासी लोग इण भाषा नँ बगाल, असम, महाराष्ट्र, तमिलनाडु रँ अतिरिक्त विदेशा माय ताणी फँलाय दी है। पण इण री व्यवहार घरेलू भाषा रँ रूप मे होज हुय रँयो है। मध्ययुग मे राजस्थान रा व्योपारी लोग इण री व्यावसायिक इस्तेमाल कियो हो अर महाजनी रँ रूप मे इण नँ अँक व्यापक क्षेत्र रँ व्यवहार री भाषा वणाय दी ही। कोई भाषा जद ताई घरेलू भाषा रँवँ उण री विकास को हुय सकँनी। इण वास्तँ राजस्थानी री महत्ता नँ अँक बार औरू स्थापित करण सारू इण नँ व्यावसायिक-औद्योगिक क्षेत्र री भाषा रँ रूप मे विस्तार देवणो जरूरी है। इण खातर राजस्थानी मे पारिभाषिक शब्दावळी री विकास भी करणो पडसी। इण शब्दावळी रँ सिरजण रँ बिना राजस्थानी री उन्नति या प्रगति री बात मान भावुकता सू करघोडी कल्पना भर हुयर रँय जाती।

भाषा रँ तेजी सू विकास खातर अखबारा-पत्रिकावा री मोकळी आवश्यकता है। इण क्षेत्र मे राजस्थानी मे इण कमी नँ दूर किया बिना उणरी समस्यावा नँ पार कोनी पायो जा सकँ पण दुख री बात आ है कँ आपा राजस्थानी मे अँक भी दैनिक अखबार तो निकाळ सका बोनी अर सरकार सू आ अपेक्षा करा कँ बा राजस्थानी नँ सरकारी कामकाज री भाषा वणाय देवँ। (कोई सँतीस बरस पहली श्री रगाभाई जयपुर सू जागती जोत नाव री राजस्थानी मे अँक दैनिक पत्र निकाळघो हो। वो अनियमित हो अर थोडँ अँसेँ पछँ बढ हुयगो) इणी भात आपाणी राजस्थानी

भाषा जठं ताई सगळें ज्ञान-विज्ञान रें विषया री भाषा रें रूप मे इस्तेमाल नी हुवें, उणरी समस्यावा का मिट सकसी नी। ओजू ताई आ सिफें साहित्य री भाषा हे। सौ-नचास साहित्यकार इण रो प्रयोग पुस्तक लेखन मे कर रेंया हे, पण जद ताई इण नें सगळें वाङ्मय री भाषा रें रूप मे इस्तेमाल नही कियो जासी आ पिछडघोडी भाषा हीज वणी रहसी।

इण भात ससार री दूजी भाषावा ज्यू हीज राजस्थानी री भी आपरी मोकळी समस्यावा हे। समस्यावा हुवणी मूडी वात कोनी, आ तो खुशी री वात हुवणी चाहीजें। इण खातर निराश हुवण रो कोई कारण कोनी। जठं ताई भाषा रें सामने समस्यावा खडी रेंसी, बा जीवत अर चुणौतिया सू जूझण आळी भाषा वणी रहसी। विना समस्यावा रें भाषा मृत भाषा वण जावं। राजस्थानी री मोकळी समस्यावा इण रें जीवन रें घडकण री सूचना देय रेंयो हे। इण वास्तं इणा सू भय खावण री या निराश हुय जावण री किचित् भी जरूरत कोनी हे। आज री प्रत्यक्ष जरूरत आ हे कें आपा राजस्थानी रें तेजी मू विकास सारू सचेष्ट हुवां ब्यू कें ओ कोरी भावुकता रो प्रश्न नी हे। ओ आपा री सगळी आस्थावा रो, विश्वासां रो अर आपा री सगळी वैचारिक सामर्थ्य अर बौद्धिक जागरूकता रो प्रश्न हे। इण ओळथा रें लेखक रें आशा ही नी, अटूट विश्वास हे कें आपा इण परीक्षा म खरा उतराला।



(राजस्थानी गंगा मे प्रकाशित)

राजस्थानी साहित्य की नूवी कविता

साहित्य हरमेस परम्परा ने जीया करे पण आपरे निराल अन्दाज म । एक परम्परा सू द्रोह दूजी परम्परा सू मूत्रपात रो कारण हुया करे । जूनी परम्परा रो विरोध नूवी काव्य प्रेरणा रो हतु बण ने उण रो प्रवर्तन करिया करे । हर टेम रो नूवी काव्य चेतना बदलियोडो जीवण दसावा माय जूनीडो भीत रो निजरा रे दूटता खण्डहरा मार्य माथो ऊचो कर ने गरव सू ऊभो होवण री चेष्टा किया करे । बदलाव रो ऐडी वाता हर युग म सामी आवती रँवे अर नूई नूई अनुभूतिया ने नूअे नूअे ढग सू परकट करण री आपरी निजु शेलिया रो सिरजण करती रेह्या करे । आगे जायन ऐ परम्परावा भी प्रयोग री मोकळी पुनरावृत्तिया रे कारण फीकी पडती जावँ । जिण सू द्रोह रो भाव आपी आप नूवा चित्तेरा म दोसण लाग जावँ । परम्परा रो आ अनूठो ढग साहित्य री नित नूवी सिरजण चेष्टावा आगीने धकलती रँवे ।

नूवी कविता री सज्ञा सू हिन्दी म जिकी चेतना उभरी ही उण रा आधार कोरो मोरो परम्परा सू विद्रोह रो भाव हीज कोनी हो । उण रो आधार बदलियाडा युग री एक अणददीसती माग ही । दूजोडा महापुद्ग र पाछे दुनिया भर म जिको विचार मथन हुया वो जूना मूल्या अर आदर्श न अचाणचक म हीज भूठा अर निक्कमा बणाय र परे नाख दिया । इण भावना न देस रो आजादी अर उण र पाछ री सगळी जीवन दसावा घणखरी पुष्टता दिरायी । ऐडी टेम रचनाकार रा हिवडा मोहमग रा अनुभावा सू भरीज न नूवे युग री माग न रचना रा विषय बणावण खातर आगीने आयो । आ लोणा री चेष्टावा प्रयोग न हीज आपरो इष्ट मानियो अर नूवी पगडडिया मार्य आपरा पगलिया धरता धवा साहित्य सिरजण किया । इण काव्य आन्दोलण न नयी कविता रो नाव दियो गयो । छठो दशक हिन्दी म ता नई कविता रो दशक बण र सामी आया जदे के उणी युग म उणी जीवण दसावा मे जीवण आळा राजस्थानी रा रचनाकार उण बोध न कोनी पकड सक्या । पण परम्परावा सू द्रोह रा भाव इणा माय भी वूरियोडा छाणा जिया माय ही माय सुलगतो हा इण म भी किणी भात रो सन्देह कोनी है ।

नूवी काव्य चेतना एक आवश्यकता— राजस्थानी रचनाकार र वास्त नूवी चेतना ने सामी लावण री चेष्टा आज रा बाध न धारण करण री बारी एक चुनोती हीज कोनी ही एक तरासू उणा री मजबूरी भी है । डिगल री वेळा सू ही

राजस्थानी साहित्य की चेतना माथे आचलितता अर लोक संस्कृति की छाप मोकळी गहराई सू छापीजियोड़ी ही । अठे की ऊजळी अर ओपती लोक संस्कृति अठे रे लोगा रे सोच ने सागीडे भाव मू जकडियोड़ी ही । इण अबल की आपरी निजू पिछाण जिण रूप मे कायम ह्वगी ही उण सू नीसरणो सोरो काम कोनी हो । सिरजण की वेळा उण की चेतना माथे संस्कृति रा सगळा पंलाव हावी रेंवता । उण सू आतरे जावती वेळा उण ने ओ म्बतरो हरमेस रेंवतो के आचलिकता रो फल्लो छोटती वेळा वठं ही उणा की खुद की निजू पिछाण ही खतरा मे नी पड जावे । आज्ञादी रे पूठे इणी कारण अठे रो रचनाकार और गहराई सू जूनी परम्परावा सू जुडग्यो । गोरखी रा गीता रा के घोरा की महिमा रो संगीत हीज गुणगुणावण लागग्यो । उण की आख्या रे सामी वेंवती समान्तर जिनगाणी जाणे उण रे वास्ते की भी महत्व कोनी राखती । अर बा आख्या मीच'र जूनी बाना मे हीज आपरी शक्ति खरच करतो रेह्यो । आ बात नूआ मिरजण रे वास्ते मोकळी चुनौती ही जिण सू जूझण मे वे की भी भात रो मकोच कोनी कियो ।

नूवा हस्ताक्षर—राजस्थानी साहित्य मे नूवी कविता की चेतना रो विकाम दोवडी अपेक्षावा ने पूरण की कोसिस ही । एके कानी तो युग की माग ही जिण ने हिन्दी आळा कवि पूर रह्या हा अर जिणा रो सीधो असर आ कविया माथे पडतो जरूरी हो । दूजी कानी अठे रा कवि की खुद की माय की माय कसमसीजती चेतना ही जिकी के परम्परा सू मुक्त ह्वण खातर आपरी पूरी ताकत सू कोसिस कर रेंया हा । फेर भी राजस्थानी मे नूवी कविता की सख्वात सातवा दसक ताई कोनी हूई सकी । हालाके उण कानी कदम बडावण रा सागीडा सकेत मिलण लागग्या हा । इण अणन्युतोड़ी दोडती आवती काव्य चेतना सू परहेज करणी अब सोरो काम कोनी हो । नानूराम सरस्वती, नारायणमिष भाटी, रेवतदास चारण, गजानन वर्मा, मल्लप्रकाश जोशी सारीखा कवि नूवी जमी की पिछाण रा आसार खडा करण लागग्या । इणा मे नूव जमाने की जीवती सम्बेदनावा ने माहाणी नकारण की प्रवृत्ति फोकी पडपी । नूआ भाव बोध रे वास्ते ऐ लोगा राजस्थानी साहित्य रा दरवाजा खोल दीया । डा मनोहर शर्मा रा अे बोल करवटीजती परिपाट्या रो प्रमाण हे— 'कवि कल्पना रो हस/मन भावतो हे ता यथार्थ की कोचरी भी कम रूपाती कोनी/ हस रे गीता रे साथे/अव कोचरी रा भी गीत गावो ।'

नूवी कविता की ओळखाण—इण नूवी कविता की साची ओळखाण सन इबातर मे प्रकामित काव्य सक्लण 'राजस्थानी-एक' मू हूय सकी । जूनी चाल आळी कविता ने इण सक्लण की मोटी रूपरेखा हिन्दी मे अजैय मू सम्पादित 'तार-मन्त्र' मू प्रेरणा लेय ने मिरजिन हूई । नूवी चेतना रा गाँव कविया ने सामी लावण

वालों ओ सकलन पण तार सप्तक री कोरी मोरी भद्दी नकल हीज कोनी है। पंसन री चाल ने अपणावता थका भी इण सकलण री ब्रितावा रे माय राजस्थानी री आपरी मिठास, रचनावा रो निरालो अन्दाज अर कथ्य री आपरी ओल्लाख मौजूद है। सकलण रा पाँचऊ कवि गोरधन सिंह सेखावत, पारस अरोडा, ओंकार पारीक, मणि मधुकर अर तेजसिध जोधा एकण कानी नूवी चाल ने लोक देवण री सचेत विचारधारा राखे है तो दूजी कनी आपरा निजूपणा ने भी दरसावण म पाछे कोनी रेवे है। इण सकलण सू राजस्थानी री नूवी कविता री पिछाण कायम हुई। जिण माथे आजरा मोकळा कवि आपरा कदम बढाय रह्या है। इण माप चन्द्रप्रकाश देवल, सावर दइया, नन्द भारद्वाज, विश्वनाथ शर्मा विमलेस, रामेश्वर दयाल श्रीमाली, लक्ष्मीशकर दाधीव, हरमन चौहान, पुरुषोत्तम छगानी, सत्येन जोशी, प्रेम जी प्रेम राजेन्द्र बोहरा जेडा एकदम नूवा कविया रे सागे सागे मोहम्मद सदीक, मोहन अलोक, शिवराज छगानी, अन्नाराम सुदामा, रघुराजसिंह हाडा जिंसा कवि सामळ है।

माटी रो अणभावतो कोड—राजस्थानी री नूवी कविता हिन्दी री ऐडी कविता सू घणखरी दिसा लेवता थका भी उण री पिछलग्गू कोनी है। नूएपणा रा सस्कारा ने ऐ लोग हिन्दी रे सागे सागे सीधा विदेसी साहित्य सू भी अपणावण री कोसिस की है। इणा रे माय माटी रो कोड सातरे भाव सू सम्येदनावा सू गुपी-जियोडो दीसे। ऐ कवि नूवे भाव बोध रे मिनख रे रूप मे निजूपणा ने खोजता थका भी आपरे ओळू दोळू री हुवा री ताजी महक ने छोडणो कोनी चावे। भीडतन्त्र रो एक अग होवण रो अहसास इणा माय अनुभवा सू पागीजियोडो निराश भाव भरे है। पण इण रे सागे गांव री आपरी पिछाण राखण री दर्दोली अनुभूतिया भी इणा री चेतना मे जमियोडी है—‘ओ गाव म्हारो है/राजनीति सू मूत्योडो।’ इणी तरा सूजूनी परम्परावा री निरर्थकता रो अहसास भी जीवते रूप मे उभर्यो है—‘आ मायला/हेलो पाडा चूच भिडावा/तमासो करा/आ मितर/घतूरो घोटा/मसाण जगावा/साथे मरा।’ (मणि मधुकर)

परम्परा सू द्रोह अर पीढ़्यां रो आतरोपण—आजादी री अणओपती बाता इण कविया ने विद्रोही बणावे। सामाजिक जीवन दसावा मोय वर्ग भावनावा, मिनख विरोधी आचरण रो विरोध इणा री कवितावा माय उग्र भाव सू सामी आई है। ऐ कविया रो सगळो विरोध, कविता रो जुभारूपण अर भासा री गुस्सेल तवियत, आर्थिक असमानतावा ने खासतौर सू चबडे लावण रो एक मोटो उपक्रम है। मोहम्म री आ पीडा दर्द रा दस्तावेज वण'र इणा री कविता ने भिभोडती निजर आवे है—

सोग केवँ सूरज ऊगो, पण बढे गयो परकास
 हाथ हाथ नँ खावण दीडे विण री रासां आस
 मुलक री आ बँडी आजादी
 पूत पितर में मन्वी छिनाली
 चारु दिस बरवादी । - (गणेशीलाल साल ब्यास 'उस्ताद')

आज री अराजक जीवन दसावां जिण अमूजे री सिरजण बरे उणा मे जिन्गी
 री आस्था पूरी तरें सू भम्पीजगी है । ऊगते सूरज री उजास अधारा री जिवी
 फँताव तीयोडा है उण मे सोग घोखे मे पडियोडा भरमीज रेंवा है । जिन्गणो
 आजीवन बारावास री यातना भोगती, कंद हुयोडी साफ साफ निजर आवे है—
 'काच रँ वेपरवेट मे बन्दी किणी रग पुसण री भात/अंक पार दरसी कंद मे/बाट
 उडीकती जिदगाणी ।' (पारस अरोडा) । मोहभ्रम अर व्यवस्था री अराजकता
 अणदवियोडा भाव सू इण कवि री चेतना री अग वणियोडी है जिण री हितोरा
 ऐणी कविता री ओळी ओळी माय निसरती रेंवे है ।

अमूजे री उकळतो लायो—दिवाबा रा सगळी सिरकारी मूडा समारोहा रे
 नारे मेहू सू वेला री काळी पीळी आंधी तेजी सू बेवती आप रह्यो है । ऐ कवि
 लोगा ज्यू आस्था मीच'र माडाणी नकारण री भूल कोनी करे । अराजक जीवन
 दसावा रा हेतु रूप राजनीति अर उण री सगळी सगली-भूण्डी बाता ने मैहदी रा
 माडिपा उणू बारीकी सू कविता मे उतार्या है—

'प्यारे भैणो और भाइयो/आज आपनं मैं बताण ने आयो हू वे/मैं चुनाव मे
 लड्यो हुमी हू/ जीयां पैल्या वीरवली थी हनुमानजी/लबा मे जाकें असोक बाटिका
 उजाडी बँया ही मैं टेबल कुरसी उठा उठा के पटक पटक मारुणा विरोधिया रे सिर
 म/आछ्या तीस मारुणा भी बारे भागता किरगा' (विश्वनाथ शर्मा विमलेश) ।
 अमूमती मिनख चेतना री उकैर इण कवितावां माय ऊडी घणी है । सत्ता री अलक
 उण ने घणी देर तई अबे दबाय को राख सकें नी इण मे इणा री पूरी आस्था है—
 'आगणे री अमूजो/घरती पर/भम्पाड़ वण'र पट्टसी बार लो मोसम/मायलें अमूजें
 री/रोकधाम/करण बंद आडो आयो/बंद आडो आसी ।' (मोहम्मद सदीक)

नूवी जर्घों रा ओळखीजता आखर—राजस्थानी री नुवी कविता री पिछाण
 करावण आळा ओळखीजता आखर री भाषा अबे भणियोडा री सन्तोष कोनी रेंयो
 है । इण कविता री यात्रा गिरती पडती उणी दिसा माय आगीने जाय रेंह्यी है ।
 जिण दिसा में आज री हिन्दी कविता ही कडें सगळी भासावा री कविता री यात्रा
 घणवरी चढती दीसे है । बोध री ओ स्वरूप ऐणी रचना-प्रयासा रा ऊजलेपव री
 साव भरे है । इणा री कवितावा मे जिन्गणो री ऊब घुटन अर बेफालतूपण—

राजस्थानी साहित्य री नूवी कविता

जिया घर मूँ दक्तर/दफ्तर सू घर/जिया म्हे जिया/तो फकत ओ सफर/जिया' (मोहन आलोक)। मूल्यहता आचरणा ने चवडें लावण खातर मूल्यहीनता अर जडता आदि रो चितरण जिया—'बयू एक रघुकुली ऊभो है भुवयोडो/जर्म जर्म सू दूट्योडो तिडक्योडो/जमानो/नी जाणें किण री स्वतन्त्रता सारू निरन्तर वर रैंयो है सग्राम (रघुराजसिंह हाडा)। संगामू ज्यादा विडम्बनावा ने सामी लाअणवाळो व्यंग्य रो हथियार भी इणा री कवितावा माय आपरी जुदी पिछाण करावे जिणनं बाचणो दोरो कोनी है—'घारें मे वाई गुण है/कें तने नभा, गैला मास्टर' (रामेश्वरदयाल श्रीमाली)।

ऐ प्रवृत्तियां राजस्थानी री आज री कविता री दिसावा ने सागीडे भाव सू प्रकट करती दीसे। इणा सू अब ओ भरोसो लियो जाय सके के राजस्थानी मे अब कोरी मोरी कल्पनावा आळा 'गोरडी रा गीत' के 'धोरा री धरती रो सगीत' के 'मारू री प्रेमकथावा' रा दिन लदग्या। इण धरती मे बीरा रा रगत री छाप ने सोधणो वीकर सम्भव है क्यूके जमी रो एक एक कण अबसरवादिया-भ्रष्टाचारिया री लीखा सू रळीजियोडो गिंघाय रैंयो है। अबे तो आज रा उबळता सवाला ने बाचणो जरूरी है। जिण सू सायत जिनगाणी रे साथे, आज रा मिनख रे साथे, मिनखा री दूटयोडी आशावा रे साथे, अर पाठका री अपेक्षावा साथे किणी भी भात रो न्याय कियो जाय सके। नूवी कविता रो प्रयोग करण आळो राजस्थानी रो आज रो कवि इण मुजब री जागरूकता री मोकळी ओळखाण करावे इण मे किणी भात रो भी सन्देह कोनी है। ऐ सगळी वाता राजस्थानी री नूवी कविता री चोखी सम्भावना रो भी भरोसो दिरावे है।

□

(जागती जोत में प्रकाशित)

धरती री आस्था रो रचनाकार :

कथाकार अन्नाराम सुदामा

धरती री आस्था रो साच—अन्नाराम सुदामा धरती री आस्था रो रचनाकार है। धरती ही इण रो विश्वास, इण री रचना-प्रेरणा अर इण रो प्रतिपाद्य है। धरती सू छेड़ै इण वास्तै न तो विणी भात रो कथा क्षेत्र है, न किणी भात रा जीवन री आचार सहिता। इण री रचनावा मे न तो धोरा रो रजत सिणगार है, न गोरडी री बाकी छिबया, न प्रेमकथा रा सबडबा है, न योद्धावा रा पौरुषेय करतब। इण री रचनावा माय राजस्थानी रा लेखका री ऐडी बेडिया सू दूर आज रे गाव रो यथार्थ साचै रूप म उपस्थित है। वे गाव जिणा मे गरीबी है, पिछड़ोपण है दोबडा आदर्श है, फालतू री रुडिया है, मस्कारहीण आचरण है, अशिक्षा रे सागै उण रा मिनखा री मजबूरिया है। इण बाता नै चित्त सृ सामी नाथ नै ओ लेखक आपणा ओलखियोडा गावा ने नूवी ओलखाण दिरायी है। ऐ बाता इण लेखक री अनूठी पिछाण हीज कोनी करावै बल्कि मानवीय आस्था रो ओ रूप सगळें राजस्थानी साहित्य रे नूवे अनुभव रो दरसाव भी करावे है। आम आदमी रे दर्द री आ ओलखाण राजस्थानी गद्य री आगामी सम्भावनावा नै उजगार करण रा ठोस काम भी करै है।

गाव रा यथार्थ रा वरणन करण वाला सगज रचनाकारा माय एक मुजब री उपकार चेतना दीसिया करै। गाँव रो बग्याण करता थका ऐहा लेखक आपरी निजता ने कोय बिरमाय सबे। भारेसूं आयोडा संतानिया ड्यू गाव री घणकरी बाता न ऐ जाणे मूवी कैमेरा री सहायता सू पकड न पाछो वरणित कर देवण म हीज वे आपरे लेखक कर्म री इतिथी कर देवे। गाव री बाता ने समाज अर देस री मोटी मोटी समस्यावा सू जोडनवाळा अे रचनाकार भाटी रा जुडाव री साची पिछाण कोनी कराय सवै। बैणै वास्ते गाव साची कोनी हुवे भापरी खुद री विचारधारा साची हुया करै। जमी रो कोड बैणै रचनाकर्म रो आधार कोनी हुवे। यश रा कोड उणा ने जमी सू जोडिया करै। इणी वाम्ते उणारी लेखनी जमीं रा माच सू सागीष्टे भाव सू एकमेक को हूय सकेनी। एक्कण कानी उणा री खुद री जुदी आस्थावा रवे तो दूजी कायनी धरती री सोचियोडी बाता काल्पनिक घटनावां माथे टिकयोडी रैय न

जुदो-जुदो असर निपजाया करें। धरती रो साच उणा री कलम सू सामी तो आवे पण उणा रो आप रो सोच उणा मार्य मौकली तरा सू छायोडो रेखा करें।

पण अन्नाराम सुदामा रे वास्ते आपरे सोच सू भी बेमी आपरी जमी रो महत्व है। वो साधक रे भाव मू रचनाकर्म कीनी है। पाठका तई उणारा विचार सम्प्रेषित हू जावे तो मेहनत सकारण नही तो कोई बात कीनी। सोचरा स्थूल वैचारिक आधारों ने रचना मू अलगावण री ऐ भागीरथ कोशिश इणा री सगली रचनावा मायने दीसे है। इण कारण इणा री कथा मृट्टिया माटी री ताजी महक सू रलियोडी है। ऐ इण महक रो इस्तेमाल निजर ने ऊपर सू गाव मू जोड़ण री जागा गांव री डच-डच जमी मे जायोडा माच ने सामी लावण खातर कियो है।

ग्रामीण यथार्थ—अन्नाराम री रचनावा रो गाव घटनावा री चमकती मोत्या री लडी कीनी है। न 'भारतमाता ग्रामवासिनी' बाळो पूज्य भावा रो थोथो प्रदर्शन ही है। इण रो गाव आप री सम्पूर्णता मे गुथियोडी एक इकाई बाळो गाव है। कथा री रचाव इण री रचनावा माय आपरी निजता मे सम्पूर्णता लोचण रो बन्धण तो म्बीकारे पण पोथ्या सू निपजियोडा ज्ञान रो नकली आडम्बर री किणी भात री पिछाण कीनी राखें। उपन्यासा री एक एक ओली आपरी सगली ताकत सू गाव री जीवनधारा मे प्राण फूकण री चेष्टा करती निजर आवे है। जिण माटी मे मीगणी भी है, जमी सू रलियोडा काटा भी, है धोरा रो सपाट फँनाव भी है पण इण रे मागे मागे उणा मे बीजा ने फळावण रो उपजाऊपणो भी है। इणां रे कथावा रो जीवन मिनख रे व्यक्तित्वण री पिछाणा रो प्रयास है, जिणने आपरी चेतना री सगली आस्थावा सू ओ रचनाकार सामी लायो है। जाने धरती एक चोखी तरऊ फँलियोडी एक रचनापट है जिण मार्य अन्नाराम आपरी कलम री कोरणी सू चोखा-मूडा, ओपता अणओपता, पूठरा खाटा सगळो तरे रा मिनग्या न जुदे जुदे रग रूप सू उकेरिया है। इण कारण इणा री रचनावा न पढती वेळा पाठक जाणे गाव री जमी म साँम लेवतो सा अनुभव करें। इणा री धरती चोखी तरें मू ओळखियोडी हूवता हुवा भी नूची नूची है। इणा रा चरित्र सामान्य मिनग्या मायला होवता थका भी आपरी पिछाण राखे है अर कथा मृट्टिया आपरी कमजोरिया रे बावजूद आपरो प्रभाव पंदा करण री ताकत राखे है।

अन्नाराम री रचनावा माय धरती रो साच आपरी सगली अमंगतिया रे सागे मौजूद है। लेखक मे एक ऊडी छटपटाहट है वे धरती रो सोवणो रग आज रा हालात मे बदरग बयू हूयग्यो है। इण री सगली सोभा मिट'र बयू पीकी पडती जाय रैयी है। लेखक री इण अकुताहट में किणी भात रो छद्म या दिखावो कीनी है। न इणा रे मन्तव्या माय किणी भी भात रो नकलीपण है। माटी री पीडा

इण री पीडा है और रचनावा जाणे लेखक री हीज व्यथा कथा री फँसाव है। धरती री महकती काया मे जहर फैलावणिया घसूरे रा बीज जीसा साच इणने टीसता रैव। कलम री रापी सृ ऐ जहरीला बीजा ने उपाडण मे हीज ओ आपरी मेहनत री मार्थकता समझे। तस्वीर रे रंगा ने बदरंग करणवाळी सगळी ताकता ने चेतना री छटपटावती ऊर्जा सू ओ लेखक पूरी तरै सूनष्ट कर देवणी चावे है। इण अनुभव मे पाठका री सहभागिता ने जगावण खातिर, जाणे उणां री आस्था मे ऊभी आगळी घाल'र उणा ने समाज री सगळी विसगतिवा रे रुखरू खडो कर देवणी चावे। इण चेष्टावा सू अन्नाराम सुदामा जाणे निरजण री नूवी चाल री सूत्रपात करतो निजर आवे है।

देशप्रेम री भावना—धरती री आस्था री भाव निराधार कोनी है। उण रा दोबडा—तेवडा आयाम इणा री रचनावा मे फैलियोडा है। मानवीयता अर देशप्रेम री भावना भी कथावा री अग हूयने बद आस्था खोलती नजर आवे है। अन्नाराम री मानव विश्वास भावनात्मक आवेश री प्रतीति करवावण सू ज्यादा उणरा वैचारिक आधारा री पुष्टि किया करे। शोपण, उत्पीडन रो घणखरो लुभावणो रूप सृ अर शास्त्रीय रूप रे मोहजाल सू ऊपर ऊठ ने ऐ आपरा उपन्यासा माय उणरे घटित रूप रो अरुन कियो है। पूजी रे आधार माथे सामाजिक वर्गा री अन्दरूणी अममानता ने चित्रण करण खातिर उणा रा सामाजिक पहलुआ ने मोकळो सम्मान दियो है। आर्थिक असमानता ने मिनखा रे आचरण सू जुदा कर देवण री वनिस्पत आचरण रा सत्या सू शापण रे रूप ने सामी लावण री भरसक कोशिश इणा री रचनावा मे निजर आवे। वर्ग रे पिछडेपणा रा हेतुआ ने सामी लाईजियो है। अकर्मण्यता, अशिक्षा, भ्रूखता न पिछडा वर्गा रे मिनखा मे देख'र सुधारवाद रो नूवो रूप कर्म माथे टेक'र परकट कियो गयो है। उणा मे शराब आदि री लता घणखरी बुराईया ने निपजावे अर उणा सू उणा री सामाजिक दशा आपोआप बिगडती जावे। शापण रे हेतुआ री आ खोज शोपिता री खुद री कमजोरिया रे सागे सागे शोपका रा ओछापणा ने सामी लावण म निसरती दीमे। गाव रा आज रा शोपक बदलिबोडी सामाजिक दशा मे नूवे रूप मे सामी आया है। प्रजातन्त्र मे महाजन लोगा रे हाथा मे गाव री सगळी सत्ता भेली हूगी है। जिणने गाव रा सरकारी अमला आपरे व्यवहार सू अमानवीय जामो पहरावण रो काम किया करे। शोपका मे पूजी माथे सगळे भाव सू कब्जो कर लँवण बाळा धन्नामेठा रो दोबडोपण, उणा री भीठी कथनी अर खोटी करणी आपरी सगळी मूगली चतुराई रे साथे वरणित कर ने लेखक उणा रे प्रति शोपिता रे उमडते विद्वेप ने परकट कियो है। सेठा रो धार्मिक ढोंग, सेवा रो नाटक अर हर दशा मे लाभकारी वाता री सिरजण री चेष्टावा पूरे जोश सू बघानका मे वणित हुई है। अन्नाराम री धरती री आस्था री मारी दिशा उत्पीडण रा ऐ दोनऊपक्षा ने उजागर

करण मे मोयली मलगनता लियोडी है। ओ इण दोषा रे परिष्कार रे वास्ते ध्याकुन होय रह्यो है। अर आपरी समूची चेतना मे इणने माडण मे एक्ण ठोड भेळी कर राखी है। भरती री वास्तविक महक रो आ ग्यो इण लेखक रा मानव विश्वास ने माकार करण मे सफल रैयी है।

देश प्रेम री भावना भी अेणा कथानका रो एक और बोलतो स्वर है। गाव ने नरक बणावण मे जिका तत्व मत्रिय भूमिका निभाय रैया है वैणी लम्बी चवडी रूपरेखा इणा रा उपन्यासा मे सामी आई है। सत्ता री राजनीति एकण कानी प्रशासनिक गतिविधिया ने नियन्त्रित करती निजर आवे तो दूजी कानी शोपका री अणभणियोडी अशोध चेष्टावा उणा रे खुद रे पना म ही वेडिया ने ओर काठी करती जावै। अन्नाराम मिनस अर सत्ता रे बिचाले पडण वाली सगळी श्रृणारमक ताकता मू टकरावण रो उद्धाह पाठका मे भरणी चावे है। इण अन्तराल मे इणा रा उपन्यासा रा कथानक पूरी ईमानदारी मू सामी लावण मे सफल रेह्या है। जातिवाद, बढती जनसख्या, नारिया री जड भावनावा, निठल्लोपण, सैगा न ए चवडे लावण री काशिता की है। समाज सापेक्ष राजनीति रो महाजना रे हाथा मे खेलण रे रूप मे बिरम्ह खाड मपतन, राजनीति रो मुधारवाद रोडोग, धर्म रा आधार रीबुराईया, प्रशासन रा बाहक सरपच, पटवारी, ग्रामसेवक, पुलिस रो आतकवादी रूप अर विकास योजनावा न स्वाध सिद्धी रे रूप मे इस्तेमाल करण री भूगली चेष्टावा रचनाकार रे माचे देश प्रेम री भावना न परकट करे है। लेखक रे वास्ते आपरी इण भावनावा ने दरमावणो सोरो कोनी है जिके मू ऐ उपन्यासा रे कथानका री कीमत माये भी आपरी राष्ट्रीय चेतना ने असंग मू भी जागा-जागा परकट कर दीनी है। कथा न छेडे मेल र उपदेशक रे रूप मे लेखक रो ओ औतार पाठका न भला ही जागा जागा खटकतो व्हेला पर अन्नाराम र वास्ते आपरा ई मास न अर आपरी अणमाप राष्ट्रीय भावना ने दबावणो सोरा कोनी है।

लोक चेतना— राष्ट्रीयता री आ भावना आपरे व्यापक रूप मे सगळे देश म जुडियोडी है तो सूछम रूप मे लोक चेतना ने कथा रो विषय बणावण मे जुडियोडी निजर आवे। पण अन्नाराम री लोकचेतना कोरा कोरा लोकतत्वा ने परिभाषित करण री तलछट सी योजना भर कोनी है। लोकतत्वा न पूज्य भाव मू सामी लायन लोका भला ही ऊभो जसलूट नियो हुवै पण इण मू लोक जीवण रा भोगणिया रो की लाभ को हूय सकियो है। धोरा सू लोकगीता मू, अठेरा परब त्योहारा मू ओ रचनाकार प्रेरणा लेवतो रैयो है। उणा ने महवी रा माडणा ज्यू माडतो रैयो है। पण ऐडा जादातर रचनाकारा मे लोक सू जुडावा रा आन्तरिक मूला रो अभाव ही दीमिया करे। 'अहोरूप' वाळा अदाज मे राजस्थान री लोक सस्कृति री अनूठी महिमा ने या

वीर सपूता ने निपजावणवाली जलमभोग्य के रूप में आदर्शवादी निजरा सू माह ने सामी लावण की भावुकतापूर्ण मूर्खता अठे रा रचनाकार हमेशा सू करता रखा है। पण अन्नाराम के वास्ते लोक संस्कृति से साज आज रा उलझियोडा जीवन की साची बानगी देवण से ठोस आधार कोनी बण सके। लोकजीवन कोई शाश्वत अवधारणा कोनी है। युग के बदलाव के सागे-सागे वा भी आपरा रूप बदलती रहे। आज के गाव से पीड़ित समाज माहणा से सौंदर्य कोनी रहे सके इण रातर मुलायो कोनी जाय सके। ओ रचनाकार न तो लोकजीवन से गौरव ने ही अन्तिम माने न परम्परा ने वखावण की भाटवृत्ति ही राखे। मुदामाजी तो आज से जुगसत्या ने सीधी-सादी शैली में वर्णित वर्ण से वसिस की है। धोरा से धरती से अडे अकन राजस्थानी गद्य से नूची परम्परावा से मूचना देवे। जुगसत्या ने गाव से जमीं सू हीज पकड़'र खीच ले आवण से इण लेखक से भूमिका सोरेसाज कोनी भूली जावे।

अन्नाराम से उपन्यास आज के गाव से दर्पण है। दर्पण ज्यूं हीज इण लेखक से ग्रामीण बिम्ब सू रागात्मक जुडाव उजागर हुयो है। उणा ने हीज निर्विकार भाव सू प्रतिबिम्बित करण में ओ आपरी सफलता समझे। अधिकारी भाव सू गाव से दोष, लोगा से कमजोर्या, धरम से पाबण्ड, महाजना से कमजोर्या, जातीय भावना, संस्कारहीणता सब से सब इण रचनावा में उतरती आवगी है।

गांधी युग से आदर्श भावना—अन्नाराम कोरी कूर यथार्थ से चितेरा भर लेखक हीज कोनी है। इण में आदर्शगत भावना भी कूट कूट ने भरियोड़ी है। उण दृष्टि सू इण से चेतना जूनी पीढी से मूल्य में अन्तिम साज मानती निजर आवे है। समस्यावा से विनाशकारी विकरालतावा सू भी आदा ओ लेखक आदर्श साहू मोकळो भुकाव राखे। नैतिक मूल्य इण के विचारा से खाद है तो पुराणा आदर्श वां थाळो है जिण में ओ आपरी कथा ने धीजतो दोसे है। समस्यावा सू लेखक से ओ ट्रीटमेंट कथा से दिसावा ने जबर्दस्ती आदर्श कानी घड़ी घड़ी मोडतो रहे। इण सू कथानका से विश्वसनीयता की कम हुय जावे। पाठका माथे सुधारवाद से ओ मोटो प्रयास घणखरो उल्टो असर ही डाले। जिण जटिल सामाजिकता ने पकड़ण से लेखक कोशिश की है उण नक्शा में जूना मूल्य बेमेळ है। पण लेखक से आदर्शवादी मन इण के उपरान्त भी बासी मूल्य ने धोपण में कमी कोनी राखी है। कठे, कठे ही तो आपरा ऐडा उछाह से भीक में लेखक उपदेश देवण लाग जावे। गांधीवादी युग से आदर्श ने आज के जुगसत्या माथे यू धोपण से भाव नूची चादर माथे जूना पंचन्द ज्यू अणओपता दीसे है।

नूची लड़ाई से खातर जूना हथियार—राजस्थानी गद्य में नूचा अनुभवा सू संस्कारित करण वाळो ओ रचनाकार कव्य के धरातल माथे जित्ती खरो है शिल्प से

धरातल माथे बुरी तरऊ पिछडियोडो हे । बात री महिमा उण रा साच रा स्तर माथे जिती निर्मर किया करे उणरे प्रस्तुतीकरण माथे उण नू भी जादा निर्मर करे है । नूवी लडाई रे वास्ते पुराणा हथियार काम कोनी देवे उण वास्ते तो नया हथियार ही घडणा पडे । आ बात अन्नाराम रे लेखन री दुर्बलता री सूचना देवे बयू के इण रा औजार एकदम भोतरा हुयोडा है । जीवन्त अनुभवा ने पुराणी शैली मे ठूसण री मजबूरी रचना रा प्रभाव ने कमजोर कर देवे । उपन्यासा री रचाय मोकळी कमजोरिया लियोडो है । कथा रो उठाव साधारण है । गति पागळी अर अन्त आदर्शा नू रूधियोडो है । अति नाटकीयता कथा री निरन्तरता तोडे तो रचनाबन्ध बिलकुल ढुलमुल है । कथा माथे लेखक री पकड पूरी रचना मे कठे ही कोनी दीसे । वो तो जाणे घटित सत्य रो पिछलंगू बणियोडो लिखतो जावे । कथानक ने समाज रो दर्पण बणाय ने कथा मे स्थूलता सूं खडो कर दियो गयो है । इण दर्पण मे वे बाता भी पाठका ने साफ साफ दीसे है जिण सू कहाणी माथे ऋणात्मक असर पडे । दर्पण रे दोप सू बिम्ब कितो ही साफ बयू कोनी हुवो प्रतिबिम्ब साफ कोनी भलकिया करं । अन्नाराम री रचनावा रा कथानक बलई उत्तरयोडा काच ज्यू बध्य ने साफ दीसण जोगा कोनी बणाय सकिया है । कथा मे वे बाता भी है जिणरी कोई जरूरत कोनी है । कथा रो डोरो भी इत्तो पतळो है कि ठोड ठोड टूट जावे । कथा ने आपरे आदर्शा रे धक्का सू लेखक आगे धकियावतो जावे । बात ने है ज्यू रे ज्यू कह देवण सू पाठका न ऐडो लागे जाणे वे कथा रो पारायण कोनी करं बल्कि लेखक रा घटित सत्या रा मस्मरणा ने पढ रँया है । राजस्थानी बातां री परम्परित शैली री छाया म कथा ने आगे बढावता जावण सू लेखक रा पाका अनुभव भी काचा पडग्या है । अर आ लागे जाणे लेखक रो रचना मे खुद रो कोई सरोकार कोनी है । वो ता बस जिको की भी आपरं गाव मे देख्यो है अणपचियोडा अन्न ज्यू उणनेपाछो उगळ दियो है । कथा म ऐडी बातां भी है जिकी लेखक रे अबिवेक ने परकट करं । जुग रो सत्य भासमान रँव तो रचना मे आपरी प्रभाव राखे पण वो ही जद पारदर्शी ज्यू ज्यो रो त्यो सामी आ जावे तद उणसू पाठक ऊत्र जावे । अन्नाराम सुदामा रे उपन्यासा रा पाठक इण ऊव सू ऊबर कोनी सवे । उणा ने या तो अर्द्ध आधुनिक चेतना रा पाठक बणनो पडे (जिण रे वास्ते ऐडा प्रसंग राबडिये रा लच्छा ज्यूं स्वादिष्ट हुय सके) । या पछे ऊत्र ने ठेठ तई ढोवण री मजबूरी स्वीकारणी पडे । बरना अबार तई तो जे रचनावा कस्वाई मानसिकता बाळा पाठका ने तो भले ही प्रभावित बर ले प्रबुद्ध पाठका ने घणीसीव लुभा कोनी सवे ।

रचना ससार—अन्नाराम री रचनावा एक ही सोच रो त्रमश विकास कानी है । इणा रो कथा साहित्य विचारा री प्रौढता सागे सागे मोकला जिम्मेदार हुवतो गयो है । कलम री धार ज्यूं ज्यूं सवरती गई है इणा री रचनावा उत्ती हीज

गम्भीर समस्याका सू जूझती गई है। कथा की सूक्ष्मता ने पकड़न में सचेष्ट हूयती रेहती है आ कथा की वैचारिक आधार और भी गहरे हूवतो गयो है। 'मँकती धरती मुळकती काया' सू सेयर 'मँवे रा रुख' तई फेंलिमोडी अणी कथायात्रा एक व्यक्ति की अनुभव यात्रा की दस्तावेज है। इण में ऊजली धरती का सत्य धिरपीजता दीसे है, जीवन अधिकाधिक विविधतावालो ने विचार अधिकाधिक प्रौढ हूवता निजर आवे। जाणें उणा की रचनायात्रा जमी सू आपरें जुड़ाव का पख करण की खातिर उण में और ऊड़ी ही ऊड़ी घसती गई है। लेखक की भाषा की पकड़ अर मुहावरा आदि की ओपत्ती उपयोग इणा की बात ने पाठका के हिवडे माय धिरपण की क्षमता राखें है। जमी की ऐंडी पिछाण अर गाव के जीवन का ऐंडा चितराम दूजी ठोड मिलणा दुरलभ है।

अनाराम की उपन्यास यात्रा की पैसंडो पड़ाव 'मँकती धरती मुळकती काया' के रूप में सामी आयो है। इण सू हीज लेखक आपरा मन्तव्या ने साफ करण में सफत रह्यो है। साहित्यिक निजरा सू की पोची हूवता थका भी रचना कथ्य ने उजागर करण की दृष्टि सू चोखी तरऊ सुफल दीसे है। इण में धोरा की विस्तार आपरी सगळी सुन्दरता के साथे ऊभो है। रेतीला टीका माय जीवन की ओपत्ती छविया आजादी के पेलडा जुगसत्य सू सरू हूयने ठेठ चीन का आक्रमण तई की पटनावा ने समेटियोडी दीसे है। 'किया काई म्हारो सिर, आपा ने न डर चीन की अर न बापडे पाकिस्तान की ही - अर भळे जू जित्तो ही नहीं। आपा न तो जद कद सगळा सू मोटो डर है एक आपा सू ही' इण मान्यता ने पोसण साहू रचना की कथा गूधीजियोडी है। नानी की बिथावा की आ कथा एक लुगाई की जीवन भर की नी होय'र सगळे युग की दरसण भी है। सामती छाया में पळण आळा गावा में सामाजिकता ने तोड़ण आळा जिका तत्व निपजिया उणा माय व्यक्ति के आचरण ने भूठा मूल्या का दिखावा अर घरेलू पडयन्त्रा सू तोलणो सैगाळ बडो काम है। नणदरा पडयन्त्रा की शिकार सुगनी (नानी) आपरा बोद अर टावरा सू बिछुड ने धोरा का समुन्दर में जाणे उल्लाल दी गई है। अर वा इण समन्दर सू अनुभवा का जिका काचा पाका मोती बटोर्या है उणा की हीज तरतीबवार कहाणी इण उपन्यास में है। समाज का साचा सेवक तो घर छोड़ण ने बाध्य व्हेवता रेंया है तो डाका डाळणिया, औरता की इज्जत सू खेलणिया लोग उण टेम सू हीज पनपता रेंया है। धरती की ओपत्ती मँक ने सागीडे भाव सू धिरपण की लेखक की कोशिया मिनख के आचरण का बेमिनखपणा के माय सूँचवडे आई है। सुधारवादी दृष्टिकोण के कारण उपन्यास को अन्त नानी की कथा ने समेटतो समेटतो उपदेशक की आदर्श भावना धारण कर लेवे।

‘मैवे रा रुख’ में लेखक की मुद्रा थोड़ी आक्रामक है। गांव ने सुरंग बनावणरो लेखक जिका सुपना लेवतो उणा नै सेठ-साहूकार भूखा गीध ज्यू जीम रँह्या है। अर फँकीजियोडा गांव की हालत बिखरियोडी आतडिया अर हाडवा की ठठरी भर हूय’र रँयग्यी है। गरीब नवकी घूर्न बाणिये रे फौलादी शिकजा म फसियोडो परायी सास लय रँह्या है। गरीबा की जीवन जाणे उणा रो खुद रो जीवन कोनी रँह्य ने परायो धन हूवतो जाय रँह्यो। फेर भी ऐ लोग बलियोडी जेवडी ज्यू परम्परावा रा बट कोनी छोड रँह्या है। वे तो जाति या वर्ण रो दम्भ पाळ रँह्या है अर यू आपरो खुदरो आपो बिसराय ने सगळा आर्थिक, राजनीतिक दबावा सू बेखबर हूय रँह्या है। ‘मैवे रा रुख’ की लेखक इण दशा ने देख’र जाणे आपरो धीरज खोय रँह्यो है। आपरी छुटपटाहट ने किणी भी भात सू दबाय कोनी सकियो है। उण की अडीक जाणे खूटीगी है अर लेखक रो अधीर मन आपरे मायली पीडा ने साकार करण खातर पोथी रे रूप में आपरी उण अकुलाहट ने लिखण लागग्यो है। इण पोथी माय अन्नाराम सुदामा की अभिलापावा अर उणा की दिसावा साकार हुई है। एकण कानी वो गांव की विगलित दसा की विवरण देखण की खातिर एक एक नजारा की, छोटी मू छोटी घटना की स्थिर धामीजियोडो रूप बडे धीरज सू उकेरे है तो दूजी कानी पाठका की चेतना में समाज का वंदी मैवे रा रुखा ने काठा झाल’र फफेडण की प्रेरणा भरतो जावे।

सिनाथ रे रूप में जाणे गांव का एक सचेतन पीरेदार सगळी कमजोरी रे माथ ऊडो भावतो जावे। अर उणा की जडरूप गांव की खुशहाली माथे कुण्डली मारियोडे नागा ज्यू बँठा सेठ धनजी अर हरजीराम जिता लोका की धिनीनी करतूता ने उघाडता जावे। शोषण का नूवा नूवा रूप, बेगार, मिठबोलीपण, एहसाना ने पराया माथे घोषण की कला, स्वास्थ्य साधण की सगळी पैतरेबाजिया, धर्म की आडम्बर, भलमनसाहत की ओछी वाता अर मोठी दुरी जिता अमानवीय क्रिया-व्योपार एक रे पछे एक पाठका रे सामी आवतो जावे। आख्या मदियोडा मूरख लाग इण चतुराई का शिकार हूय’र रोजीना लटीजता जावे। शिकारी अमलो, पुलिस, ग्राम सेवक, सरपंच भी इणी सेठा रे नाख्योडा हाडका ने चूसता कुत्ता ज्यू ऐणे मामी पूछ हिलावता रँवे अर सीधा सादा गांव आळा ने मूसता रँवे। गांव की आ सजीव चितराम आपरी साची पिछाण मू पाठका ने आवेशा मू भरतो रँवे। अन्नाराम की उपन्यास जला की मुधारवादी रूप भी ‘मैवे रा रुख’ में दीसे है। सगळा रे हित की आदर्शवादी समाधान उपन्यास ने जूनी जेवडी सू कथा न बाधियोडो दीसे है।

अन्नाराम सुदामा की ताजी रचना ‘बेसर’ एक बार फेरुं गांव की ही कथा है। धरती की आस्था की रूप इण में भी उणी तरा सू निजर आवे है। ‘बेसर’ उपन्यास में पैलडीवार एक केन्द्रीय चरित्र माथे कथा की रचना हुई है। ऐणा पैलडा

उपन्यास व्यक्ति रे ब्याज सू समष्टि री छवि साकार करता दीसे । पण इण मे व्यक्ति ने केन्द्र मे राख'र उण रे साच ने ज़िम्मावण री कोसिम दीसे है । बिना बाप री बेसर कावे रे घर रो सगळो कारज सार्या पछे भी उणा री पिछ्छाण नी कराव सकी है । माँ री मौत सू जूझण खात'र वा भूत प्रेता री भी परवा कोनी करै । पण आपरी कोसिसा मे सुफल कोनी हूय पावे । 'बेसर' भी इणा री पैलडी रचनावा ज्यू हीज अन्धविश्वासा ने चुनौती देवे है । इण रूप मे आ रचना भी लेखन री उपन्यास शिल्प परम्परा रो हीज आगळो रूप कंयी जाय सके है ।

अन्नाराम रो कहानीकार रूप एणा उपन्यासकार रूप रो पूरक है । कहाण्या रो विषय भी गाव ही है । उणा रो ट्रीटमेन्ट भी सुधारवाद सू रळियोडो पगियोडो है । अर यथार्थ रे माय सू हीज आदर्श ने ढूढण मे लागियोडो है । इणा मे उपन्यास आळा हीज विषय उठाइजिया गया है । चरित्र अर निजर रो विस्तार भी वेडो हीज है । 'ढकीजता मानवी' भी पैलडी रचना 'मैवे रा रूख' ज्यू हीज गाव रे सामाजिक जीवन रा अग रूप मे अन्धविश्वासा अर आढम्बरा माथे आश्रमण कर ने सचेत करण री चेष्टा करतो दीसे है । ब्याज रो धन्धो करण आळा रा सिकारा री कथावा इण रे माय भी चवडे आवती दीसे है ।

इण रूप मे अन्नाराम मुदामा रो रचनाकार दरअसल धरती री आस्था ने सामी लावण मे पूरी ताकत सू जुटियोडो है । गाव रो चितराम खैचता यका भी धोरा री धरती रो यथार्थ इण री रचनावा मे साकार हुवतो रैवे । इण लेखक री गाव री आस्था, शोषण रे सामी ऊभण री पुरजोर चेष्टावा, मिनखपणे रो विरवाम अर जमी रा यथार्थ रा चोलता चितराम राजस्थानी गय री सामी आवती सम्भावनावा ने उजागर करै है । राजस्थानी उपन्यास ने खडो करण मे इण लेखन रो योगदान हरमेम याद कियो जावतो रैवेला ।

□

(जागतीजीत मे प्रकाशित)

मीरां रे साहित्य सूं जुड़ियोड़ा की अणसुलझियोड़ा सवाल

मीरा रे साहित्य सूं जुड़ियोड़ा अणसुलझियोड़ा सवाल रे खोज रे कोशिश आपोआप मोकळो महत्व राखे है। क्यूँ के मीरा रा साहित्य माथे मोकळो काम हूया पाछें भी उणरो जीवन अर साहित्य पूरी तरामूं निविवाद बोनी हूय सकियो है। मीरा रे साहित्य रा अध्येता कठे-कठे तो फालतू बाता माय आप रो श्रम जाया कियो है (जियां के उणरे साहित्य री परख करण री जागा उण रे नाम रे उद्गम री खोज रे कोशिश माय हीज सगळी ताकत खरब बर दीनी है)। इण वास्ते मीरा रे साहित्य रा समीक्षक उण रे साहित्य रा सोदयं रा हेतुवा ने पूरी आस्था अर भरोस सूं उजागर कोनी कर पाया है। जद के दूजे बानी आम जनता उण रा पदा ने पूरी आस्था सूं मान'र उण माय रूचि लेवती रंथो है। मीरा रा साहित्यिक महत्व अर जन भावना री स्वाभाविक रूचि रे बिचाळे रो ओ आतरोपण इण बिचार ने सामी ले आवे के आखिरकार बिद्वाना अर सहज विश्वासा आळी जनता रे सोच रे आतरोपण रो कारण कई है? इण सवाल रा जबाब सारूं मीरा रे साहित्य रा अणसुलझियोड़ा सवाल माथे बिचार करणो जरूरी है।

मीरा रे पदा री क्रम व्यवस्था रो सवाल—मीरा रा पदा ने दीयोडी आज री क्रम व्यवस्था ठीक कोनी कंथी जाय सके। उणा सूं भी मोकळा मतभेद पंदा हूया है। मीरा रा पदा माय उणरो खुद रो जीवन अनेक रूपा मे सादर्भित हूयो है। इण सूं इण बात ने मोकळो बल मिले है के मीरा आपरो साहित्य सर्जन करती व्हेळा खुद रे जीवन प्रसंगा सूं सीधो प्रेरणा लीवी ही। बीद रे गुजर्या पाछें राणा सूं ताणातर्णा, जहर पीवण री घटना, बिन्द्राबन जात्रा प्रसंग या द्वारिकाजी सूं जुड़ियोड़ा पद तो साफ-साफ निजर आवे है। पण समयो दशावा रा या उण रे जीवन री दूजी बाता सूं जुड़ियोड़ा पद उण रे पदा ने दीयोडी आज री श्रम-व्यवस्था माय साफ साफ निजर कोनी आवे। जिया के योगी ने सम्बोधन देवण आळा पदा ने जुदी-जुदी ठोड भेळा करीजियो गयो है। इण सूं आ बात और उलझणी है।

भगती रा सस्कार तो मीरा मे उण रे बचपन माय हीज पड चूका हा पण उण रा साहित्य सिरजण रा मस्कार कदे पड़्या हा आ बात अजे तई साफ कोनी हूय

सकी है। जिया महाप्रभुबलभाचार्य सूर दीक्षा लिया पछे सूरदास मे अचानक भावा रो बदलाव निजर आवे है उणी तरासू कई मीरा माय भी विधवापण री मार सूर अचानक नाव्यत्व फूटियो हो के कबीर रे जीया जुदा-जुदा सता रे सम्पर्क सूर अचानक ही उभरीजियोडा भाव बिम्बां ने उभारण री चेष्टा दीसे है। ब्यूके इणा माय सूर अगर लारली बात साची है तो इण ने लेय'र मीरा री जिनगाणी सूर जुडियोडी मोकळी बाता सूर नूबा नूबा साचा ने ढूढिया जाय सके है। इणी भात उण रे काव्य सूर उण री जिनगाणी रा मोकळा अणदीठता प्रसगा ने भी सामी लायो जा सके है। इण वास्ते मीरा रा पदा ने उण जीवन प्रसगा सूर प्रत्यक्ष जोड'र उणारी पुनर्व्यवस्था करणो जरूरी है।

मीरां री ईश्वर परिकल्पना : मूल उत्सां री खोज—मीरा रा आराध्य कुण हा इण बात मे सन्देह करणो एक तरासू पूनम री रात माय चाद ने ढूढण जीसो मूरखता रो बाम है। 'मेरे तो गिरधर गोपाल' रे घोपणा पत्र रे साथे उण री रचनावा जिण रूप माय सामी आई है उण माये सन्देह करण री कोई गुजाइस कोनी है। बयू के कृष्ण रे वास्ते मीरा रे मन म अनुराग रो भाव इत्तो गहरो हो के उण कारण दोना माय अन्तर करणो दोरो बहे जावे। मीरा जाणे कृष्ण-कृष्ण रटता कृष्ण रूप हीज बहेगी। मीरा री ऐही भगति भावना पाठका ने भी उणी तरा सूर सस्कारित करती रंवे है। इण वास्ते मीरा री ईश्वर विषयक भावना माये तिणी भी भांत रे सन्देह री गुजाइस कोनी है।

फेर भी म्हारें मुजब मीरा रे आराध्य रो सवाल अजें तई अणमुलभियोडो है। सवाल उण री दिशा ने लेयने कोनी है। न सवाल उण रे लक्ष्य ने लेयने है। सवाल तो उण रे साधन ने लेय'र है। भक्ति सूर सम्बन्धित मीरा रा जुदी जुदी भावना रा पद इण विवाद ने सामी लावे है के मीरा रा भक्ति सम्बन्धि पदा ने उण टेम रा प्रचलित कृष्ण भक्ति रा जुदा-जुदा सम्प्रदाया माय सूर आखिर किण सम्प्रदाय सूर जोड'र देखणो चाइजे।

मीरा र काल म कृष्ण भक्ति रा जित्ता भी सम्प्रदाय फैलियोडा हा उणा री दार्शनिक मान्यतावा इतरो न्यारी न्यारी ही के लक्ष्य एक होवता थका भी उणा माय मोकळो संभिन्य हो। मीरां रे जीवन न उजागर करण आळी सामग्री सूर इण बात रो इशारो मिळे है के उण ने कृष्ण भक्ति रा एकाधिक सम्प्रदाया रे जुदा-जुदा व्यक्तित्वां गू मिलण रो मोकी मिलियो हो। आ बात भी आसानी सूर गिरणीज सवे है के मीरा रे आपरे टेम हीज उण रो नाय चारऊकरें फल खूबो हो। इण वास्ते कृष्ण भक्ति रा न्यारा न्यारा सम्प्रदाया माय इण बात री होड जरूर मची थैला के के किणी तरासूर

मीरा ने निज रे सम्प्रदाय मायने खीच लावे । इतिहास सू भी इण बात री गवाही मिले है के मीरा रो बल्लभ सम्प्रदाय रा पुष्टिसम्प्रदाय, चैतन्य रा गोडीय सम्प्रदाय अर हितहरिवंश रा राधावल्लभ सम्प्रदाय रा अनुयायियों सू सम्पर्क हो ।

बल्लभ सम्प्रदाय अर मीरा—बल्लभ सम्प्रदाय रा व्यवस्थापक महाप्रभु रा पुत्र विट्ठलाचार्य रो छँ छँ द्वारवा यात्रावा समयत उणा रे सम्प्रदाय ने बढ़ावण री कोशिश रे वास्ते हीज बरीजी ही । आपरी एण यात्रावा रे माय वे खुद कदे ही मीरा सू भेट कीनी ही वे कीनी कीनी इण री जाणकारी कानी है । पण आ बात बिलगुल पक्की है के मीरा न लेयन विट्ठल अर उणा रा सम्प्रदाय रा दूजा लोग म एक् तरं री फास जरूर ही । इण बात री पुष्टि 'दा सौ बावन वैष्णवा की वाता रा मोकला प्रसंगा सू अर दूजा प्रमाणा सू हुवे है ।

केह्यो जावे है के कृष्णदास (जिका के पुष्टिमाग रा खास आठ बविया री टोली अष्टछाप माय सू एक हा) मेढता मायने मीरा सू सप्रयोजन भेंट कीनी ही अर एक तरा सू उणा मीरा ने अपमानित कर ने पाछा वृंदावन फिरग्या हा । द्वारिका सू पाछा फिरती भैल्ला ए मीरा रे गाव गया हा अर उण री भेंट करण री प्रार्थना न ठुकराय ने ब्रज पधारग्या हा । आ घटना मीरा रे वास्त बल्लभ सम्प्रदाय री नाराजगी न प्रकट करे । आ नाराजगी इण वास्ते उपजी ही वे उण टेम मीरा आपरी ख्याति र नरम माथे ही अर वा कृष्ण भक्त होवता थका भी बल्लभ सम्प्रदाय र बारते उपेक्षा वरत रेही ही । मीरा रे जीवन री ऐंडी हीज दूजी घटनावा भी इण हीज विचार न घिरपीजे है ।

मीरा री एक सति (जिण न कोई काई उण री रिश्तदार भी बताया करे है) अजबकुवरी बाई री हादिक इच्छा पुष्टिमाग मे दीक्षा ग्रहण करण री ही । पण इण मुजब मीरा सू बात करण सू उण ने प्रोत्साहन कोनी मिलिया । केह्यो जाव है के मीरा रे मना करण रे बावजूद वा आखिरकार पुष्टिमाग माय दीक्षा ले लीनी । दा सौ बावन वैष्णवी की वार्ता रे माय आ बात इण बात माडियोडी है के मीरा जद विट्ठलाचार्य जी ने आपरी सोगात देम र पाछी फिरण लागी तो उणा इण री सोगात लेवण सू इनकार कर दीनी । उणा रो एक् चेत्तो मीरां न समझायो के गुमाईजी तो आपरे चेला सँ हीज सोगात लिपा करे दूजा सँ कोनी लिया करे । उण टेम अजबकुवरी बाई मीरा सू केह्यो के थें केवा तो म्ह इणा री चेली बण जाऊ पण मीरा इण री हामी कोनी भरी । फेर भी इण घटना पछ अजबकुवरी बाई मीरा री राय नी मान र विट्ठलजी री चेली बणगी ।

आ घटना दीसण मे भलाहीं साधारण सी लागे है पण आ मीरा री मनो भावनावा ने जरूर दरसावे है । एक तो आ घटना विट्ठल अर मीरा री भेंट री

पुष्टि करे है। दूयजी बल्लभ सम्प्रदाय रे वास्ते भीरा री अरुचि अर सम्प्रदाय रा अधिष्ठाता री भीरा रे वास्ते री ईसका भरी भावना ने भी सूचित करे है। इण रे वावजूद इण साच सू भी इनकार कोनी कियो जाय सके है के बल्लभ सम्प्रदाय रे वास्ते भीरा रे मन माय एव तरे रो आकर्षण थो। दूयजी कनी इण सम्प्रदाय आळा भी उण ने आपरे कनी लुभावण रे वास्ते मोकळा प्रयास कर रेह्या हा। इण कारण इण सम्प्रदाय रो भीरा माये सीधो के गुप्त-प्रभाव सू इनकार कोनी कियो जाय सके है।

बल्लभ रो पुष्टि मार्ग ईश्वर रे अनुग्रह रो आधार लेय ने जिण विशिष्टाद्वैतिक दार्शनिक सिद्धान्त रो निरूपण करे है उण ने व्यावहारिकता देअणआळा अष्टछाप रा कवि आपरा साहित्य मायने दाम्पत्य सबध री भक्ति माये हीज मोकळो ध्यान दिरायो है। उणा श्रीमद्भागवत री कृष्ण कथा सू एव खास मौलिक उद्भावना करी है। कृष्ण री परम्परित कथा रे मायने भ्रमरगीत रा प्रसंग ने इणा व्यवस्थित ब्यारूप बणाय दीनो। सूरदार जिकी नूवी परम्परा ने भ्रमरगीत रे रूप मे सरू कीनी उण माये अष्टछाप रा सेवा सू छोटोडा कवि नददास तक आपरे इण सू जलम चलाई। इणा कविया रा भ्रमरगीत साहित्यिक दृष्टि सू तो मोकळी महिमा राखे ही है इण रे साथे साथे उणा री आध्यात्मिक महिमा भी कम कोनी है। इण सू दो भुतलवा री सिद्धि हुवे है। पेलो भुतलव भक्ति रा अधिकारी ने नियत करण माय दीने है। गोप्पा ने प्रेम भावना री परम अधिष्ठात्री रे रूप माय स्थापित करे न आ प्रसंग ईश्वर विषयक रति री परावाष्टा न दरसाया करे। समाज री सगली बर्जनावा - निषेधा - अवरोधां ने छेदे मेल'र गोप्पा कृष्ण रे सामे जिका प्रेम रो निभाव करे थो भक्ति रो आदर्श बण जावे अर दूयजा भगता रे वास्तं अनुकरणीय मारग प्रगस्त करतो दीने है।

भ्रमरगीत सू सवारण हुवण आळी दूजी प्रयाजन सिद्धिया भी कम महिमा कोनी राखे है। इण बहाना सू सूर आदि भगत ज्ञान पाय भगती री, योग माये भोग री अर निर्गुण माये मगुण री जीत स्थापित करण माय समरप रेंया है। भ्रमरगीत रो ब्यारूप मूं कोरी मोरी साहित्यिक सुन्दरता ही कोनी राखे है मोकळी आध्यात्मिक अर दार्शनिक सिद्धियां भी अगीकार करण मे समरप दीसे है।

भीरा रे आराध्य रो निर्धारण करण रे वास्ते में इण बाना कनी आपरी ध्यान नीबणी चाहू जिण रे वास्ते ऊपरता भगता विषयांतरा ने इण परचा माय समेटियो थो है।

इतिहास भला ही इण बाउ न पूरी तरा सू प्रमाणित कोनी करतो दैला पण भीरा रा विचारी माय बटे ही इण सम्प्रदाय रो अंतर जरूर हो इण बाब ने नदरानो

आसान कोनी है। अर एव बारू आपा जद इण तथ्य ने मान लेवा तो मीरा रा पदा री दिशा पछे वेही कोनी रैय पावे जेडी बी आज तई स्वीकारती रैयी है। अठे इण बात माये ध्यान देवणो जरूरी है कि मीरां रे पदा मायने भ्रमरगीत री साफ साफ चर्चा तो कोनी है पण उणा मे भ्रमरगीत री मोटी रूपरेखा अवसर वणती दीसे है। 'हो जी हरि वित गये नेह सगाय' सृ सरहोय'र भ्रमरगीत रा प्रमग स्पुट रूप मे इणा रा पदा मायने निजर आवता जावे।

(1) कृष्ण रो मयुरा जावणो दु स रो वारण बणे—

हो गए स्याम दुइज वे चदा।

मधुवन जाय भये मधुवनिया हम पर डारे प्रेम को फदा।

(2) कुब्जा सू परपूठ ईप्प्या—

'स्याम म्हासू ऐंडो डोले हो, औरन सू खेले घमात'

(3) अक्रूर रे वाम्ते विरोध रो भाव—

'कठिन क्रूर अक्रूर आयो साजि रथ रथ कह नई'

(4) ऊधो सू बतलावण—

'अपणे करम को वो छे दोस काइ दीजे रे ऊधो'

(5) राधा रे वास्ते ऊधो द्वारा सनेस लावणो—

'कुण बाचे पाती विणा प्रभु कुण बाचे पाती

बागद ले उधोजी आयो कहा रह्या साथी।

(6) ऊधो रे ब्याज सू आत्म निवेदन—

'ऊधो में बंरागण हरि की'

भ्रमरगीत सू वल्लभ सम्प्रदाय रा भक्त पेला परकट कीनोडी जिकी सिद्धिया हासल कोनी है उणा माय सू पेयली सिद्धि गोपिया रे प्रेम रे आदर्श री बात है जिकी मीरा रे सदमं मे फालतू व्हा जावे। क्यू के प्रेम री मतवाली मीरा मे जेडो भाव गाभीर्य अर राग सलग्नता है उण रे सामी गोपीया तो कई कोई भी भक्त कोनी टिक सके। गोपियां तो सायत आपरा जीवन मे कुटुम्ब कबीले री मरजादावां ने नारी रे शील ने चुनौतिया दीनी ही के कोनी दीनी इण री ठा कोनी पण मीरा इण भावा ने आपरो जिनगाणी माय परतछ कीतो हो इण मे किण भी बात रो सन्देह कोनी व्हा सके। इण खातर मीरा रे प्रेम भावना रो ऊडोपण गोपिया री प्रेम भावना सू मोकळो ऊडो, मोकळो भरोसमद अर मोकळो प्रामाणिक है इण मे सन्देह कोनी है।

भ्रमरगीत की दूयजी सिद्धी ने भी मीरा के पदों से जोड़-देखणो जरूरी है। मीरा के पदों से भ्रमरगीत की जिकी रूपरेखा बने है वा अधूरी होय'र भी उण कनी उणा के रुझान ने अवसर परकट करै। मीरां रा पद इण हिसाब से मोकळा सवाल खड़ा करै। शान माथे भगति की जीत ने दरसावण की मीरा ने किणी तरै की जरूरत कोनी ही। क्यूँ के सरूपोत से हीज वा भगति भाव माथे इणी दृढ़ता से टिकियोडी ही के शान के कनी भाकण तक की उण ने कोई जरूरत कोनी ही। पण योग माथे भोग की अर निर्गुण माथे सगुण की जीत दरसावण में मीरा के सामी मोकळी चुनौतिया या रुकावट ही।

मीरां अर योगमत—मीरा रा पद कृष्ण भक्ति से हीज सामोपांग जुडियोडा कोनी है उणा में योगमत से भी मोकळो उल्लेख है। जे एकर उण में योगमत से प्रभाव न भी माना तो भी जोगी के वास्ते मीरा रा रुझान ने नकार्यो कोनी जाय सके। उण की पदावली के माय जोगिया से प्रेम ने बतावण आळा जिका पद मिले है उणा ने लेय'र विद्वाना में मोकळो मतभेद है। कोई कोई विद्वाना इण बाबत ओ मतों राखे है के ऐडा पद या तो बाद में जोड़ीजिया है या फेर इणा से कोई खाम महत्व कोनी है। भूने इण धिरपणा माथे भरोसो कोनी है। क्यूँ के जोगी से जुडियोडा पद मीरा पदावली में माने उता घणा है के उणा ने आसानी से नकारणो सोरो कोनी है। इण वास्ते जोगी से जुडियोडा मीरा रा पदा की व्याख्या किण तरा से की जावे ई सवाल माथे विचार करनी जरूरी है।

इण पदा ने देख'र एक् बात तो आहीज बेहरी जाय सके के मीरा ने सांची में किणी जोगी से प्रेम हो। जेडो के इण पदा से जाहिर हुवे है—

- (1) 'जोगी मत जा मत जा मत जा' वाला पद के आखिर में माने 'जोत में जोत मिला जा' केवणो।
- (2) 'जोगिया के प्रीत किया दुख होई' वाला पद में ओ केवणो 'ऐसी सूरत या जग माही फेरि न देतो सोई'।
- (3) 'जोगिया की प्रीतड़ी है दुखड़ा से मूल' वाला पद के माय उण से निरमोही भाव से जावण की बात परकट करणो।
- (4) कोई कोई पद तो ऐडा भी है जिणा में जोगी से साफ साफ प्रीति की बात परकट हुई है अर पद के अन्त में उण ने प्रभु से दरसन से जोडण की बात भी परकट कोनी हुई है—

जोगिया निसदिन जोऊ बाट

पाव न चालै पथ दुहेतो आढा ओपट घाट

नगर आई जोगी रम गया रे मो मन प्रीति न पाई
 मैं भोली भोलापण कीन्हो राख्यो नहि बिलमाई
 जोगिया कू जोषत वोही दिन बीता अजहूँ आयो नहि
 बिरह बुभावण अन्तरित आवो तपन लगी तन माहि
 कै तो जोगी जग मे नाही, कैर विसारी मोई
 बाई करु कित जाऊ री सजनी नैन गुमायो रोई
 आरति तेरी अतरि मेरे, आवो अपणि जाणि
 मीरा व्याकुल बिरहिणी रे, तुम बिन तलफत प्राणि ।

कोई कोई विद्वाना जोगी री प्रिय या प्रियतम के रूप मे अरथ कीनी है अर यू
 ऐडा पदा मे योगी रो अभिधार्य हटाय मे उण ने प्रियतम रो पर्याय मानण रे वास्ते
 लक्ष्यार्थ प्रदान कीयो है ।

तीजी तरा रा व्याख्यावार जोगी शब्द न भगवान श्रीकृष्ण रा विशेषण
 योगीराज सू जोड न उणा री व्याख्या कीनी है ।

ऐ सगळी दृष्टिया किसी भ्रामक है या इणा माय सू किसी दृष्टि माच है इणा
 री परख करणी जरूरी है । पण दुर्भाग्य सू इण सवाला ने मोकळी तवज्जो कोनी
 दिरीजी है ।

मीरा रा पद अर नाथपन्थ—मीरा रा जोगी विषयक पदा माय कोई कोई ऐडा
 भी है जिण माय यागिया रे साधना पदा रो प्रभाव भी निजर आवै है । सेली, सिंगी,
 सयडा आदि शब्दावली रे सागे सागे मोकळा पदा मायने उणा री साधना पद्धति रो
 उल्लेख इण बात ने पुष्ट करे है । जियां—

माळा मुदरा मेळळा रे बाला खप्पर लूगी
 जोगिन होई जुग ढूढसू र म्हारा सावळिया रो साथ

योग साधना रो प्रभाव मीरा माथे और कारणा सू भी प्रमाणित कियो जाय
 सके है । हजारिप्रसाद द्विवेदी वज्रयानी सिद्धा ने देश रे बीचले हिस्से हूँ हट ने
 गाडहवाल राजावा री टेम सीमावर्ती प्रदेशा मायने फैलण री चरचा कीनी है ।
 नाथपन्थ भी इणीज कारण सू देश रा आयूणे सीमाडे माथे फैल गयो । इण पन्थ
 री एक पीठ अजे तई जोधपुर मे महामन्दिर मे स्थित है । मूँ कोनी जानू के ओ पीठ
 कितरो जूने है । पण मारवाड माय नाथा री चेष्टावा मीरा रे पेली सू देखणो किणी
 तरं री आपत्ति खडी कोनी करे । मीरा रा पदा माथे योग रा प्रभाव ने इण कानी
 बीयोडा शोध रे आधार माथे आसानी सू खोजियो जाय सके है । इण सू मोकळा
 अणसुळभियोडा सवाला रो जबाब मिल सवेला इण मे की भी सन्देह कोनी है ।

मीरा अर रंदास—मीरा रा पदा मे निरगुण माये सगुण रे जीन रो बात साफ साफ कोनी मिले है। उण री जागा इणा रा पदा माय निरगुण रे वास्ते भी आस्था उणी भाव मू दीसे है जिन भाव मू सगुण रे वास्ते सामी आई है। इण रो कारण मापत ओ होज छै सके के मीरा माये पड़ियोडो सन्ता-योगिया रो प्रभाव उण ने भ्रमरगीत रे ब्याकरण मे थापित निर्गुण माये मगुण री जीत रा बरणन करण मू परे धकेलतो रह्यो है।

मीरा री रंदास मूं जुडाव री बात भी इण सू जुड़ियोडी है। मीरा रा पदा रे मायने सन्त रंदास रा मिलण आळा नाम ने लेय'र भी विद्वाना मोक्ळा ऐतराज बिया है। माप है के कृष्ण भक्त मीरा रो सन्त मत आळा रंदास मू समीकरण लोगा ने पसन्द कोनी आयो है। पेर भी ऐडा पदा रे कारण इण बात ने नकारणो भी आसान कोनी है। कृष्ण भक्ति री बात बरता बका भी मीरा 'महजसुन्न'अर 'पचरण चोला'री बात भी उत्ती ही आसानी सू कर जावे है—

(अ) 'चाला वा अगम देस, बाल देस्या डरा

भरा प्रेम रा होज, हस केत्या करा।'

(ब) 'बरन कर्या अविनासी म्हारो, बाल ब्याल न खासी'

ऐडी ओळिया मीरा माये सन्ता रा साफ साफ असर ने प्रमाणित बिया करे। कृष्ण भक्ति ने चौखी तरऊ धारण करण वाली मीरा रो ओ केवणो भी विचार करण जोग है 'दरद की मारी बन-वन डोलू बंद मित्या नहिं कोई' कृष्ण रो प्रेम कई इत्तो अपर्याप्त हो के उण ने सन्ता रे जियां ही आपरी मनोव्यथा ने इण तरा सू प्रकट करणो पड़्यो। अन्तु, सन्तमत रो ओ प्रभाव मीरा सू फियोडो निरगुण-मगुण समीकरण रो सफल हेतु बण्यो है के उण रे उल्टे भाव ने प्रस्तावित करे है इण कनी भी ध्यान देवणो जरूरी है।

मीरा अर आल्वार सन्त—सन्ता रे मदभं म मीरा रे सागे उण रे जुडाव ने सन्ता रे विकास रे सागे भी जोड़'र देवणो जरूरी है। व्यावहारिक भक्ति रा मूल आत्माता दक्षिण रा आल्वारा मायने भी भक्ति री बेडी ही उत्कट भावना दीसे है जेडी मीरा रे मायने है। आल्वार 'शरणागति' या 'प्रपत्ति' री जिन परम रूप री धारणा की ही उण ने पाछे रा कविया रे वास्ते आदर्श रे रूप मे देव्यो जाय सके है। मीरा रा साहित्य मायने शरणागति रा सगळा तत्व उपस्थित देव्या जाय सके-

(1) अनुकूलता रो मकल्प—मैं तो लियो है गोविन्दो मोल

(2) प्रतिकूलता रो वर्जन—मेरे तो गिरधर गोपाल दूसरो न कोय

(3) गोप्यत्वकरण—यें तो पलक उघाडो दीनानाथ मैं हाजर नाजर कद की खडी

(4) इतर वाता रो निषेध—पग घुघरू बाध भीरा नाची रे

(5) वार्षण्य भावना—मै तो सरण पडी रे रामा, ज्यू जाणे त्यु तार

मीरा री आ प्रपन्न भावना उण ने सीधो आल्वारा री परम्परा सृ जोडे है । उण रो प्रेम भाव, मिलण री आतुरता, वेदना भाव, अकुलाहट तकरीबन वेडी ही दीसे है जेडी आल्वारा माय दीसिया करे । मीरा आल्वारा री उण परम्परा ने किया सुरक्षित राख सकी ही इण रो पतो लगावणो भी जरूरी है ।

मीरा अर गौडीय सम्प्रदाय—वल्लभ सम्प्रदाय रे अलावा कृष्णभक्ति रा दूजा सम्प्रदाया रो भी मीरा माये घोडो बहुत असर निजर आवे है । चैतन्य महाप्रभु रा गौडीय सम्प्रदाय रा शास्त्रीय आर्याता रूप गोस्वामी अर सनातन गोस्वामी बन्धुवा सू भी शायद मीरा री भेंट हई रहै सके । इणा रो भतीजो जीव गोस्वामी रो पुरपणने रो घमण्ड तो मीरा हीज तोडिया हो । इण रो 'त्रियामुख न देखण रो प्रण' मीरा हीज छुडायो हो । इण घटना सू गौडीय सम्प्रदाय रे वास्ते मीरा रा भुकाव ने देखियो जाय मके । जद इण भुकाव ने स्वीकारला तद उणरा प्रभावा न भी देखणो जरूरी रहै जावे । रूप गोस्वामी री पोथी 'भक्ति रसामृत सिन्धु' ने भक्ति रो आधार ग्रन्थ केयी जाय मके । उण मांय भक्ति री शास्त्रीय व्याख्या जित्ता विस्तार अर प्रामाणिकता मू हई है उत्ती नारद या वाण्डित्य रा भक्तिसूत्रा मांयन भी कोनी हई है । पण 'भक्तिरसामृत सिन्धु' रो स्वर वैष्णव भक्ति परम्परा मू घोडो भिन्न है । भक्ति ने ओ सुलभ-सरल कोनी मान'र दुरलभ माने है । उणरी दुरलभता हीज भक्ति री कठिनाईयां रो हेतु है । मीरा रा पदा ने गौडीय मत रे मिद्धान्ती माय ढाळ'र उण री ईश्वर री परिक्लपना न निर्धारित करणो अजे तई बाकी है । गौडीय सम्प्रदाय रे मायने मधुरा भक्ति रो जिको स्वरूप है उण रो मीरा माये मोवळो असर पडियो हो । चैतन्य महाप्रभु मे जिकी तन्मयता प्रेमानुभूति री जेडी उद्देवित दसावा दीसे है अर 'नवधाभक्ति' मांय सू मिरफ कीर्तन ने स्वीकारण री जिकी भावना है उण ने मीरा रा पदा मायने भी उस्ते हीज उद्देवण मू उपस्थित देखियो जाय मके । इणी भान मीरा अर चैतन्य दोतऊ माय एव अद्भुत समानता भी देखी जाय मके है । चैतन्य री नृत्य अर कीर्तन री प्रवृत्ति मू जुडाव मीरा मे मोवळी आस्था मू उपस्थित देखिया जाय मके है । 'पग घुघरू बाध मीरा नाची रे' रूप म मीरा रो नृत्य रे धाम्ने ग्याम भुकाव उण ने चैतन्य री भक्ति शैली मू जोड देवे । चैतन्य महाप्रभु री भक्ति भावना मू मीरा री भक्ति भावना री आ जुडाव री बात महाप्रभु वचनभाषाये री 'पुष्टि तदनृपह' री शैली मू लामी आतरे है । इण वास्ते चैतन्य अर वल्लभ दोनो री विचारधारा री मीरा रा पदा मांय हाजिरी एव अणमुजनिमोडा मवान है जिको के की जबाब री उडीत बने है ।

मीरा अर हितहरिवंश—इण भात हीज राधावल्लभ सम्प्रदाय रा प्रवर्तक हितहरिवंश सू भी मीरा री भेंट रा प्रमाण मिले है। केह्यो जावे है वे वे खुद मेड़ते आय ने मीरा रा मेहमान बण्यो हा। हितहरिवंश रो राधा-भाव उण टेम रा दूयजा कृष्ण भक्त सम्प्रदाया सू अलग-थलग ही हो। मीरा तो खुद औरत ही, राधा जीमी ही पीड़ित अर कृष्ण माथे रीभियोडी। इण कारण मीरा रे वास्ते हितहरिवंश रे राधा-भाव ने स्वीकारणो मुश्किल कोनी हो। मीरा तो एक ठोड खुद ने लारला जनम री राधा तक बतलायो है—‘रास पूणो जणमिया री राधा का अवतार।’ मीरापदावरी रे माय राधा रो घणो उन्नेख तो कोनी है फेर भी वो आयो तो है हीज। जिया—

- (1) आवत देखी किसन मुरारी छिप गई राधा प्यारी
- (2) ऊभी राधा प्यारी अरज करत है, मुणजे किसन मुरारी
- (3) राधा प्यारी दे डारो जु बशी मोरी
- (4) भूलत राधा सग गिरधर भूलत राधा सग।

पण मीरा पदावली री राधा वल्लभ सम्प्रदाय री राधा उय् ‘प्रोषितपतिव्या’ कोनी है। मीरा री राधा दरअसल कृष्ण रे सागे भूलो भूळण बाळी या कृष्ण री मुरती ने हृषिकेश ने उणा ने विजावण आळी राधा है। वा कृष्ण रा विरह मे भूरती रंवन बाळी राधा कोनी है। वा उपेक्षिता नायिका नी व्हायर प्रेमतृप्ता प्रगल्भा नायिका री बाणगी देवती दीसे है। इण वास्ते मीरा री राधा परिक्ल्पना हित-हरिवंश री राधा भावना सू कितरी समता या विषमता राखे है इण ने देखणो भी जरूरी है। वमू के इण सू उण री भक्ति री ग्रास दिया तय की जाय सकेला।

मीरा अर गीतगोविन्द री परम्परा—कृष्ण भक्ति री एक गैर शास्त्रीय परम्परा भी चालू रंयो ही। जयदेव रा ‘गीत गोविन्द’ सू चालती आवती आ परम्परा माधुर्य भाव री भक्ति रो चरम निदर्शन है। इण मे राधा अर कृष्ण रे रति रा परम सौंदर्य मू भरयोडा भात भात रा चित्र आकियाडा है। यू तो ‘गीत गोविन्द’ कृष्ण भक्ति रा सगळा सम्प्रदाया ने थोडो घणो प्रभावित कियो है। पण उण री सुतन्तर परम्परा भी आगे तई चालती रंयो है। जयदेव रे पछे चण्डीदास अर हिन्दी मे विद्यापति उणन आगे बढ़ायो। कृष्ण रो ओ लोकरजन पक्ष अर उण रो सौंदर्य शास्त्रीय रूप मीरा माथे भी अमर डाळ सक्यो के कोनी डाळ सक्यो ओ भी विचारणीय है। कंसा जावे है के मीरा खुद भी गीत गोविन्द रच्यो हो पण विद्वाना उण न नक्ली रचना माने है। पण मीरा रा पदा माय कृष्ण री रूप माधुरी रो सौंदर्य, कृष्ण री बकट छवि मायने अटकियोडी मीरा री आस्था, कृष्ण रा सौंदर्य ने ‘निरख म्हारो मनडो पम्प्या,’ कृष्ण री रूपमाधुरी रे ‘अग अग मीरा बलि जाई’ बाळा सारा

प्रमग सयोग शृंगार री सगळी सोभा अर विप्रलभ री सगळी आवुरता ने मीरा जि रूप में वर्णित कियो है वो ओ प्रमाणित करे है के मीरां कृष्णभक्ति री गैर शास्त्री परम्परा ने भी निभायो हो । इण री जाच भी अजे तई बाकी है ।

अस्तु, मीरा री ईश्वर परिवर्तना रा माचे रूप री खोज बहुत जरूरी है ऊपरला विवेचन सू आ बात आसानी सू समझी जाय सके है के स्थूल आधार सू निसरण बाळी बाता रे आधार माथे उण रा आराध्य रो निरधारण कर ने उण हीज साच मानतो जावणो कितरो भ्रामक ठै सके । इण वास्ते मीरा रे साहित्य जुडियोडा ऐ सगळा अणसुळभियोडा सवाला रे रूप मे मै इतरा बिन्दुओ ने आ विद्वाना रे सामी पेश करणो चाहू हू —

- (1) मीरा रा पदा रे क्रम रो चोखी तरऊ निर्धारण किया बिना उण माथे जुदा-जुदा स्रोतां सू पडियोडा प्रभावा री जाच करतो जावणो कितो उचित है ? उण रे जीवन मे काव्य चेतना री सरूआत हुवण सू लेयने जीवन री खाम खाया घटनावा रे आधार माथे उण रा पदा री व्यवस्था करणो जरूरी है ।
- (2) एक औरत रे रूप मे मीरा रा बिद्रोह ने इतिहास री घटनावा रे परिप्रेक्ष्य मे देखण री जागा उण रे युग रा सामाजिक साचा, समाजशास्त्रीय मान्यतावा आधार माथे देखण परखण री भी अपेक्षा है ।
- (3) मीरा री ईश्वर परिवर्तना री खोज रे वास्ते उण रे साहित्य मे मिलण बाळी इत्ता समीकरणा रे खास उत्सा ने दूडणो जरूरी है ।
 - (क) महाप्रभु वल्लभाचार्य रे पुष्टिमार्ग रा सिद्धान्ता सू, चैतन्य मत री भक्ति सम्बन्धी मान्यतावा सू अर हितहरिवंश रे साम्प्रदायिक विचारा सू मीरा रे पदा सू तालमेल बैठावणो अर उण री भक्ति री मूल चेतना न खोज निकाळणो ।
 - (ख) कृष्ण भक्ति से आगे नाथपन्थ री योग भावना अर ज्ञानमार्गी सन्ता री भक्ति अर साधना पद्धति सू मीरा रे पदा रो तालमेल बैठावणो ।
 - (ग) कृष्ण भक्ति रा शास्त्रीय स्वरूप बाळा सम्प्रदाया री मान्यतावा रे साथे मीरा री पदावली रो गीत गोविन्द री शुद्ध शृंगार बाळी परम्परा रो तालमेल बैठावणो ।
- (4) भारत री सामाजिक दशावा रे मायने नारी री दशा अर मीरा रे व्यक्तित्व रो तालमेल बतलावणो । सांस्कृति री रुढ निजरा अर मीरा री भक्ति चेतना रे बिचाळे तालमेल बिठावण री कोशिश करणो ।

□

(राजस्थानी मरवाडमी सारू पडियोडो परगो)

गांव रे जीवन रा चितेरा : रवीन्द्र नाथ ठाकुर

रवीन्द्र नाथ ठाकुर भारत की आत्मा रा पूठरा चितेरा रचनाकार ह। उणा की कलम सँ उकरियोडो देश की माटी रो कण कण मन भावते उजास सँ वेणी रचनावा मे जगमगाय रँयो है। धरती की मोकली आस्मावा अर गाव की माटी रो महक सँ उणा की साहित्य सांगोपांग भीजियोडो है। कवि, लेखक, संगीतकार, चित्रकार रे रूप मे जठीने भी इणा की प्रतिभा आगेपावडा भरिया है उण मे कल्पना माये टिकियोडो सपनीली रहस्मात्मकता रे सागे सागे जमी रो कोड अर उण रो यथार्थ साकार हूबतो दीसे है। आदर्श रो धर्णी ओ रचनाकार भारत रे गावां मे रेवणवाली आत्मा ने खुद पिछाण ने लोगा सँ उण की सौंदर्य सूरजियोडो पिछाण करावण सारू कोशिश करतो रँयो।

जमीदार रे परिवार मे जलम लेवण रे कारण इणा ने जादातर नगरा रे जीवन रो हीज अनुभव मिळियो। पण इण कारण टेगौर रो सौंदर्यचेता मन बघियोडो कोनी रँयो। गांव मे हीज भारत की सार्थी जिनगाणी है अर गाव ने छोड न हूजी ठोड़ भारत रा माचा दरसन को हूय सके इण बात ने सागी तरा सँ पिछाण ने वे हरमेम गाव रा दरसन सारू छटपटावता रेवता। गावा रे वास्ते आपरे ह्मण न टेगौर खुद यू वरणिस्त कियो है— "मै गाव की जिनगाणी ने मोवली बारीकी सँ दगण की इच्छा राखतो हो। म्हारी आ कर्त्तव्य भावना म्हने नदिया, नहरा अर दूजा जल मारणा सँ म्हने दूर दूर रा हिस्तावा बनी लेयगी। इण सँ म्हने जिनगाणी ने एक बदलियोडा दृष्टिकोण सँ देखण की मोको मिळियो। गाव रा भाया की दिनचरया अर उणा रा कामकाज रो बदलियोडो दिसावां ने देख'र म्हारो हिवडो ताज्जुब सँ भरग्यो। नगर रे माय पालीजियोडो होवतां थका भी मै गावां रे सौंदर्य रे बिचाळे खुद ने लेयग्यो अर उणा रा आकर्षणा सँ खुद ने सांगोपांग भर लियो।"

गाव की जिनगाणी सँ टेगौर की आ पिछाण उणा की रचनावा की नूवी दिसा बणगी। हालांकि टेगौर रहस्यवाद अर प्रकृति रे पूठरे सिणगार रो चितेरो कवि हो पण गावा रा लोगा की अभावा अर कष्टां रे माय भी मस्ती अर विश्वास सँ रिझियोडो निराली जिनगाणी ने देख ने उणा की हिवडो पछतावे सँ भरग्यो। उणा ने लागियों के जाणे वे मिनव-मिनव रे बिचाळे रा इण आतरावण ने देख'र

भी अणदेखणो करतो रेह्या है। उणा ने लागियां के वे जमींदारी री सगळी सुविधावा ने भोग ने जाणे आपरी हीज माटीवाळा गावावाळा माथे अत्याचार कर रेह्या है। टेगौर री आ पछतावे री भावना उणा रे साहित्य री नूवी प्रेरणा बणगी। इण बात ने वे खुद इण मुजब स्वीकारियो है—“होळे होळे गाव रा लोगा री गरीबी अर बेचारगी म्हारे सामी सजीव हूयगी। मैं विचार करण लाग्यो के उणा रे वास्ते म्हने की न की कोशिसा करणी चाईजे। जदे म्हने आ बात मोकळी सरमावण लागगी के म्हे एक जमींदार हू जिको के कोरा-मोरा आर्थिक उद्देश्या सू प्रेरणा लेवतो हो अर टेक्स उगावण माय लाग्योडो हो। जदे आ बात मैं अनुभव कर लीवी उण रे पछे मैं गाव वाळा लोगा रे भी मना मे आ चेतना भरणी सुरू कर दी के उणा ने आपरी जिम्मेदारिया खुद रे काधा माथे लेवण लाग जावणो चाइजे।”

इण अनुभव रे पाछे उणा रे मन मे आ बात धिर हूयगी के नगर री सुविधावा भोगण आळा लोगा ने गाव रा भोळा-भाळा भिनखा रो शोपण करण रो कोई हक कोनी है। उणा रा साहित्य मे भी इण चेतना रा जीवता दरसण हुवे है। जाणे टेगौर गाव री आत्मा सू रूबरू सामेळो करण री कोशिसा सुरू कर दीवी।

उणा री मोकळी कवितावा भारत रे गाथा रा दुख दरद ने सामी लावे। इण कवितावा मे उणा री लेखनी आपरा रहस्यवादी तिलिस्म ने चोखी तरा सू तोड न सामी आई है। धरम सू पीडित हूवण आळा बूढा भारत री रीत्या री ताकळा माथ अर परम्परावा री जडता माथे चोट करता वे ‘प्रेतात्मा’ कविता माय केह्यो है—‘देश रे चारउफेर जेळ री भीता तणगी। कोई का जाणतो क इण अणदीठती भीता सूपार किया पायो जाय सके। उणा रा भगवान मन्दिरा मे निवास कोनी करे। गावा म जठे लकडहारो लकडी चीरे है किसान जठे हल बावे है उठे म्हारा भगवान बस है।’ इणी भात ‘ए बार फिराओ मोरे’ कविता मे किसाना री जुम्हार भावना ने बतलावता वे केह्यो है—‘इण कुम्हलायोडा मुखा ने भापा देवणी पडेल, अे धावयोडा, सूखा, टूट्योडा हिवडावा माय आशा गुजावणी पडेली। इणा ने तेवडो देव न केवणो पडेल के अरे या लोगा एव बार तो माथो उचो कर ने खडा हूय जावो तो थे देख सकोला वे जिण लोगा सू थे डर रेह्या हो वे तो खुद यासू भी मोकळा डरपोक है। पारे खडा व्हीवतई वे भाग जावला। रस्ता रा कूकरा ज्यू डर ने गायब हूय जावला। वमू के वे तो बस मूडा सू हीज उची ऊची बाता छाटे है खुद रे हिवडा म वे आपरी कमजोरी पिछाणें है’।

टेगौर रे कथा साहित्य भी गाव री जीवन दसावा न समेट ने सामी आयो है। माटा तीर सू उणा री कहाणिया ने चार भागां माय बाट’र देखियो जाया करे है। इणा में सेंग सूं ज्यादा कहाणिया उण वरग री है जिण माय गाव रे जीवन ने कथा रा विषय बणायो गयो है। इण कहाणिया री रचती बंळा टेगौर जमींदारी रे

रक्त रत्नबाळ दे खातिर गावा म घणी दिना तईं रेंहा हा। इण कारण उणा ने गवां रा जीवण ने नेडे सू देखण रो मोको मिळियो हो। 'पोस्ट मास्टर', 'मेघ ओ रौद्र', 'नप्टनीड', 'प्राणरक्षा', 'कर्मफल', 'कवास', 'धुधित पापाण', 'निशीये' आदि कथावां गावी री जिनगाणी रे यथार्थ माथे हीज निरमित हूयोडी है। इणी भांत रा चित्तराम अर चरित्र रवीन्द्रनाथ रा नाटकां मे भी मोकळा निजर आवे है।

इणा रा साहित्य मे गावा रा चित्तराम बोरी मोरी साहित्य री रचना प्रेरणावां हीज बण'र बोनी रेंगो है। गांवा री दसावा रे मुधार रो रचनात्मक नजारो भी इणा रे साहित्य में निजर आवे है। गावा री इससार जिनगाणी री एकरसता ने तोड ने उण ने गति दिसावण सारू टेगौर आपरी रचनावा मे जिण आदर्श ने यिरपियो है उणा मे महात्मा गांधी रे प्रयासां जेडी गरिमा निजर आवे है। गाव रा सामाजिक जीवन रा उत्थान सारू टेगौर रो दृष्टिकोण स्वस्थ समाज रे थापना रो बोधित करतो दीसे है। वे आपरी रचनावां मे गांवा रे पुननिर्माण री बात ने मोकळी धुलदगी सू उठाई है। "समाज अर छुआछूत" जेठा निबन्ध इण भात री सामाजिक चुराईया माथे सीघो सीघो आक्रमण करे है।

गावा री आर्थिक उन्नति रे वास्ते टेगौर शिक्षा रा साचा आदर्श ने प्रोत्साहन दियो है। इणा री रचनावा मे मशीन रो स्वागत तो करीजियो है पण अे मिनस माथे मशीन रा अधिकार न पसन्द बोनी करता। गांवा रे सामुदायिक उन्नती री जिण बाता री आजकल मोकळी चरचा की जावे है उण ने टेगौर आपरी रचनावा मे पूर ताकद सू परकट करता रेंहा है। सहकारी आन्दोलन रे विकास रे खातिर वे मोकळा तर्क दिया है। उणां री आ मानता ही बँ सहकारी आन्दोलन सू हीज भारत रा सुरुषोत रा सामाजिक जीवन मे ग्रामीण समाज रा सामाजिक उत्तरदायित्व री यिरपणा हूय सकी ही। इण वास्ते टेगौर री आ मानता ही के देश रा सगळा विकास रे वास्ते गाव माथे टिकियोडी अर्थ व्यवस्था हीज उपयोगी हूय सके है। सामाजिक न्याय खातिर उणा आपरी आवाज पूरी धुलदगी सू उठाई। आ आर्थिक भेदभावा न हटाय न साचा सामाजिक हित रो विधान करण आळी ग्रामीण चेतना इणा री रचनावां मे पूठरी गरिमा सू गामी आई।

टेगौर रो साहित्य साजे अरमा मे भारत री आत्मा रो साहित्य हा। वे उणरी घडकन ने गाव री जमी रा बण बण सू सुणन री चेष्टा की ही। इण कारण हीज उण रो साहित्य अमर है अर उणरा भारतीयता री साची आस्था रा आदर्श भी गावा सू जुडाव रे कारण जुगा जुगा तईं अमर रेंवेला।

□

[(धाकावालो सू प्रसारित)]

‘वेलि’ रो वस्तु सौंदर्य : एक पुनर्मूल्यांकन

‘वेलि’ रे कथानक रे सौंदर्य सू सम्बन्धित म्हारी बात शुरुकरण सू पेली मै आप रो ध्यान इण बात कनी खीचणो चाहू हू के साहित्य रे मायने जदे भी एक् रचना रो सांगोपाग मूल्यांकन होय ने उणरो सगळी विशेषतावा सामी आ जावे पछे उणरो पुनर्मूल्यांकन करण रो ब्यू जरूरत पडे ? पेलडा मूल्यांकन रो सारी स्थापनावा ने छोड़ ने जदे उण रा पुनर्मूल्यांकन रो बात उठाई जावे तो वेडा प्रयासा रो सार्थकता कई है ? ज्यादा समभावण ने वास्ते ओ कह्यो जाय सके के पुनर्मूल्यांकन रो प्रयोजन कई है ? कई नई दृष्टि रो नाम पुनर्मूल्यांकन है ? के स्थापित विचारा रो विरोधकरण रो नाम पुनर्मूल्यांकन है ? के वे प्रतिमान जिका के युग रे बदलण रे सागे सामी आवे वण्णे आधारों सू कियोडी समीक्षा रो नाम पुनर्मूल्यांकन है ? ओ कुछ मुद्दा है जिका के सेंगाळ पेली सामी आवे ।

ओ सारा सवाला ने ध्यान मे राख ने जद आपा विचार करा तो शुरु मे हीज आ बात चोखी तराळ साफ हूय जावे के साचे अरथा मे पुनर्मूल्यांकन पेली कियोडी चेष्टावा रो विरोधी कोनी हुया करे बल्कि उण रो जगा ऐडा प्रयासा ने पूरक रो सत्ता दी जा सके है । ब्यूके जद आपा कोई रचना रो मूल्यांकन किया करा तो उण टेम आपा रे साम्हे बोरी पोथी होज रेह्या करे । उणरी अच्छाइया ने दूब निकाळण रे वास्ते आपा ने खुद ने कोशिश करणी पडे । इण वास्ते ई बात रो घणी सम्भावना है के बी टेम आपाणी पूर्वधारणावा आडी आय जावे । आपांणी परपरानुगतता या विचारा रो प्रतिबद्धतावा आपाणी दृष्टि रे माथे इत्ती हाबी हूय सके के उणरे रंग रे कारण आपां कृति सू न्याय करण रो जागा आपाणी खुद रो स्थापनावा रे प्रति घणा सचेत हूय जावा । अगर आ बात साच हू जावे तो पछे इण दोष रे कारण पेलडा मूल्यांकन मे सांगोपाग दृष्टि रो पैसाव कोनी होय सके । इणी तराळ आ बात भी ध्यान मे राखणी जरूरी है के समय रे बदल जावण सू लोगा रे सोचण विचारण मे भी अन्तर आ जाया करे । इण कारण नूवे युग रा लोगा ने कोई बात सिरफ इण वास्ते हीज चोखी कोनी लागे के वा पेलडा लोगा ने घणी पसन्द ही । मूल्यांकन रा जिका आयाम एक खास टेम मे घणा पसन्द किया जावे वे हीज युग बदलण रे सागे सागे पुराणा पड ने वासी, बोदा ब्हेय जावे । पैमाना रे दोष सू पण कृति ने दोषी कोनी कह्यो जाय सके । इण वास्ते पुनर्मूल्यांकन करमे आपा पेलडा प्रयासा रो पूति कर देवा

अर कृति रा साहित्यिक महत्व एक बार पाछो सबारे सामी खेंच लावा । इणही तरऊ नूबोडो दिशावा ने चानणा म लावण रे खातिर ओ जरूरी है के आपा समीक्षा रा जिका नूबोडा प्रतिमान निर्धारित हुया है उणा ने ध्यान मे राख न जूनोडो पोषिया री विशेषतावा बतावा । इण वास्ते मूल्याकन किमोडो होवता थका भी पुनर्मूल्याकन री जरूरत पड़े । ए बाता न ध्यान मे राख ने म्हें आज आप लोगा रे सामने 'बेलि' रे वस्तु तत्व रो पुनर्मूल्याकन करण री चेष्टा कर रह्यो हूं ।

'बेली' री वस्तु रो तात्पर्य निर्णय—आपरी रचना लिखन सू पेला हर कवि उण रो बधा रो एक न एक तात्पर्य अवसरवर त कर लेवे । पण काव्य री शर्ती रे कारण वो बेने स्थूल रूप म प्रकट कोनी कर सके । कविता री सुन्दरता वो रे चमत्कार अर रसवादिता सू तय हुवे । पण वेणा कोरा कोरा नाम गिणा देवण सू उण री सारी महिमा खतम हूय जावे अर कवि री सारी मेहनत बेकार द्धेय जावे । सजग कवि इण वस्ते रचना रो तात्पर्यार्थ ने अप्रत्यक्ष ढंग सू कथा रे मायने मिला दिया करे । ऊपरली निम्नर सू देखण सू पाठक वा ने कोनी पकड पावे पण आलोचक सू वस्तु रो तात्पर्य छानो कोनी रेंय सके ।

'बेलि' रे कथानक री विशेषतावा रे पुनर्मूल्याकन रे वास्ते आ जरूरी है के सगळ पेला ई बात रो निर्णय हा जावणा चाहीजे के रचना निर्माण रे लारे कवि रो मूल तात्पर्य कई हो ? 'बेलि' न भक्ति या शृंगार प्रधान रचना कही जावे है पण म्हारी समझ म ओ बाता तो कथा रा मोटा मोटा आधार है न के रचना रो तात्पर्य । इण भेद न पिछाणिमा बिना आपा पृथ्वीराज री वस्तु विन्यास बला ने पिछाण कोनी सका । इण वास्ते आपा न थाडी देर तई कृति माथे सू ध्यान हटाय ने खुद कवि कनी ध्यान देवणो पडेला ।

पृथ्वीराज अगर शुद्ध शृंगारिक रचना लिखणी चावतो तो इणरो सबध उणरे खुद रे जीवन सू जरूर होवतो । पण आ बात उण रे खुदरे व्यक्तित्व अर उणरी राजनैतिक स्थिति सू मेल कोनी खावे । आ बात तो सब जणा जाणे है के कवि एक बहुत बडो योद्धा हो । खुद अकबर ई री वीरता सू प्रभावित हो । नरोत्तमदासजी तो ई कवि रे वास्ते इत्तो सब क बतायो है के पृथ्वीराज अकबर रे दरबार रा नवरत्ना मे सू एक हो । वेणा हीज शब्दा म -'पृथ्वीराज री प्रतिभा सू सम्राट अकबर उणा कनी आकर्षित हुया अर ओ उणा रे सागे रेंवण लाग्यो । सम्राट रा दरबारिया माय पृथ्वीराज रो बडो आदर हो । अकबरी दरबार रा नो रत्ना म एक पृथ्वीराज भी हो । सम्राट उण ने बहुत चावतो हो । उण रो कह्योडो निम्नलिखित दोहो प्रसङ्ग ह

पीपल सो मजलिस गयी, तानसेन सो राग ।

रीझ बोले हस खेलबो गयो बीरबल साय । ।

आ बात अगर साची है तो इण सू ओ प्रश्न खडो कियो जाय सके के पृथ्वीराज ने अकबर आखिर इसो सम्मान वयू दियो । अकबर रे नौ रत्ना मे जिवा जिवा लोगा री चर्चा आवे वंणे आधार सू अगर पृथ्वीराज ने देखा तो उण ने ऐडी गरिमा सू महित करण आळो एक ही आधार निजर आवे अर वो है पृथ्वीराज रा स्वाभिमान । इण सबध मे टेसीटरी साफ साफ केह्यो है के—‘पृथ्वीराज पराक्रम अर अदम्य स्वाभिमान रा घणा प्रशंसक हा ने दैन्य गुलामी अर नैतिक पतन रा कट्टर दुश्मन हा । जिण आदतण उदारता सू वे दोस्त या दुश्मन री आपरे काव्य मे तारीफ कर सकता हा उणी सच्चाई सू वे खुदरा भाई बीकानेर रा राजा री ही नही, खुद अकबर तक री भी, कोई ओछी हरकत ने देख न, तीखी आलोचना कर सकता हा ।’

इणी तरङ्ग पृथ्वीराज रे व्यक्तित्व मे जातीय गौरव अर देशाभिमान रो भाव विसो गहरो हो जिण रो प्रमाण राणा प्रताप रो वो पत्र है जिको के अकबर बादशाह रा खुद पृथ्वीराज ने दिखलायो हो । बादशाह रो ओ व्यवहार ई बात ने सिद्ध करण रे वास्ते घणो है कि वो पृथ्वीराज री बीरता, तेजस्विता, अर स्वाभिमान रा जानकार हो । वो इण रूप म हीज पृथ्वीराज रा व्यक्तित्व री पिछाण भी करतो हो । इण रो एक और प्रमाण कर्नलटाड रो ओ विवादास्पद कथन है के पृथ्वीराज दरअसल स्वाभिमानो राजपूत हो । वो अकबर री अधीनता कोनी मानी । इण वास्त बादशाह उण ने बन्दी बनाय ने आपरे अठे राखतो । जद प्रताप रो पत्र बादशाह न मिळियो तो वो पृथ्वीराज रो गर्व तोडन री, खातिर हीज वा चिट्ठी उण ने दिखलावी ही । श्री भूपतिराम साकरिया टोड रा ई कथन ने इण तरङ्ग बतलायो है के—‘प्रताप रा उण पत्र ने बादशाह पृथ्वीराज नाम रो श्रेष्ठ राजपूत सरदार न दिखलायो । पृथ्वीराज बीकानेर रे राजा रो छाटो भाई थो अर वो इण दिनो म अकबर बादशाह रे अठे कंदी थो । उण रे कंदी हूवण रो कारण ओ थो के उण म मोकळो राजपूतो स्वाभिमान थो । हुजा राजावा री तरं वो अकबर री अधीनता स्वीकार करण खातिर तैयार कोनी थो । इण वास्ते कैद कियो गयो थो अर बन्दी अवस्था म वो बादशाह रे अठे जीवन व्यतीत कर रह्यो थो ।’

ऊपर रा विवेचन सू ओ निष्कर्ष निकले है के पृथ्वीराज न केवल एक बडो योद्धा हो बल्के घोर स्वाभिमानो अर जातीय गौरव ने राखण आळो आदमी हो । अर आ बात आपा सब अच्छी तरं सू जाना हा के जीवन मे हर आदमी रा खुद रा की न की जीवन मूल्या हुया करे है । हर आदमी वे मूल्या रे वास्ते खुद ने समर्पित कर देव पण किणी भी तरे रो समझौतो करणो पसन्द कोनी करे । पृथ्वीराज जेडा

आदमी सूँ तो ई बात री हरगिज अपेक्षा कोनी की जाय सके के व जीवन रे किता भी क्षेत्र मे स्थितिमा रे सामने या थोडा सा फायदा रे वास्ते या समाज मे नाम मिलण री खातिर किणी भी तरे रो समझौतो कर लेवे । पृथ्वीराज ऐडा व्यक्तित्व रो घणी हो तो ऊरे ई व्यक्तित्व रे बरडे बने रो असर उणा री रचना माथे भी पड्या बिना कीकर रैम सबयो धूँला ।

ई बात ने 'बेलि' रे तात्पर्य निर्णय रे वास्ते अगर घटित कर ने देखा तो इण रा वस्तु मे शृंगार भावना रो निरूपण कृति रो चरम उद्देश्य कोनी ठहरीजे । इण रा शृंगार वर्णन ने तो प्रसंगानुरूप उदित होवण आळी दशा या स्थिति रे रूप मे हीज देखी जा सके । अर्थात् पेली महत्वपूर्ण बात तो आ है के पृथ्वीराज जेडा व्यक्ति सूँ जिको के वीरता, तेजस्विता ने स्वाभिमान ने जीवन रा चरम मृत्या रे रूप मे धारण करतो हो, आ अपेक्षा कोनी की जाय सके है के वो रसिक जणा रे मनोविनोद रे वास्ते कोरी शृंगारिक रचना लिख सके । दूजी आ बात भी ध्यान मे राखणी जरूरी है के आपरा जीवन काल मे कवि एक श्रेष्ठ शृंगार कवि रे रूप मे घापित नही हो बल्कि आपरे व्यक्तित्व रे अनुरूप हीज बो ओजस्वी वाणी रो महत्वपूर्ण कवि रे रूप मे गिणीजतो हो । ई बात रे वास्ते एक बार फेर बर्नल टाड रो कथन ध्यान मे राखणो जरूरी है के 'पश्चिमी देशा रा राजावा री भात पृथ्वीराज आपरे सभे रा राजावा मे श्रेष्ठतम वीर हो जिको के आपरी ओजस्वी काव्य शक्ति सूँ लोंगां मे प्राण पूक सकतो ने वक्त माथे लडाई रा मैदान मे खुद रा शौर्य रो भी परिचय दे सकतो हो । उण टेम रा चारण कविया रा समुदाय मे वो राठौड वीर सबसू ज़्यादा प्रशंसा रो भागीदार हो । (साकरिया-पृष्ठ 23) टोड तो पृथ्वीराज रो कविता री शक्ति ने दस दस हजार घोडा री ताकत रे बरोबर बतलावो है ।

ऐसगळी बाता ई राठौड कवि री कविता ने तेजस्विता अर शौर्य भावा रा प्रदर्शन करण वाली कविता रे रूप मे स्थापित करे ने कोरा मोरा शृंगार ने हीज पूरी तराऊ प्रकट करण आळा कवि रे रूप मे नही । अठे आप लोगा रे मन मे ओ प्रश्न खडो हूम सके के तो पाछे 'बेली' मे शृंगार ने इत्तो विस्तार सूँ वर्णित करण री कई आवश्यकता हो ? इण प्रश्न री चर्चा आगे 'बेली' रे काव्यरूप रे अन्तर्गत बियोडी है । अठे तो ओ हीज कह देवणो पर्याप्त है के शृंगार भावना वस्तु रो तात्पर्य निर्धारण नही करे है बल्के आ तो 'बेली' रे रूपक रे कारण, चरित्र नायक कृष्ण रा स्थापित व्यक्तित्व रे व्याज सूँ अर कृष्णकाव्या री परम्परा रे व्याज सूँ ग्रन्थ मे प्रस्थापित हुई है, वस्तु रे चरम लक्ष्य रे रूप मे वर्णित कोनी हुई है ।

अगर 'बेली' शृंगार रे वास्ते हीज लिखियोडी रचना नही है तो ई रे शुरू मे ही शृंगार रे प्रति सम्पण रो भाव बयू वर्णित कियो गयो है । आ आपत्ति भी की जाय सके । ग्रन्थ मे वो अतर्साक्ष्य ओ है

सुखदेव व्यास जंदेव सारिखा

सु-कवि अनेक, त अेक-सय

ओ-वरणण पहिलऊ कीजइ तिणि

गूयियइ जेणि सिंगार ग्रथ ।

ई छन्द रे मुजब शृ गार ग्रन्थ गूँथण थाळा हमेशा स्त्री री सुन्दरता रे वर्णन सू कथा री शुरूआत करे आ कवि री विचारधारा तय हुवे । इण छन्द सू शृगार ने हीज कवि रो चरम प्रतिपाद्य मानणो चाहिजे लोगो री आ धारणा है । और ई स्थापना रे कारण वो भी कवि परम्परा रो हीज पालन कियो है । जठं परम्परा निभावण री बात आ जावे उठे कवि मौलिक नही रेह्या करे आ बात चोखी तरा सू जाणो हो । इण भात कवि आपरे निश्चित जीवन मूल्या रे बावजूद कथा री शुरूआत शीघ्र वृत्ति सू करण री वनिस्पत बी वृत्ति री प्रेरणा स्रोत सू की है । इण मू अधिक ई छन्द रो ने ग्रन्थ री शृ गार भावना रो महत्व नही है ।

वस्तु सू शृ गार भावना ने नकार ने उण रो तात्पर्य निर्णय करण मे दूजोडो आधार भक्ति भावना रे रूप मे सामने आवे है । कथा रे अन्त मे जिका महात्म्य री चर्चा कवि की है उण रे आधार सू रचना मे कथ्य री दिशा भक्ति रे कनी प्रवाहित होवती घणी दीखे है । पण कई सचमुच मे भक्ति कवि रो इष्ट है इण बात ने भी देख लेवणो जरूरी है ।

हिन्दी मे रीतिकाल रा कविद्या री भक्ति भावना रे वास्त एन बात इत्ती सटीक भाव सू कंयोडी है बे वा घोडा मे ही बे कविद्या रा तात्पर्य रो निरूपण कर देवे है । कह्यो गयो है के—

आगे के सुकवि रीझि हैं तो कविताई है

न तु राघिबा कन्हारि सुमिरन को बहानो है ।

अर्थात् ऐडा कवि राधा और कृष्ण री भक्ति र बहाना सू रचना कोनी करता बे तो काव्य रे माध्यम सू लोगां ने रिक्कावण रो प्रयास करता हा । अगर आ प्रयास सफल कोनी होवतो तो इणी बहाने भगवान रो नाम भी लिरीज जावतो । पृथ्वीराज कृष्ण ने चरित्र नामक बणायो इण रो ओ मतलब बीबर लिपो जा सवे बे वो बेणी भक्ति र आदर्श री स्थापना करनी चाहतो । आपरी साचारी न तो खुद मू प्रकट कियो है के—

जिणि सस सहस पण, फणि-फणि बि-बि जिह

जीह-जीह नव नवउ जस,

तिणि-ही पार न पाय योजम ।

वयण डेहरां विसउ वस ? ॥५॥

दर असल जयदेव कवि रे 'गीत गोविन्द' रचना मू हीज कृष्ण री शृ गारिक वृत्ति आकर्षण रो विषय वणगी । पछे कवियार रे सामने वेणें चरित्र रो ओ दाचों पूरी तरक स्थापित होयग्यो । हिन्दी म विद्यापति आपरी पदावली में ने सूरदास आपरा कूट पदा में जिण तरक कृष्ण रे व्यक्तित्व ने शृ गार रे नैसर्गिक स्वरूप में वर्णित कियो है वे श्रुतिया 'गीत गोविन्द' री परम्परा ने निभावण रे कारण हीज पनप सकी है । बेडीज चेष्टा पृथ्वीराज भी की है । अयात् बी री रचना सिफं कृष्ण रो नाम चावती हो बी री भक्ति नहीं । आ बात शायद आप लोगो रे गल्ले सू दोरी उतरे पण साच आ हीज है । बयू के मीरा री भक्ति भावना में जेडी वेदना, समर्पण ने प्रपत्ति या शरणागति री भावना है वेडी भक्ति भावना 'बेलि' म निजर कोनी जावे । इणी भक्ति रो जिवी खुद रो स्वरूप है वो भी 'बेलि' में कोनी है । 'भक्ति' री व्याख्या भज सेवायाम धातु सू करने शाण्डिल्य उणने 'सा परानुरक्तिरीश्वरे' कहाँ है । वेडी परानुरक्ति रो भाव भी रचना में दीखे कोनी है । और न नारद री वा भावना भी है जिण ने वो 'मा त्वस्मिन् परम प्रेम रूपा' केय ने उण री ग्यारह आसक्तिया रो उल्लेख कियो है । भागवत में जिवी नवधा भक्ति गिणाई गई है वेणां दर्शन भी ईश्वर कथानक म कोनी हुवे ।

कुल मिला ने आ बात निरूपित की जाय सके है के 'बेलि' में न तो आत्मार भक्ता री प्रपत्ति या शरणागति री भावना है, न मीरा री भक्ति री तर रो वेदना भाव है, और न शाण्डिल्य या नारद भक्ति सूत्र में वर्णित भक्ति रो शास्त्रीय भाव हो है । अर्थात् पृथ्वीराज रे वास्ते कृष्ण स्वमणी रो नाम भक्ति रे अभिप्रेरक रे रूप म लेवणो जरूरी कोनी हा । वो तो कृष्ण रो नाम आपरा ग्रन्थ रा चरित्रनायक रे रूप म लेवणो आवता हो । रीतिकाल रा हिन्दी कवियार री भक्ति 'रीति है तो बखिताई है न तु राधिका कहाई सुमिरन वो बहानो है' वाली उक्ति भक्ति री दृष्टि सू 'बेलि' माये भी पूरी पूरी साची बँटे है ।

शृ गार या भक्ति ने छोड़ ने किसी खास बात है जिण ने 'बेलि' रे तात्पर्य निर्णय रे रूप में देखी जाय सके । म्हारी दृष्टि में वा बात है शीर्ष वृत्ति । पृथ्वीराज जिण स्वाभिमान रा धनी हो न अकबर रे दरबार में रेवतां थकां भी वो जिण उत्साह म उण री प्रतिभा ने नगार सकतो उण रो आधार उण री आ शीर्ष वृत्ति हीज है । आचार्य रामचन्द्र शुक्ल भक्तिकाल रे उदय रो एक कारण ओ बतलावो है के आपरे देश में हीज समय होता थका भी जद हिन्दू लोग पराजित होयग्या तो बँधे कने ईश्वर री भक्ति करण रे अलावा और कोई दूजो विकल्प कोनी रह्यो । आ बात अगर साची है तो ओ कहाँ जाय सके के सामान्य आदमी तो खुद ने आसानी म बदल लियो । बयू के उण री राजनैतिक दृष्टि म ऊँची आवाजावा भी कोनी हुवा करे

पण पीयल जेडा घोर स्वाभिमानी राजपूत रे मन म गुलामी रीआ भावना अवसक
 कचोट पंदा करती हुवेला । आपरा मूल्या रे रेवता घका वो खुद रे अह ने कोंकर बढ
 सकियो व्हेला आ बात भी ध्यान म राखणी जरूरी है । बेलिकार आपरी इण
 असमजस री दशा मे हीज कृष्ण ने, जीने वो आप रो आराध्य मानतो हो, आप
 काव्य रो नायक बणावण ने बाध्य हुयो व्हेला । पण कृष्ण रे स्थापित चरित्र
 वीरता रे वास्ते घणी गुजाईश कोनी है । वेंगे बचपन री वे बाता जिका मे उणा र
 वीरता सामने आई हो जदपि शूरता रो चोखो नमूनो है पण उण अवस्था रा बाळक
 सू स्थायी शौर्य वृत्ति रो अपेक्षा कोनी की जाय सने । वेणे अलावा कृष्ण रो व्यक्तित्व
 गोपी बल्लभ रे रूप मे शृंगार भावना रो आधार तो बण सके पण कृष्ण रा उण
 रूप सू परुषावृत्ति रो प्रदर्शन सम्भव कोनी हो सकतो । कृष्ण रे शृंगारिक भावना
 सू भरयोडा जीवन रे मायने कोरी स्वमणी हरण हीज एकली ऐडी घटना है जिका
 मे कवि न कृष्ण री वीरता ने प्रकट करण री गुजाईश निजर आई । इण वास्ते
 पृथ्वीराज कृष्ण रे चरित्र री इण घटना ने आधार बणाय ने खुद रो काव्य लिखियो ।

अठे आ बात भी उठाई जाय सके वे नायिका रो हरण करण सू कई शोय
 भावना रो प्रदर्शन कियो जा सके ? उल्टे म्हारी समझ म तो हरण मे वीरता
 दिखळावण रो काम नायक री वामना घता या उण री छिछली स्थिति ने तो प्रकट
 कर सके पण ऐडो नायक पाठका रे मन मे वीरता री किणी भी तरह रो छाप
 छोड सके ई बात मे सन्देह है । ई बात सू स्वय कवि भी चोखी तराळ परिचित हो
 इण वास्ते वो रचना रा नाम हरण परम्परा रे अनुरूप स्वमणी हरण नाम देवण
 री जागा इण ने कृष्ण स्वमणी रे प्रेम री बेनि नाम दियो है । जठे बराबरी रे दर्जा
 री प्रेम भावना हुवे उठे नायिका ने पावण री बात हरण कोनी कैयी जाय सके ।
 कवि री आ भावना वस्तु रा उण छ द सू सिद्ध हुय जावे जिण माय स्वमणी हरण
 कर ने कृष्ण कायर ज्यू भाग खडा कोनी हुवे बल्के लागे ने जोश खरोश सू चुनौती
 देवे के अगर कोई स्वमणी रो वर है तो साम्ही आयने लडले । म्हें तो स्वमणी रो
 हरण कर रह्यो हू— बाहरि रे वहरि/छई कोई वर हरि हरिणासी जाइ हरि ।
 कृष्ण री ऐ ी चुनौती सू सैनिक भी कृष्ण ने वीर रूप म वर्णित करण री जागा उणा
 न गोप र रूप मे साधारण करने वर्णित करे— माखण चोरी न हुवई माहव/महियारी
 ने हुवड महर । कृष्ण रे कोमळ अंग रे कारण हीज जर उण री माखण चोर रे रूप
 मे स्थापित रयाति रे कारण शिशुपाल समेत उण रा सैनिक उणा ने अति साधारण कर
 ने देखे जिकळ हीज वे कृष्ण री वीरता सू युद्ध मे पराजित हुयग्या । हरण रे कारण
 जिका विवाह सम्पन्न हुवे वो राक्षस विवाह बह्यो जावे । ऐडो विवाह सस्कार
 स्थायी सस्कारा रो अनुपासन कोनी करे । कवि रे मन म आ कुण्ठा भी ही ।

कथानक में कवि इण प्रकरण सू हट बोनी सकियो है। हरण रे पछे जद वसुदेव देवकी विवाह रे वास्ते पण्डिता ने बुलावे तो वे भी डरता-डरता ई बात ने प्रकट करे के एक ही बीनणी सू बार बार हथळेवा कीया हूय सके। क्यूँ हथळेवा तो हरण री वसत हीज हूयम्हो। इण वास्ते वे हथळेवा ने छोड ने बाकी रा सारा सस्कारा री हीज इजाजत देवै—

वेदोमत धरम विचारि वेद विद्
कपित चित लाग्य कहण
हेवणि सु-प्री सरिस बिय होवइ
पुनहु-पुनहु पाणिग्रहण ? ॥148॥

इण कथन सू ओ माफ हूय जावे के पृथ्वीराज री स्वाभिमान एक कनी तो दूसरा री अधीनता मानणो मोनी चावतो तो दूजी तरफ वो हरण ने हरण हीज मानतो इण वास्ते वो मन में आनवित भी हो। पण उण री मजबूरी ही के कृष्ण ने छोड ने वो आपरे अह री तुष्टि दूजी जाग्य बोनी कर सकतो हो। ओर कृष्ण रे जीवन में उणने स्वमणी री प्रसंग हीज निजर आयो जिकाने आधार बणावने आपरी बात बेय सकतो। जिका सू वो कथा री ओ रूप हीज प्रकट बिमो है।

इण विवेचना री निष्कर्ष ओ हीज है के बेलि कृष्ण स्वमणी री वस्तु री मूल प्रयोजन न तो शृंगार भावना री प्रदर्शन करणो हो ने न भवित भावना री। वो तो एक् राजपूत री हृदय राखतो हो ने उणी अभिव्यक्ति रे वास्ते वो राजस्थान री कवि परम्परा रे अनुरूप वीरता अर तेजस्विता ने बोधी तरेऊ प्रकट करणी चावतो हो। 'पृथ्वीराज रासो' में ज्यू युद्ध रे समय नायक री युद्ध वीरता री प्रदर्शन है ने शान्ति री टेम उणरो काम वीरता वर्णित की गई है उणी तरफ 'बलि' में भी शृंगार भावना नायक री काम वीरता रे वास्ते हीज वर्णित दूई है।

'बलि' रे वस्तु सौंदर्य रा आधार तत्त्व—बेलिकार री काव्यकला री सबसू बड़ी बात उणरा वस्तु बिन्यास कला रा घणा सारा आयाम है। उणां भाषने सू शृंगार अर भक्ति भावना री कर्वां ऊपर की जाम खुकी है। पण फेर भी उणरी वस्तु री के दून्नी बाता ने सामने राखतो भी जरूरी है जिनां रे कनी समीक्षका री या तो ध्यान ही बोनी गयो है या बहूत घोड़ी गयो है। उणां में वस्तु री प्रच-धारायकता अर उणरी नाटकीयता री कर्वां करणी जरूरी है। अठे 'बलि' रे कथानक री के बाता हीज सामी सामन री कोनित करीली है।

बलि री प्रकाशमयता—'बलि' में महाकाव्य री गता दिरीजी है। नागरियायी काली उगाडा भावुकता में आय न 'बलि' न महाकाव्य घोषित करन री प्रयास कियो

है। पण आज तब प्रबन्ध काव्य री एक सांची रचना रे रूप मे बेलि रो मूल्यावन करीजियो कोनी है। प्रबन्धात्मकता रो निर्धारण किया बिना रचना ने सण्डकाव्य या महाकाव्य केवणो घणी समझदारी रो काम कोनी है। क्यूके ऐडा प्रयास दरअसल आलोचक रो पूर्वधारणावा ने स्थापित करण रा मोटा प्रयास हीज हुया करे। वे धारणावां वृत्ति मू न्याय करण री जांगा उणरो अहित हीज अधिक करती निजर भावे। इण वास्ते 'बेलि' री प्रबन्धात्मकता रो चर्चा करणो जरूरी है।

शुक्सजी प्रबन्ध रा तीन लक्षण निर्धारित किया है—मार्मिक स्थला रो पहचान, पूर्वा पर सम्बन्ध निर्वाह ने स्थानीय रगां रो समावेश। ऐ तीनऊ बाता बेलि री वस्तु रो सौंदर्य अर प्रबन्ध पटुता री भी चोखी आधार है। अठे उणां री चर्चा करणो जरूरी है।

बेलि रा मार्मिक स्थल—प्रबन्धकाव्य कथा रो ज्यू रो र्यू इतिवृत्त हीज कोनी हुवे। अगर कवि कथानक री स्थूलता रे मांघने मू कल्पना कर ने कुछ ऐडा प्रसंग उठाय कोनी सके जिका के उण री वस्तु ने हृदयस्पर्शी बणाय देवे तो उण स्थूलता मू दब'र काव्य री सुन्दरता नष्ट हूय जावे। बा लय, गति आदि रो पालण करण वाली कविता तो बण जावे पाठकां रे हिवडे रो हार कोनी होय सके। काव्य रो ऊचापणे रो आधार वस्तु रा मार्मिक स्थल हीज हुया करे। 'बेलि' री कथा स्यात कथा माथे टिकियोडी है। इण वास्ते कवि रे सामने कथा रो डाचो पैला मू हीज गढयोडो हो। भागवत री कथा मू कथानक लेय'र भी कवि उण रे मांघने मार्मिकता रे अनुसन्धान री चेष्टा कीनी है। उण रो सुन्दर नमूनों रुक्मणी री व्याधा ने प्रकट करण वाला संदेश म देखीजे है। कृष्ण रे गुणा हे मू रीभियोडी रुक्मणी शिशुपाल रे साथे खुद रा विवाह ने सिंह रा हिस्सा ने सिंगार ने खावण रे रूप मे देखने उणा ने संदेश भेजे है—

बलि-बन्धन मूभ, सियाल सिध बलि

प्रासइ, जउ बीजउ परणई

कपिला धेनु दिन पात्र कसाई

तुलसी करि चडाल तणई ॥55॥

इणी तरऊ देवपूजन रा प्रसंग अर युद्ध रा वणन म शृंगार रे वास्ते पङ्क्तु वर्णन भी प्रभावशाली है। इण रे बावजूद सारा ग्रन्थ म मार्मिक स्थला रो अभाव हीज देखीजे। वस्तु मे वर्णना री भरमार है ने कहानी मे मौलिक उद्भावना होवता हुवा भी इण म मन म हीज बस्योडा रे जावे ऐडा प्रमगा री कमी है। कवि री दृष्टि वस्तु ने अभिव्यक्त बणावण री बनिस्पत उणने राजस्थानी वाता ज्यू कोरी कोरी कह देवण ने कनी जादा है।

बेलि में पूर्वापर सम्बन्ध की निभाव—मुक्तक काव्य में अर्थ की आत्मनिर्भरता हुया करे पण कथा में ध्वन्या देवण रे वाम्ते प्रबन्धकाव्य में वस्तु की निरन्तरता होवणी जरूरी है। ऐसी रचना में कथा रे सूत्र में पिरोयोडा छन्द आगला छन्द मू बध्योडा रैय ने उण बात ने हीज आगे बढावै। 'बेलि' रो वस्तु ध्वन्यस्थापन राजस्थान रा गेय परम्परा वाला काव्या की भाव है। ऐडा काव्या में कवि रो भुकाव लोकतत्वा ने समेटण की ओर घणी हुया करै। ऐडा प्रमासा में कथा रो सूत्र घणी बार टूट जावे या चोगी तरा मू निभावीजे कोनी। ऐडा काव्या में कथा विश्वासा मू आगे बढे पूर्वापर सम्बन्ध तिवाहू सू नही। आ बात 'पृथ्वीराज रासो' में भी दीखे है न 'बीमलदेव राम' में भी। अठे तक के 'दोला मारू रा दूहा' में भी है। पण ऐडा काव्या में कहानी में गैप रह जावे जिणा ने पाठक आपरी पूर्व जानकारी मू या आपरी खुद की उर्वर कल्पना मू भर लिया करै। केर भी आ बात लोक काव्या की कथा में जादा नहीं छटके। पण जद प्रबन्ध की दृष्टि मू वेणो मूल्यांकन की बात उठे उठे ई प्रवृत्ति ने दोष की मज्ञा हीज दीरीजी जाय मने। क्यूँ के कथा की जाणकार पाठक तो ऐसी चेष्टा कर सके पण जिको के उणरो जाणकार कोनी है उणरे वास्ते वस्तु रे जम ने निभावणो भारी पड जावे। ऐसी अनिरन्तर कथा समन्वित छाप छंडन में ममथ कोनी होय मने। 'बेलि' की वस्तु भी ई दोष मू अलग कोनी है। इण में कथा रो सूत्र इतो पतलो है के उण रे आधार माथे कवि की प्रबन्ध पटुता निरूपित कीनी की जाय सकै। ई में कथा निर्व्याज ढंग मू बध्योडी लीक माथे कोनी चाने जदवे प्रबन्ध रे रूप में ऐडो होवणी जरूरी हो।

स्थानीय रंगों की समावेश—प्रबन्ध काव्य में उपस्थित प्रमगा रे अनुरूप स्थानीय रंग या लोचल कलर की निभावणो जरूरी है। 'बेलि' में लोकतत्त्व रे आधारों रे कारण स्थानीय रंगों की समावेश इत्ती चोगी तराऊ हुयो है के दण बारे में की भी केवणो पेला क्योडा ने दुवारा दोहरावण की बात हीज कही जाय मने।

'बेलि' की प्रबन्धात्मकता की सागोपाग विवेचन करण मू आ बात साफ हुय जावे के इण माय वस्तु की प्रबन्धात्मकता की सूत्र थोडो फीको ही है। इण रा मर्म-स्पर्शी वर्णना की कमी ने वर्णनजनित स्थूलता रे कारण इण ने घणी सराहनीय दरजी नी दीया जाय मने। पण ऐ बात कवि की लेखनी की कमी रे कारण मामूही नी आई है। ऐ दोष कवि रा सप्रयोजन उकेरियोडा दोष है। क्यूँ के वो कोरी प्रबन्धात्मकता रे प्रति हीज समर्पित होवण की जागा एकाधिक बाता ने खुद रे काव्य की विषय वणावणो खावो हो। जिण मू दण काव्य की वस्तु में मार्मिकता की अर प्रबन्ध पटुता की जरूर ज्ञान हुयग्या है।

वस्तु की नाटकीयता—बेलि की आधिकारिक कथा में नाटकीय तत्वा की समावेश इण की मोदये ने इणी तराऊ बढावता दीये है। केर भी विद्वान लोग उण

कनी घणो ध्यान कौनी दियो है । डा. नरोत्तमदास स्वामी बेलि रे वस्तु व्यापार मे टणरी अलग अलग कार्य री अवस्थावां रो जरूर वर्णन कियो है पण वस्तु रा ड्रेमेटिक प्रसंग ने भर उणा रा लाभकारी परिणामा कनी वे भी कौनी देखियो है । आधिकारिक वस्तु रे कार्य या फल रे रूप मे अगर स्वमणी री अभिलाषा ने गिणा तो फलागम भी बीने होज होवणी चाहिजे । कार्य री जुदा-जुदा अर्थ प्रकृतिया बी रे बिनास री जानकारी देखै है । बीज मू लेय ने कार्य री अवस्था तक रो हीज उल्लेख होवण मू हीज वस्तु रो नाटकीय व्यापार सम्भव हूय सके है । 'बेलि' री कथा मे अगर स्वमणी रे पण जिवण री बात ने वस्तु री प्रारम्भ अवस्था गिणा तो पछे कार्या-वस्था री दृष्टि सँ कार्य री गिड्डी भी बीने होज होवणी चाहिजे । इण वास्ते जदे वस्तु व्यापारा ने देयां तो कृष्ण मू विवाह हूया पछे गर्भधारण ने फलागम ने देखणो पड़े । पण प्रयत्न पक्ष मे एक् बार सचेष्ट हूया पछे स्वमणी घणी सत्रिय कौनी रवे । दूजे कनी कृष्ण हीज दरअमल रुबम जेडा प्रति नायक मू जूझे ने स्वमणी रे माथे विवाह रे रूप मे फलागम वने हीज हूवै । अगर इण ने प्रमाण माना तो कृष्ण ने सन्देश मिलने मू पेला री कथा आरम्भ अवस्था मे कौनी राखीजे ने इण दृष्टि मू निरर्थक ही ठहरे । इण वास्ते कथा मे प्रारम्भ मू लेय ने फलागम रा वस्तु व्यापार न तो पूरा पूरा स्वमणी रे प्रयासां मू मिट्ट हूवे ने न कृष्ण रे क्रिया व्यापारा मू हीज । कवि वस्तु री इण दशा मू परिचित हो जिवऊ बो वस्तु रे क्षीर्षक रे प्रति सचेत रँयो है ने ग्रन्थ ने 'कृष्ण स्वमणी री 'बेलि' नाम दियो है । ओहीज कारण है के इण री वस्तु मे आधिकारिक कथा रा सगळी व्यापार उभयपक्षी है । इण वास्ते काव्य री वस्तु री आ एक बहुत बड़ी खासियत है के आ एक ग्याम नाटकीय रूप री सिद्धि कर सकी है ।

'बेलि' री वस्तु मे इवेन्ट्स या घटनावा रो अभाव है । घणी जगा व्योरेवार वर्णनां री भरमार है । इण प्रवृत्ति रे उद्गम री खोज करती टेम आ बात सामी आवै के ऐ विशेषतावा उण काळ री वे सारी रचनावा मे देखी जाय सके है जिकी प्रेम ने आधार लियोडी है । ज्यू जायसी रे 'पद्मावत' री प्रेम कहानी मे वर्णन बहुसता है ज्यू हीज बीसलदेवरास मे भी विवाह वर्णन, ऋतु वर्णन आदि री बहुतायत है । ऐडी सारी रचनावा रे मायने लोकतत्वा रो मोकळो आधार है ने ऐडी रचनावा मे हीज घटनावा मे नाटकीयता रा चरम रूप सामने आयो है । भले ही गेडो करण मू ग्रन्था माय अम्बाभाविकता आयगी है । पण वस्तु री चमत्कारिकता अर नायक री प्रभावशालिता घणी उभर सकी है । 'बेलि' री कथा मे भी ऐ बाना उभरन सामी आई है । ये सगळी नाटकीय सिद्धिया अर लोकतत्वा रा आदर्श 'बेलि' रे रचनाकार री उण इच्छा कनी गकेत देखै है के कवि आपरी रचना ने कौरो प्रबन्ध री सीमा मायन बाध ने देखणो कौनी चावतो हा । बां तो कई बाता ने ममेट न खुद री बात ने न खुद रा चरित नायक रे शौर्य री बात ने कवणी चावतो हो ।

निष्कर्ष—अन्त में ऊपरला सारा पुनर्मूल्यांकन की विवेचना ने समाप्त कर ने पृथ्वीराज राठीड की क्रेत्रि रे वस्तु रा सौन्दर्य रे वारें म आ बात स्थापित कर मया के इण की सुन्दरता कोरी इण बात म हीज कोनी है के आ एक शृंगाररम प्रधान चोखी रचना है, के इण में भक्ति भावना चोली तरा सू भरपोड़ी है, के इण में राजस्थान की आतीय विशेषतावा अर लोकतत्वा रो सुन्दर समावेश कियाडो है, के इण म गण्डवाव्य रा सुन्दर नमूनों पेश हुयो है, वन्के इण बात म अधिक है के इण की कथा म कवि आपरे स्वाभिमान अर शौर्यवृत्ति ने मड़ी चहुलाई सू निभाय मकियो है । उण रे सामन राजनीति की, तत्कालीन समाज की, हरण काव्या की ने स्वयं नायक रे स्थापित स्वरूप आदि की धणी सारी दिक्कता ही । वो ऐ मबा ने पार फर न क्रेत्रि की क्या वस्तु न मग्रायो है । इण वास्ते हीज 'ट्रैलि' एक अमर रचना है ।

□

(जागतीजीन में प्रकाशित)

राजस्थानी की जूनी पाण्डुलिपियाँ की विवेचना

जूनी पाण्डुलिपियाँ रा सम्पादन के बास्ते कीयोड़ी कोशिश ने दो वर्ग मायने बाट ने देग्यो जाय मके है—पेलडो पोधी रो उद्धार करण की उपकार-भावना अर दूयजो स्तुतिकरण वाली मोह भावना। पेलडी भावना मू भरियोडी कोशिश के माय सम्पादक की चेष्टावा उण रे इण घमण्ड मू भरियोडो व्है के वो पोधी रो सम्पादन कोनी करने जाणे उण रो उद्धार कर रह्यो है। इण बास्ते पोधी के साथे न्याय करण की जागा वो इण घमण्ड ने मन मायने पोषिया करे के उण मू पेला किण भी पारखी पोधी की महिमा कोनी पहिचान सक्यो हो। अर सेगा मू पेळी ऐडो कर ने वो एकण कनी पाठका माथे एहसान कर रह्यो है दूजी कनी पोधी रो सम्पादन कर ने कवि रो उपकार कर रह्यो है। ऐडी कोशिश माय पोधी की उपलब्धिया उण रो खुद रो अजिन हक नी व्हैय ने सम्पादक मू दीयोडी अवसर की उपकार चेतना बण जावे।

जदे के दूजी कोटि रा सम्पादक जलम भोम के आकर्षण के कारण या निजु भापा रो कवि होवण के मोह के कारण या ऐडा हीज दूजा कारणा मू कवि के सागे अपनापो मेहसूम करे। इण कारण वो कवि अर पोधी मू श्रद्धा भाव मू हीज जुडियोडो रेंवे। पोधी की हर ओली ने गरिमापूर्ण मान र वो पोधी की तारीफा ने सामी नावण की हीज कोशिश करतो रेंवे। इण बास्ते सम्पादन कला के नाम माथे वो उण रा दोषाने दूर करण मे अर आपरे हिमाब मू उण मे सुधार करण की कोशिश करतो रेंवे। खुद आगे आय ने ओ सम्पादक मूरखपणा मू पाठ मू छोडछाड करण लाग जावे। गैर जरूरी प्रसंगा ने मेटण के रूप मे, अर दोषाने मिटावण के रूप मे मूल पाठ के मायन घट-बढ़ करतो रेंवे। होमर के काव्य रो पेलडो सम्पादक जेनोडोटम भी पोधी रो सम्पादन करती व्हैला आपरे कनी मू होमर रा लम्बा प्रघटका न बाट' रे फँक दीनी, दूजा गमना ने मनमानी सँ बदल दियो। ओ सारो कारण वो इण तरा मू ठीक कोनी जिया वो आपरी खुदरी पोधी मे करतो (विलियम स्मिथ-डिविशनरी ऑफ ग्रीक एण्ड रोमन बायोग्रेफी एण्ड मायथोलोजी) राजस्थानी की प्रसिद्ध पोधी 'पृथ्वीराज रासो'ग बार-बार संस्करण के मिळण रो भी कारण सम्पादक रा आपरा दायित्वा रो उल्लेखन हीज है। 'बीसल देव रासो' रा सम्पादक भानाप्रसाद गुप्त भी खुद रा तय बियोडा मिढान्ता मू मित्रियोडा अधिकारा के

आधार माधे सत्यजीवन वर्मा सू सम्पादित पोथी रा मोटा आकार ने काट छाट ने पोथी ने लघुकाम बणाम दीयो ।

'बेलि' रा सम्पादन री चर्चा करण सू पला इण दो वर्गा रा सम्पादन कोशिश गी जाणकारी जरूरी है । आपाणे वास्ते आ परम सौभाग्य री बात है के 'बेलिकिसन रत्नमणी री' रा पेला सम्पादन श्री एल पी टेस्सीटरी इण रा सम्पादन करती व्हेळा दोनऊँ अतिया सू बच ने सम्पादन के वास्ते अपेक्षित लाग लपेट हानता मू इण रो सम्पादन कियो है । अर टेस्सीटरी मू कियोडी पेलडी चेष्टावा रे कारण हीज उण रा पाछीला सम्पादन ठाकुर रामसिंह अर सूर्यकरण पारीक आपरी निजर माय स्तुति करण रो भाव राख' र भी इण रे कनी वैज्ञानिक दृष्टि सँ हीज आगे बढ़ सक्या । मायड भोम री रचना हूबण री मोहान्धता ने पाळ 'र भी 'बेलि' रे मूल पाठ सागे मनमानी को कर सक्या ।

'बेलि' रे सम्पादन रो इतिहास—अजे तई 'बेलि' रा खास छे सम्पादित रूप सामी आय चुका है । टेसीटरी मू इण रो सम्पादन किया पछे हिन्दी अर राजस्थानी माय हीज इण री सम्पादन चेष्टावा कोनी हुई बरन् श्री नटवर इच्छाराम देसाई सँ 1955 ई. मे गुजराती भाषा तक मे इण रो सम्पादन कियो जाय चुको है । हिन्दी रा अजे तई रा प्रयास माय श्री टेस्सीटरी रो प्रयास जिको के रायल एथियाटिक सोसायटी मू 1919 ई. मे छप्यो, श्री सूर्यकरण पारीक अर रामसिंह रो प्रयास जिवा के हिन्दुतानी एकेडमी मू 1931 ई. मे छप्या अर श्री नरोत्तमदास स्वामी रो प्रयास जिको के श्रीराम मेहरा एण्ड कम्पनी, आगरा मू 1953 ई. मे छप्यो खास महातम राखे है । 'बेलि' सम्पादन रे प्रयास ने परखण सारू ऐ तीन रूप हीज विशेष विचारणजोग है ।

टेसीटरी मू बीयोडो पाठ—टेसीटरी आपरा सम्पादन प्रयास रे मामने उपलब्ध हाअण वाली आठ पाण्डुलिपियाँ रे अलावा दोय राजस्थानी री अर एक संस्कृत री टीकावाँ रो उपयोग आधार सामग्री रे रूप मे कियो है । उण री सम्पादन रीति नीति रे माय पाण्डुलिपियाँ मू भी मोकळो महातम उण टीकावाँ रो निजर आवे है जिनां न वो काम मुरू किया सँ पेला हीज प्राप्त कर चुको हो । इण तथ्य ने के खुद स्वीकार कियो है । इण टीकावाँ रे माय टेसीटरी पोथी री भरोसेमदगी पायी ही ब्यूके ऐ तीनऊँ 'बेलि' रे रच्यो रे गचाम बरसा माय माय हीज सिलीजगी ही (अर्थात् सवत् 1637 + 50 = 1687 मू पेला पेला ऐ टीकावाँ सामी आय चुकी हों) अर इण वास्ते पूरी तरा मू विश्वस्त बोनी होवतो यकां भी टेसीटरी ओं भी माने है के ऐ तीनों माय मू एक या दो तो मुद पृथ्वीराज रे जीवतां यकां हीज सिली जाय चुकी ही । जिन माय मू पेलावाटी दूदाही टीका रे निखी जावण री सम्भावना

वा सवत् 1673 सँ पला-पेला बिया करे। हालावे ओ सवान अणसुद्धिभियोडो ही रै जावे है के कवि रे मुद रे जीवणकाल माय लिखी जावण भर सू हीज वे प्रमाणिक कीया हू जावे है ? म्हाणी इण धारण री पुष्टि इण बात सू भी हूय जावे है के उण रे जीवणकाल माय ही टीकावा रे निम्नीजण रे बाधजूद पोधी रो असल रचना-काल अजे तर्क निर्धारित कोनी हू सक्यो है। टीकावा रो आपसी अतिविरोध इणा ने राजस्थानी रा जूना साहित्य रे माधे लगायो जावण बाळो प्रश्नचिह्न 'अप्रामाणिकता या असदिग्धता' रे आरोप सू बचाय'र कोनी राख सके। इण वास्ते वे मूल पाठ रा निरधारण खातर सहायक कीकर हूय सके आ बात इण विवेचन सू आपो-आप खडी हूय जावे।

उपलब्ध हूवणवाळो मगळी टीकावा, पांडुलिपिया माय सू टेसीटरी उगूणे राजस्थान माय लिखियाडी दूढाडी टीका ने हीज मेगा सू ज्यादा प्रमाणिक मानी ही। अर 'बेलि' रा लारला सम्पादका भी टेसीटरी री चेष्टावा माये निर्भर रेय'र सम्पादन रो कारज कियो है। इण सू आ सिद्ध रहे है के आज जिण रूप मे 'बेलि' आपा ने मिले है उण रो मूल पाठ रे रूप भ उगूणे राजस्थान मे लिखियोडी दूढाडी टीका हीज पोधी री पाठ ने तय करणवाळी पाण्डुलिपि सिद्ध हुवे। पण टेसीटरी खुद (उण माधे पूरी तरा सू निरभर रेवता थका भी) उण टीका सँ जाणें पूरा निश्चित कोनी हुवे। उणा री आ बात आ इशारो करे है के इण टीका मे वे मोकळा घट-बढ़ पायो हो अर जठे उणा ने की भी अस्पष्टता दीसी उठे वे खुद आगे आय ने ससोधन कीयो है। टेसीटरी री इण भातरी सफाई इण तथ्य कने आपा ने ले जावे है के जिण नीव माधे 'बेलि' रे सम्पादन रो आलीशान महल्ल खडो है उण दूढाडी टीका रे मायने हीज थोडी बोल ऐडी कमजोरिया है जिकी के 'बेलि' रो मौलिक पाठ स आपा ने छेडे करतो जावे।

टेसीटरी री सम्पादन कला री एक और कमजोरी भी है जिण कनी आपारो ध्यान लेवणी खातर पारीक जी आपरी पोधी री भूमिका माय केह्यो है- 'आपा ने स्वर्गीय डा. टेसीटरी रो धन्यवाद करणो चाइजे के जिका पेलापोत 'बेलि' री महिमा स 1917 ई माय मूल पोधी छपवायी अर उण री एक सारगर्भित भूमिका भी लिखी। पण डा टेसीटरी डिगल भाषाशास्त्र रा आधा पडदा नोट देयर छोटी सी भूमिका भी लिख दीनी इण सू वे साहित्य प्रेमिया री उत्कण्ठा तो बढायी पण सागे सागे इणा रे मना मायने आ अशक्ता भी भर दी ने सायत इण बाध्य ने और सरल अर भणनजोग बणावणी मुश्कल है।' (भूमिका पृ. 52) पारीक जी री आ बतलावण टेसीटरी रा उण दोष कनी इशारो करे जिण ने म्हे इण निबन्ध रा सुरु-पोत मे हीज पोधी रो उद्धार करण री उपकार रे भावना रे रूप में माडियो है।

उपरला विवेचन सू इण वास्ते आ बात सामी आवे है के टेसीटरी री सम्पादन कोशिशा पूरी तरा सू निभ्रान्त बोनी है। इण कारण उणारी कोशिशा रे बावजूद दूजी अरु कोशिशा री भी जरूरत महसूस हुई अर इण कारज ने हाथ में लेवण रो श्रेय ठा रामसिंह अर श्री भूषेवरण पारीक ने है।

हिन्दुस्तानी एकेडमी सू प्रस्तुत कियोडो पाठ—ठा रामसिंह अर पारीक जी 'बलि' रा मूल पाठ तई पहचण री सातर चार हस्तलिखित पाण्डुलिपिवा ने अर टेसीटरी री रायल एशियाटिक सोसाइटी सू छप्पोडो पोथी ने आपरी आधार सामग्री बणायी। इण वास्ते ऐ दोनुई 'बलि' रा पाठ सम्पादन मू पंलाहीज आपरी ओ मानस बणाय चूका हा के उणा ने इण पांच पाठ सामग्रिया माय सू हीज मूल पाठ खोजणो है। एण ऐ पाचऊ रे माम ने मोकळो पाठ भेद देख'र इणा भी टेसीटरी रे जिवा हीज पाठ सम्पादन रा वैज्ञानिक तरीका ने अपणावण री जागा निज रे निर्णय ने मोकळा महत्व दियो है। इण वास्ते जदे पाठ सम्पादन रो काम करता ऐ लोगा रे सामी उल्लेख पंदा हुई अठे ऐ लोग निज रा बिचारा ने हीज पाठ सम्पादन रो आधार बणाय दियो। उणा खुद केयो है—'म्हाणी सुविधा सू म्हा लोगा ने जिको पाठ सेंगाऊ सरल अर उपयुक्त लाग्यो उणी पाठ ने इण पोथी में स्वीकार लियो है। बाकी पाठान्तरा ने जिज्ञासू पाठका री सूचना अर मनन रे वास्ते अठे पेलडा दोहला रो नम्बर देय ने अलग सू माड दियो गयो है।' (पृ 273) इणा री आ बतळावण दोनऊ सम्पादका री ईमानदारी ने तो उजागर करे एण इणने वैज्ञानिक कोशिशा बोनी केह्यो जाम सवे। सम्पादन रो जिम्मेदारी ने 'सुविधा' रे रूप में नी लेवणा चाईजे। इण रे बावजूद इणा री कोशिश इण खातर महत्व राखे है के ऐ लोगा खुद री सुविधा सू भी जादा पाठका री सुविधा री बात ने जादा तर्क संगत ढग सू सामो रली है। ऐ लोगा इण तथ्य ने ना मुलाय सवया के 'बलि' री भाषा साहित्यिक डिगल है जिकी के बिलप्ट हूवण रे कारण हिन्दी बाळा रे वास्ते हीज दोरी फोनी हूवं तात राजस्थानी भाषा जानन बाळा रे वास्ते भी आसानी मू समझण जीसी बोनी है। (पृ. 50.)

ऐ दोनऊ सम्पादका री कोशिशों मोकळा कारण मू उल्लेख जागी कोशिश बण सगी है। सेंगा मू मोकळा उल्लेख जोगी बात आ है के इणा आधारभूत सामग्री री प्रमाणिकता ने जोषणों जरूरी समझियो हो। जिकी पांच प्रतिमों रे आधार माये ऐ लोगा पाठ निर्धारण कीयो हो उणा रे वास्ते ऐ कह्यो है के—'वास्तव रे माय के हीज प्रमाणिक प्रतिमों राख्यो है। निर्माण बाल रे हिमाय मू भी के प्रतिष्ठित अर प्रमाणिक समझीयो है।' (पृ 273) इण वास्ते ऐ लोगा पूरी तरा मू टेसीटरी रे पाठ माये हीज टिकवाडा बोनी रेखा है दुयजा पाठान्तरा रो साथ भी उठायो

हा। पण टीकावा अर हस्तलिखित पाण्डुलिपियाँ रे प्रमाणिकता रो कोई ठोस पमानो ऐ कोनी दियो है। कोरी मोरी जूनी होवण री बात ने हीज ऐ पोधी रे प्रमाणक हूवण रो आधार मानिया है—'म्हाणी जाण म तो मंगा सू जूनी टीका हीज मुलायं र विषय माय प्रामाणिक बेह्यी जाय सवे है वयूवे समसामयिक हूवण र कारण अपने आप हीज वा 'बेलि' रा भावा ने जादा सफाई सू समभावण म सिमरय हूवणी चाइजे।' (पृ 51) समसामयिकता ने हीज यू प्रमाणिकता रो एकलो कारण मानण रो भरम टेसीटरी भी पाळ चुका हा। इण हिसाब सू ऐ दोनऊ संपादक भी उणीज बात ने पुष्ट कर ने आपरी सम्पादन कला री कमजोरी खुद हीज प्रकट कर दीवी। नासतौर सू उण टेम जदे वे ऐ दोनऊ संपादक भी ढूढाडी टीका री मोनळी कमजोरिया जाण'र भी उणा ने सिरफ चलताऊ दग सू प्रकट कर दी है। ऐ दोनऊ संपादक मारवाडी अर ढूढाडी दोनऊ टीकावां ने पृथ्वीराज री जीवनवेळा री हीज रचनावा मान'र भी ढूढाडी टीका ने मोकळो महत्व दीयो है। उणा रे हीज शब्दा माय 'ओ भी सम्भव है वे ढूढाडी अर मारवाडी दोनऊ टीकावा कवि रे जीवन-वेळा मे हीज ब्रणगी व्हे, पण वे है दोनऊ सुततर अर उण दोनो माय भी ढूढाडी टीका जादा जूनी अर प्रामाणिक जचे है।' (पृ 52) म्हा रे जाण तो इण आधार सामग्री रे निरधारण रे वास्ते ऐतिहासिक, भाषा वैज्ञानिक अर साहित्यिक परम्परावा री तुल्य भावनावा माथे घणो ध्यान देवणो चइजतो कोरी भरोसो प्रकट कर देवण भी सू हीज पाण्डुलिपियाँ प्रामाणिक को हूम जावे।

इण दोना री सम्पादन चेष्टा टेसीटरी रे ज्यू छोटी टिप्पणिया अर थाडा बात पाठ भेदा भर सू ही जुड'र पूरी कोनी हूयगी है। इणा गम्भीर चेष्टावां वाळी सम्पादन कला दरसायी है। इण लोगा पोधी री लाम्बी भूमिका रे रूप मे कवि रे व्यक्तित्व री टीका रे अलावा 'बेलि' री टीकावा, उण रो नामकरण, उण रो प्रतिपाद्य निरूपण आदि रो भी मोकळो प्रयास कियो है। सम्पादन रे कर्तव्या रे पालन सारू ऐ 'बेलि' रा मूल पाठ रे अलावा सगळा पाठान्तरा ने उणा रा हिन्दी नोट ने, शब्दकोस मेलण रे सागे-सागे संगा सू उल्लेख जोगो कारज ओ कियो है कि इणा बेलि री ढूढाडी अर संस्कृत टीकावा ने पोधी रे सागे हीज छाप्यो है। इण सू इणांरी सम्पादन चेष्टा घणी प्रामाणिक अर भरोसेमद बण सकी है। पाठान्तरा ने भी अलग सू उल्लेख कर न ऐ आपरी कोशिश ने घणाखरी वैज्ञानिक बणावण मे सफलता पायी है।

श्री नरोत्तमदास स्वामी सू प्रस्तुत पाठ—श्री नरोत्तमदास स्वामी जद 'बेलि' रा सम्पादन बीयो उण टेम तई इणरा दोय संस्करण सामी आय चुका हा। इण वास्ते इणा रे सामी ज्यादातर वे दिक्कता कोनी ही जिकी वे आगला सम्पादका रे

सामी हो। इण वास्ते स्वामी जी जिका प्रयास कीयो है उण म पेलछापन री सांज बेळन नी हूय'र विश्लेषण करण री आलोचन री निजर मोवळी ही।

स्वामी जी 'बेलि' रे मूल पाठ रे मायने दोय मुद्दा उठाय़ा है—ऐणो पेल़ा मुद्दा जिको के सम्पादन कला रे हिसाब मू घणो वैज्ञानिक है, ओ है के साची अरथा माय 'बेलि' रा छन्दा री मस्या किती है। इणा पाच जुदी जुदी प्रतिपा रे आधार माय 'बेलि' रा छन्दा री असली गिनती माय सवाल खडो करता व्हो है—'टेसीटर री 'बेलि' माय छन्दा री गिनती 305 है। 'रामसिंह अर सूर्यकरण पारीक सू सम्पादित सस्करण रे मायने टेसीटर री हीज अनुकरण करियो गयो है। बाद मे जिकी प्रतिपा मिली (अर ऐ प्रतिपा 'बेलि' री सेंगा सू जूनी उपलब्ध प्रतिपा है) उणा मे छन्दा री गिनती 301 या इण मू भी कम मिले है। उक्त सस्वरणा री 305 वो पद्य जिण मायने रचना री सवत् दिखोडो है, निश्चे मे प्रक्षिप्त है, जेडो के ऊपर बताया जाय चूको है। 304 वो पद्य साखला करमसी री किसन जी-री बेलि मायने भी मिले है। करमसी पृथ्वीराज सू पला हूयो हो, अर किसन जी री 'बेलि' री हस्तलिखित प्रति सवत्—1634 री लिखी मिली है। इण वास्ते ओ पद्य भी पृथ्वी-राज री रचना कोनी जाण पडे। सवत् 1969 री प्रति रे माय भी, जिकी के पृथ्वी-राज रे भतीजा भाणजी रे वास्ते लिखिजी हो, ओ पद्य कोनी मिले। पद्य सख्या 126, 127 अर 176 भी जूनी पोथ्या मे कोनी मिले। सवत् 1673 री सटीक प्रति मायने भी इणा री टीका कोनी मिले। स 1667 री प्रति मे ऐ पद्य हाशिया मे लिखियोडा है। ऐ पद्य भी 'बेलि' रा मूल अद्य कोनी है। इण वास्ते 'बेलि' रा पद्या री सख्या 300 रैय जाव है।

जिकी दुद्धाडी टीका न टेसीटर री अर श्री पारीक जी पाठ निर्धारण री आधार बणाय़ा हो उण माय सांची मे छन्द मस्या 126, 127 अर 176 री टीका कोनी बीयोडी है। अर ग्रन्थ री रचना ने परकट करण वालो आखिरी वो 305 वो छन्द भी कोनी है। इण सातर ई बात ने प्रमाण मान'र स्वामी जी इण तीनऊ छन्दा ने प्रक्षिप्त मान लिया है। पण हिन्दुस्तानी एकेडमी वाली प्रति मे हीज ओ भी स्पष्ट बियो गयो है के 'सवत्-1673 री दुद्धाडी टीका मे कोरा 290 दोहला तक री टीका पायी जावे है अर इण सू आगे रा 14 दोहला री मूल पाठ दियो गयो है। टीका कोनी करीजी है।' (पृ 815) इण वास्ते कोरी टीका कोनी की जावण रे कारण स्वामीजी पोथी रा 126, 127 अर 176 वा छन्दा ने प्रक्षिप्त मानिया है तो इणी मानता रे कारण आखिर रा 14 छन्दा ने भी, जिणा री भी टीका कोनी बीयोडी है, प्रक्षिप्त मानणो चाईजे। पण उणा ने ओ मानण री हिम्मत कोनी हुई। कपू के ऐसो बिमा मू के मगळा छद प्रक्षिप्त हुय जावे जिणा मे 'बेलि' री

रूपक' दिपोडो है। अगर ओं रूपक' होज प्रसिप्त है, जिण रो की काफी गुजार्इस है, तो पछे 'बेलि' रा प्रतिपाद्य निर्धारण रे वास्ते आगाने नूवा सिरा सूं मोचणो पड़ेला। इण रे बारे में आगे अलग सू चरचा करणा टीका रेवेला अठे तो सिरफ आ बात मान लेवणो हीज पणो रेवेला के स्वामी जी भी पोथी रो सम्पादन करती धेला मांच सू दूर हटग्या है।

'बेलि' रे मूल पाठ रो निर्धारण—'बेलि' रे सम्पादन रे वास्ते बियाही सगळी काशिसा ने देल ने आ बात साफ हय जावे के उगूणें राजस्थान में लिसियोही दूदाही टीका होज 'बेलि' रा पाठ निर्धारण रे हिसाब सू सेंगा सू माकळो महत्व राखे है। ठा रामसिंह अर श्री सूर्यवरण पारोब इण टीका ने आपरी पोथी में छाप'र तारीफ जोगो बारज कियो है। इण टीका रे वास्ते टेसीटरी ओ सवेत दियो है कि इण माय मोकळो परिवर्तन अर सभोषन हूया है— अर हिन्दुस्तानी ऐवेडमी बाळा दोनऊ सम्पादक छद सख्या 126, 127, 176 अर 209 सू नेयर 304 तक' रा आखिरी 14 दोहसा रे वास्ते आगा न सूचित किया है के टीकाकार उणा री टीका बोनी की है। स्वामी जी इणी तक' रे आधार सू बेलि रा पाच छन्दा ने जाली मान'र उणा न पोथी सू निकाल दिया है।

तेनऊँ सम्पादकां री चष्टावा दूदाही टीका माध टिकियाडा हावता थका ओं इण माय मोकळी कमजोरिया हूवण री माकळी सम्भावना देखे है। अस्तू, दूदाही टीका रे बारे में धोवी सरासू बिषयत हूया बिना 'बेलि' रो आज मिलन बाळा पाठ ने प्रामाणिक बेय सकणो सम्भव बोनी चै। इण वास्ते अठे उण रो घोडो सा विवेचन करणो जरूरी है।

टेसीटरी अर श्री पारीक दोनऊ ही इण दूदाही रा रचना काल मवत् 1673 माने है। ओ सबत् इणी घाना री इण मानता री पुष्टि करै है के ऐ लोगा बेलि रा रचना काल (1637 सबत्) रे पचास साला रे मायने मायने उण री टीका भी सामी आय चुकी ही। पण ऐ विधिया होज टेसीटरी री इण धारणा ने गलत सिद्ध करे है के टीकावा पृथ्वीराज री जीवन वेळा माय हीज सामी आय चुकी ही बयू के पृथ्वीराज री मृत्यु रो टेम सगळा बिद्वाना एवमत सू सबत् 1657 बतलायो है। इण वास्ते जद आ टीका कवि री मृत्यु रे पछे मिली गई है तो पछे आ बात अधिकार सू बो केह्यो जाय सक है के आ टीका कवि री समसामयिक है। आ मान लिया पछे इण टीका रे वास्ते ओ अटूट विश्वास बोनी रवे के समसामयिक हूवण मात्र सू हीज आ प्रामाणिक भी है। इण वास्ते इण टीका ने अजे तई जित्ती प्रामाणिक मान'र देखता हा उण तरीका सू नी दोख'र इण ने तटस्थ हूय'र देखणो चाहैजे।

इण टीका सू लडो हुवण आळो दूजो सवाल ओ हे के इण टीकाकार बीच बीच में घोडा सा छन्दा री टीका क्यू कोनी की है ? जेडो के पेला साफ कीयो जाय चुका है कि— इण म 126, 127 अर 176 वा छन्दा री टीका कोनी कीयोडी है । इणी भात छद सह्या 291 रे पाछे रा भी सगळा छन्दा री टीका छोड दीवी है । स्वामीजी रे तर्का रे मुजब अगर आपा ऐ सगळा ने प्रक्षिप्त मान लेवा तो पोधी रे मुजब मोकळा नूवा सवाल खडा हूय जावे । उणा न समझण सारू पेला कया रा दीयाडा त्रम न अर कवि सू दीयोडी छन्दा री व्यवस्था ने समझणा जरूरी है ।

पाधी म कृष्ण अर एकमणी री कहाणी 278 वा छन्द माथ आय ने खतम हुय जावे । उण रे पाछे 279 वा छन्द सूं लेय 290 वा छन्द तई जूनी परम्परा रे मुजब पोधी रा महातम बतलायो गया है । उण रे पाछे 219 वां छन्द सू लेय ने 304 वा छद तई 'वेलि' रो रूपक दीयोडी है । 305 वें छन्द म वेलि रो रचना मवत् दीयोडी है । इण वास्त जदे आपा वेलि रा लारला 15 छन्द प्रक्षिप्त मान लवा तो इण रो अरथ हा हूय जावे क वेलि रो रूपक, प्रकट करणवाळा सारा छन्द परजी है । अर इण रे पोधी सू हटावण रो अरथ ओ हूव के फेर पाछे इण रूपक सू प्रकट हूअण वाळो आध्यात्मिक रूपक वेलि रो मूल स्वर कोनी रेंय जावे । अर्थात्—वेलि भक्ति परक रचना मो हूय र श्रृंगारिक रचना भर है । फेर पछे इण में धरम भावना दूडणा फिजूल व्हे जावे ।

इण खातर पोधी र वास्त टीकाकार रा खुद रा मन्तव्या री ओळखाण करणो जरूरी है । वेलि रो टीकाकार निश्चै ही कट्टर धरम भावना रो लेखक हो । इण री मवाही इण र द्वारा कीयोडी टीकावा रा आखीर रो छन्द (सस्या 290) देवे है । जिण मे कवि पृथ्वीराज सू गगा न 'एकदर्शीय' अर वेलि ने सार्वदर्शीय रे बह्योलापण र कारण उणा इणरी टीका तब कोनी कीवी है । आपरे हिंसाव सू टीकाकार कवि न गगा री निंदा करता देख'र उण ने माफ कोनी कीयो है अर टीका करण रो जागा ओ निरा राख्यो है—'गगा जी री निंदा करी छे । तार्कलियां या दुषाला ओ अरथ में तही लिख्यो छे' ऐही करडी धरम भावावाळी टीकाकार वेलि रा आध्यात्मिक पक्ष ने प्रकट करणवाळो रूपक ने क्यू छोड दिमो आ बात विचारण जोग है । म्हारो समझ म तो ओ रूपक पृथ्वीराज कोनी लिखियो हो । ओ हिंसा प्रक्षिप्त है । इण वास्ते दूडाडी टीकाकार रो अठे मौन व्हे जावणों जांच सकें ।

वेलि रे प्रतिपाद्य रो निरधारण—अगर आपा वेलि रा रूपक ने परजी अश मान लवा तो पछे उण रे प्रतिपाद्य न तय करण म मोकळी दिक्कता खडी हूय जावे । जिण रूपक रे आधार भावे अजै तई वेलि ने भक्ति भाव री रचना मानियो जाय रह्यो हो के सगळा तब भूटा पड जावे । अर आपा ने सजबूर व्हेय ने एक्

शृंगारिक रचना मानणी पड़ेला। तदे आपा ने बेलि रा प्रतिपाद्य ने दूडण खातर दूजा सोता रो सहारो भी लेवणो पड़ेला। अठे बेडा तीन सोता ने माहणो अर विवेचित करणो जरूरी है जिणा रे आधार सू कोई भी सम्पादक पोधी रे प्रतिपाद्य रो आसानी सू निरधारण कर सके। ये वार्ता इण मुजब है—

- (1) दूजी पोध्या सू 'बेलि' रा रूपक री तुलना।
- (2) कवि रे व्यक्तित्व सू उण री रचना दृष्टि ने पकडण री चंष्टा।
- (3) पोधी रा तात्पर्य निरणे रा आधार सू उण रे प्रतिपाद्य रो निरधारण।

पोधी रे आखिर मे दिया जावणवाळा दूजा कविया रा रूपका सू 'बेलि' री तुलना कर ने उपरला तथ्या ने परखियो जाय सके है। दूजा साध्या सू ओ माळम व्है के पृथ्वीराज रा पेंला जायसी अर उण रा समकालीन महाकवि गोस्वामी तुलसीदास भी आप आप री पोध्या भाय कथा रो आध्यात्मिक रूपक दीनो हो। पण जठे तुलसीदास आपरा 'रामचरितमानस' मे दीयोडो मानसरोवर री सात सीढ़िया रो रूपक कथा रा प्रामाणिक आध्यात्मिक भरसो दिरावे है उठे जायसी रे 'पद्मावत' रे आखिर मे दीयोडा रूपक माथे बिद्वाना मोकळा ऐतराज किया है। 'बेलि' रा रूपक री भी इसी हीज हालत है। बयूके इण मे साग रूपक रो चोखी तरऊ निभाव कोनी हूयो है अठे आ बात ध्यान देयणजोग है कि पृथ्वीराज आपरी इण पोधी मे मोकळा साग रूपक खडा कीया है। जिणा मे वसन्त अर शिशिर रो रूपक (229 सू 238), युद्ध अर बिरला रो रूपक (117 सू 129) तो बेजोड रूपका म गिनिया जाय सके। इण सू ओ सिद्ध हुवे है के पृथ्वीराज रूपक चित्रण मे मोकळो सिद्धहस्त हो। पण इण कवि रो आपरी पोधी रा खास रूपक चित्रण मे गडबडीज जावणो मोकळा सन्देहा ने पैदा करे।

रूपका रे सम्बन्ध मे एक ओरू बात माथ भी अठे ध्यान देवणा जरूरी है न पृथ्वीराज सू पेला रा अर उणरा समकालीन जिण कविया 'बेलि' काव्य रच्या हा उणा कोई भी पोधी रे आखिर मे ऐडो आध्यात्मिक रूपक कोनी दीयो है। साम्बला करम सी रुनेचा री 'किसन जी री बेली' (मवन्-1680 रे लगेटने), चूडोजी री 'वाणिक बेलि' (पृथ्वीराज सू पेला री पोधी), महेसदाम री 'रघुनाथचरित मवरम बेलि' (सयत् 1876), किसनऊ री 'महादेव पार्वती री बेलि' (1660 रे लगेटने) इण सगळी पोध्या मे पोधी रे आखिर मे रूपक कोनी दीयोडो है। ऐ सगळी पोध्या कथा रे महात्म परकट करण रे सागे हीज पूरी हूयगी है। इण वास्ते आ बात थिरपी जाय सके है के 'बेलि' ग्रन्था री परम्परा पोधी रे आखिर मे आध्यात्मिक रूपक देवण रो इशारो कोनी करे। 'बेलि' रो दूढाडी टीकाकार भी इण छन्दा री टीका कोनी

करी है। इण सू ई विचार ने मोकली ताकन मिले के बेलि रा ऐ सारा छन्द प्रक्षिप्त हूय सके है।

कवि रो व्यक्तित्व—पृथ्वीराज रा व्यक्तित्व ने खडो करण माय भी म्हने राजस्थानी विद्वाना री एक वोट वही कमजोरी तिजर आवे है। टेसीटरी सू लेख'र बेलि साहित्य माथे काम करण आळा डा नरेन्द्र भानावत तई रा सगळा समीक्षका, सम्पादका पृथ्वीराज रा व्यक्तित्व ने खडो करण खातर किंवदंतिया रो सहारो लीयो है। ऐ किंवदंतिया उणरा चरित्र रा दो पहलुवा—वीरता अर भक्ति भावना—ने स्पष्ट करण खातर भेळी करोजी है। पृथ्वीराज री वीरता अर निडरता ने सामी लावण री खातिर राणा प्रताप ने लिखियोडो उणा रो कागद, आपरा विद्रोही भाई रो (अक्बर रो विरोध करने) समर्थन देवणो, नारीज रा मेला माय पृथ्वीराज री लुगाई सू अक्बर न पटनारणो, चारण डावडी राजवाई रो प्रबट हूय ने पृथ्वीराज री लुगाई री रक्षा री खातिर जेरनी वण ने अक्बर करने जावणो आदि किंवदंतियां न आविरी साक्ष मान'र विद्वाना पृथ्वीराज रो व्यक्तित्व खडो किया है। इण भात पृथ्वीराज री भक्ति भावना न दरसावण खातर प्रमाण रे रूप मे लक्ष्मीनाथ जी रो शोभा यात्रा री कल्पना, आपरे मरण री भविष्याणी, द्वारका यात्रा री टेम खुद भगवान रो सेठ रा भेष मे जावणो आदि किंवदंतियो ने पूरो साक्ष बणाप दिमो गयो है। पण किंवदंतिया रे आधार माथे मनघड्यत वांता न तूल देवणीं साची साहित्यिक कोशिश कोनी वण सके। असल मे ओ कवि रसिक स्वभाव रो कवि हो। तीन-तीन व्याव करण रो प्रमाण अर माथा री सुकंद केस ने सोडती वहेला लुगाई ने धूही फेर'र हसन री वहेला हिन्दी रा कवि केशवदास ज्यू हीज निराश हूय ने बंखणो—

पोषक धोळा आविया, बहुनी लग्गी मोड
कामण मत्तगयद ज्यू, उभी मुखल मरोड।

आदि प्रमाण इण कवि ने शृंगारिज अमिहचि आळो कवि सिद्ध करो। ऐंडी दशा म 'बेलि' रो आध्यात्मिक रूपक कवि रे व्यक्तित्व सू मेल सावतो कोनी दीसे। जदे आपा इण तथ्य ने मान लेवा तो पाछे 'बेलि' रो प्रतिपाद्य निविवाद रूप सू शृंगार मात्र हीज सिद्ध हूवें। अर यू दूदाडी टीकाकार सू रूपक प्रबट करण धाळा छन्दा री टीका नी करण री बात भी तछें मू समझाई जा सके है।

बेलि रो तात्पर्य निर्णय—पोषी रो तात्पर्य निर्णय करणवाळा सिद्धान्त रे मुख्य बेलि री परण करण मू भी आ बात सामी आवे है के इण कवि रो पोषी लिखण रो खास अभिप्रेत शृंगार री पोषी विषयो हो भक्ति री विषयो कोनी हो। वपूके पोषी रे शृंगार मे हीज खो वेणो है—

सुतदेव भ्यास जेदेव सरिका, सुकवि एक ते एक सन्ध
 श्री वरणन पहिने बीज, गूथिये जेणि सिंगार ग्रन्थ

आ बात कवि री शृंगाराभिमुखता ने प्रारम्भ मे ही धरये । पोथी रे विचाले
 कृष्ण-रुक्मिणी रा मिलण खातिर पडकलुवा रो वरणन करीजियो है । पोथी रो नाव
 भी नायक नायिका रे प्रेम री खेल रे रूप म दिरीजियो है । ऐ मागळी बात इण
 पोथी ने शुद्ध शृंगार री रचना हूवण रो प्रमाण प्रकट करे है ।

निष्कर्ष—‘वेलि’ सू मिलणवाळा अतर्माध्या कवि रो व्यक्तित्व अर बेनि
 काव्या री परम्परा आपा ने इण तथ्य तई पटुचाय देवे के ‘वेलि’ रा रूपकवाळा छन्द
 सायत प्रशिप्त है । ढूढाडी टीकाकार इणा री टीका कोनी की है । आ बात भी इण
 विचार ने धिरपण री प्रेरणा देवे है । इण वास्ते ‘बेनि’ रा दूजा पाठा ने इण आप
 त्तियो रे रेवता स्वीकार करणो सम्भव कोनी हूय मके । इण रे अन्वावा वे तथ्या री
 खोज भी की जावणी जरूरी है के इण री टीका में टेसीटरी कई परिवर्तन, मशोधन
 सबद्धन कीया हा । उण जागावा माथे टेमीटरी अवसर आपरा निजरा विचारा ने
 धिरपिया बहैता । म्हारी समझ मे तो एक विदेशी आदमी राजस्थानी री सांस्कृतिक
 धरोहरा सृ भरियोडी पोथी रे सांगे कितो न्याय कर सक गो बहैला इण री खोज
 करणो भी जरूरी है । क्यू के किणी भी भाषा री पेनडी जाणकारी रे रूप मे कोई
 भी विदेशी भाषा री सांस्कृतिक परम्परावा सृ जुडाव माड’र उण ने समझण री
 जागा शब्दा रा साधारण अरथा सू जुडण री घणी कोशिश किया व । एण खातिर
 टेसीटरी री कोशिश ने आधी वृद्धा सू लेखण री जागा परन री विवेक भावना सू
 लेखणो जरूरी है । ‘वेलि’ रा मूल पाठ री पिछाण री खातर इण बात री खोज भी
 जरूरी है के इण री ढूढाडी टीका ने कोरा विश्वाम न आधार सू जूनी मानणो
 चाईजे के भाषा शास्त्र अर ऐतिहासिकता रे आधार माथे मानणा चाईज ? ‘बेनि
 रा मूल पाठ री पिछाण रे वास्ते आ जरूरी है क उण रा मूल्यांकन ऊपरवा
 गवाला रे मुजब कियो जावे । इण सू हीज ‘वेलि’ री साची साहित्यिकता आपा
 सामी लाय सकाता ।

□

(राजस्थानी साहित्य अकादमी रे वास्ते पत्र वाचन)

१६८३ री पुरस्कृत पोथ्यां : एक बेबाक टीप

पुरस्कार पोथ्या री स्तरीयता री पिछाण करावे के कोनी करावे ओ सवाल धणो पुराणो है । पुरस्कार रँ व्याज सू मानवीय अनुभवा रो ऊजलो रुप सम्मानित हुवँ के कोरो मोरो रचनाकार हीज आनन्द पाथ'र रँ जावे ऐडा मोक्का सवाल पुरस्कारा रे साथ हीज हरमेस मामो आवता रँवे । राजस्थानी साहित्य मांय आलोचना री पागली हानत देवता थका अजे तई ठेडा सवाला री चरचा कम हुई है ।

राजस्थान अर राजस्थानी दोना रे वास्ते अकाल कोई अजूबो कोनी है बल्के ओ तो अठे री पिछाण रो एकूके आधार है । जमी ने आली भर करण आळा छांटा मू ज्यू जमो रो प्यास कोनी बुझ सके इयांहीज भरती री दोय चार कितावा मू राजस्थानी साहित्य री निजु पिछाण कायम हूयने उण रो टोटो कम कोनी हूय सके । इण वास्ते राजस्थानी साहित्य भाय तो ओ सवाल धणो महत्व राखे है के इण रा साहित्य री पिछाण रो आधार आविर कई है ? अठे अनुभवा रा उजास ने'बे रचनावा री स्तरीयता ने के जीवण रा साचा चित्तरामा ने'के जिनगाणी रो जगमग रुप ने'के मितग री आपरी बेतनावा रे विस्तार ने आविर किण ने ध्यान में राखर पुरस्कार दिरीजे है । कम के अजे तई रा हालाता ने देखता तो आ बात धिरपीज मके है के अठे रचनावां पुरस्कारा रे लारे भाज रँयो है । पुरस्कार रचनावां रे लारे चातता कोनी दीगे । रचना रो ह्व रचनाकार ने अधिकारी कोयनी बणावे पुरस्कार उण ने अधिकारी मणवतो दीगे है । पुरस्कृत होवण आळो रचनाकार तो पुरस्कार मितियां पछे आपरे मिरजण ने घणग्रो गौरव देखण लाग जावे पण दूजी बनी ओरां रे मनां मांयने ममं रो बीज बांयोज जावे । बे रचना री स्तरीयता ने ताब माये ग्हाकर देगव रे व्यक्ति रुप ने देगण लाग जावे । दण बात री अपुटी कोसिगा हूवण लाग जावे के पुरस्कार ने बिणो तरऊ बिबाद रो मुहो बणाप दिधो जावे । ऐसी चेष्टा मांय दोनऊ पत्र इण बात ने जरूर अण देगणो करे के दण मूर रचनाकार ने रचना रे प्याज मू मगळे साहित्य रो कई लाभ हूय रह्यो है । दण वास्ते पुरस्कार री बात बी नूवा गवास भी पैदा करण लाग जाया करे । आज पुरस्कार साहित्य री सम्बादी आवाज ने बुगुन्द करे है के बिबादी आवाज ने ? पुरस्कारा मू लेखकों ने ओखतार्ज करण री बात मामी आवे है के साहित्य रे मिरजण री प्रेरणा मिने ? पुरस्कार कोरो-

मोरो पोथ्या तईं हीज थम्योडो रं जा वे के सागीडी होड करणाआळी भावना ने जनम देवे ? ऐडा और भी सवाल सामी आयर विचारा री सामग्री सामी ले आवे ।

ऊपरली विवेचनावा सू ओ विचार माडणो गलत हवे के राजस्थानी मे पुरस्कृत पोथ्या स्तर सू गिरयोडी है । दूजी कनी पुरस्कृत हूय जावण सू हीज रचना ने श्रेष्ठतम् जाण लेवणो भी गलत है । रचनाकार री अनुभूति रो सम्मान आपो आप साहित्य री जीवन चेतना ने पकडण आळी चेतना रो सम्मान हुया करे इण माय विवाद री की भी गुजायश कोनी है । राजस्थानी रो आज रो रचनाकार सस्कृति रा सतरंगी आकर्षणां ने छोड'र जुग सत्य ने चित्त मे धार रह्यो है । उण री लेखनी रा ऊजला आखर मिनख रे अर उणरा जीवन रं ओळू दोळू घूमण लाग्या है । अवे गोरही री सुन्दरता ने हीज के प्रेम री ओळया ने हीज माडण री चेष्टावा समाप्त हूयगी है । रचनाकार री आ नूवी पिछाण जाणे करवटीजती जिनगाणी री आपरी पिछाण है । इण वास्ते आज री रचना प्रेरणा रो बदलाव रचनावा माथे भी साफ साफ आकीजियोडो दीसे है । पुरस्कृत पोथ्या री रचनाकार भी इण हीज मानसिकता सू रचना प्रेरणा लेय रह्यो है इण पर अदेशो करणो फिजूल है । समीक्षक री आस्था मू इण पोथ्या री जाच जाणे उण मानसिकता री परखण चेष्टा हूय जावे है ।

अमूजती चेतना रो कवि : मोहम्मद सदीक—मोहम्मद सदीक अमूजती चेतना ने चवडे लावण आळो रचनाकार है । इण कवि सामाजिकता रा अंतविरोधा सू अर आम आदमी रे दर्द सू'माय ही माय रादबदाय रह्यो है । एक लम्बी उडीक रे पछे री तल्लीजियोडी बेचनी इण री रचना प्रेरणा है तो जिनगाणी रो मूड बोलतो दर्दालो रूप इण री कवितावा री खाद है । पण इण दर्द ने कविता री एक ही लोक माथे न्हाक'र आस मूद'र बेवतो जावणो मोहम्मद सदीक कोनी सीखियो है । ओ उण सू दोवडे स्तरा माथे जूझतो दीमे है । एकणकनी ओ बनियान री बारादरी रे मायने भाक'र मिनखा ने चेतण रो हेलो मारतो दीमे है तो दूजी कनी व्यवस्था री गैर जिम्मेदार ओछी हरकता ने देख'र व्यग्र रे हृषोडे सू उणा माथे चोट करता निजर आवे है । आ बात जुदा है कि सदीक रा व्यग्र तो आपरा अनूठापणा सू आम लोगा री जवान माथे सीधा चढ जावे पण उण री चेतावणिया बोरी मोरी कविता री ओळो वण'र नैतिकता री फालतू कीला माथे अटकीज'र रेख जावे है ।

नागा मिनखा रे देस रो दर्द इणा री जादातर कवितावा रा विषय है । इण लोगा री जिनगाणी ऊचा टोला सू टिल्ली खायोडी दडी ज्यू गुलाबिया खावती बेवती रेवे । इण वास्ते इण जिनगाणी री तिस निलावा न जनम देवे तो भूख भूतलिया उगलती रेवे । पण चम्पेडा रे राज मे उण रो की भी अरथ कोनी है ।

कवि पण निराशा न स्वीकारण री जागा जादातर मिनल ने भोलावण देवण मे जूभतो दीस है। उण री आ भावना वदे ही आशावादिता ने नकार ने तीखा सूला ने स्वीकारती दीस है तो वदे ही आ भावना भम्पीड वण र मांयला अमूर्ज ने उकेरण म लागती दोम है। पण सदीक री तेडी रचनावा मे सुधारवाद रो कोरो मोरो परिभाषावा आळा रूप ही उबरीजियो है। इण माय ऊडी अनुभूत्या री जागा भावुकता रो दूध रा ऊफाण जादा निजर आवे है। इण कारण इणा री मोवळी कवितावा किसफिस हुयर्न र आवे है।

व्यंग्य माहम्मद सदीक री कविता रो धारदार हृषिकार है। इण री तीक्ष्ण नोक मू ओ व्यवस्था रा सगना ताम्रमाम ने छ्वस्त करण में सफल रेह्यो है। साची बासा रा डाम लगाय र ओ खोलता आवरण ने नागो करण मे देर कोनी लगावे। खेत ने खावती वाड, सप्पम पाटा री जुगालिमा, आदमी रे भरुटिया भरण आळा आदमी जेडा ऊडा भावा ने व्यंग्य बणाय'र बोधामय रूप देवण मे ओ कवि सफल है। व्यंग्य रे वास्ते भाषा रो जलतो रूप, सीधा सादा मुहावरा रो उपयोग व्यंग्यार्थ ने पकडण सारु शब्दा रो लचीलोपण इणारी कवितावा ने जीवन्त बणाय देवे। पण व्यंग्य भावना हीज मोहम्मद सदीक री कवितावा री सीमा भी है। मुहावरा री गुलामी अर कवि सम्मेलनी कविता चतुराई इणा री गम्भीरता ने सोड देवे जिण मू इण री कवितावा व्यंग्य ने विचार जोगो बणावण री जागा उण ने हास्य जोगो भर बणाय देवे। 'जूभतो जूण' री कवितावा माय मू जादातर कमजोर है। इण री कमजोरी कवि री सीमा ने चवडे लावती बीते है।

बीरयोडी नैतिकता रो रचनाकार : मूलचन्द प्राणेश—आपरी पोधी री भूमिका माय नूवी कहाणी री बात ने घणे मान मू उठायो रे बाबजूद मूलचन्द प्राणेश एव रचनाकार रे रूप म निराश ही करे। कहाणी रो आज रो रूप जिण बोध ने समेटण में सचेष्ट है प्राणेशजी री लेखणी उण रे नेडेछेडे भी कोनी है। इणा री लेखणी रो विषय गाव है। पर उण री जिनगाणी रा आख्या दीसता आखर भर ऐ बाध्या है। अयं अर राजनीति रा दवाव गाव री जीवन दसावा ने जिण रूप म बदल दियो है उणा रो इणा री कहाण्या म दरसन कोनी हूव। कथा माय आदर्शो री स्थूलता मावळी हावी है। कथ्य ने साहित्य रो रूपदिरावण री जागा, नैतिकता मू बाधण भर री चेष्टावा इणा री रचनावा माय दीते है। कहाण्या रो चरित्र समाज मू है ज्यू रा ज्यू लेय'र घिरपीजियोडा है। उण री मनाभावनावा, सामाजिकता ने निभावण में उभारता दोवडो पण, मांयली छटपटाहाट अर जुगसत्य मू जूभती चेतना इणा रा नायक म कोनी है। जिन्दगाणी रा ऊपरता रूप अलबारी घटनावा जीसा प्रमग अर बीरयोडी नैतिकता ने पीस र पाखी साबण री चेष्टावा इणा री

लेखक री शोध भावना ने उजागर करे। पण दूजा निबन्धा माय विवेचन अर निरूपण मे पूर्वं धारणावा साफ दोमे है। आलोचना म सकी री धिरपणा करने विचार भाडीजिया करे। विचार ने माडण खातर सक कोनी दूदिया करे। पण 'घिन प्रिधीराज रग प्रिधीराज' या 'नेणसी' जेडा निबन्ध माय लेखक आपरी पूर्वं धारणावा ने शोध री चोगो पहिरावण री चेष्टा कीनी है।

जहूर खा रा चितराम सस्कृति ने आकण माय पूरा सफल रह्या है। मस्कृति म मिठास घोळणियो उणरो आचार पक्ष लेखक बारीकी सूपकडियो है अर उणा ने सच्चर माडण म कन्जूसी बोनी की है। जहूर खा बने भापा री रूपाळो खजानो है अर उणरो असरदार इस्तमाल करण री भी इणा बने पूरी ताकत भी है। आम लोगा री भापाइती कसीजियोडी, मारक अर अपणायत सृ भरीजियोडी हूय सके इण बात ने अ आपरी पोधी सूप्रत्यक्ष कर सकिया है। ओ गुण हीज इण पोधी ने घोडो सीक साहित्यिकता दिराय देवे नही तो रचना म इतिहास हावी है।

सामाजिक जडता री चितेरी सत्येन जोशी—सत्येन जोशी सामाजिकता री जडता री घुराइया ने मिनख रे आचरण माय सूपकड र सामी लावण म सफल रह्या है। समाज री अगति लोगा रा चरित्रा माय असामान्यता भर देवे। अज्ञान रा आधा कूआ माय डूबियोडा ऐडा लोग तेजी सूपेवती दुनिया र बिचाले भी कोरी मोरी कूपमण्डूकता ने जीवता रेवे। परम्परा ने मुरदा ज्यूं डोवे तो मूरखपणा री सीमा तई घमण्ड म भरभीजता रेवे। ऐडा लोग खुद न समझ रा भाड मान र खोखळो व्योहार करता रेवे। सत्येन जोशी शहरा रा मध्यवर्ग म नीपजणआळा ठेठ परम्परावा ने जीवण आळा लोगा रा रेखाचित्र इण पोधी मे आकिया है। इणा म फूहडता छलकती रेवे अर ठीठता ऐणा आचरण री अग बण जावे। भापा री ओछोपण इणा री मानसिकता री पिछाण करावे ता नागो हरकता इणा रा व्यक्ति ने परिभाषित करती दीसती रेवे।

'रोवणिया दासा' भरियोडा भूल्या री जनाजो है। लेखक री व्यंग्य री ताकत हास्य रा पुट सूपाठका माथे भोकळो असर डालण री सिमरय राखे। पण लगभग एक जेडा आचरण करण आळी मानसिकता रा हीज जुदा जुदा चितराम हुवण रे कारण पोधी अच्छी खासी ऊब भी पैदा करे। लेखक रेखाचित्र आंखण माय एकसी भापा अपणाई है जिको भी एक दोष है। चितरामा माय जयार्थ व्यक्ति रूपा न साहित्यिक चरित्र बणावण माय भी पूरी सावधानी कोनी बरतीजी है जिण सूपे गहराई सूपाठका न प्रभावित कोनी कर सके। हल्का झूड री पोधी सूप्यादा रचना री महत्व कोनी है। साहित्य री ऐडो सम्मानित पुरस्कार पावण जोसी बात रचना म निजर कोनी आवे।

एक टीप—ऐ पोथ्या सू आज रा राजस्थानी साहित्य री दशा रो अन्दाजो लगायो जाय सके । आज रा रचनाकार पुरानी जकडण सू छूटण री चेटा मे तो है । पण उणा ने नूवो रस्तो हाल तई कोनी मिलियो है । बल्के ऐ लेखक हकबकीज ने चारऊ फेर हाथ मारता दीसे है । बोध रो नूवो रूप लगभग गैर हाजिर है अर व्यर्थ रा हथियार सू इण कमी ने पूरण री चेटा करण मे ऐ लोग भी कमी कोनी राने है । भाषा रे चास्ते जरूर लेखका री सजगता सामी आई है पण कथ्य रे अभाव मे उण रो की ताभ ऐ कोय ले सकिया है । ऐडी पोथ्या ने पुरस्कार देवण री मजबूरी भी साफ साफ देखी जाय सके ।



(जागदीजोत में प्रकाशित)

परिवार अर परिवेश : साहित्य रे संदर्भ सँ

परिवार एष टाबर र वास्ते सेंगाऊ मोटी पाठशाला है। जन्म सू लेयने जठे तक वा मुट्पार कोनी रहै जावै तठे तई उण रो घणो वनत घर मे हीज गुजरिया वरै। घर मे रेवता धर्मा हीज उण रो सस्वार हुया करै। चालणो, उठणो, बँठणो, बोलणो, आदि सू सुरू कर ने वो नैतिकता, धर्म न सामाजिक व्यवहारा रो पेलडो पाठ घर रे मायने हीज पड़िया वरे। परिवार रा सस्कारा रो असर इतो ऊढो ने इतो पक्को हुया वरे वे बो बडो होने बेणऊ बच कोनी सवे। आपरा चेतन मन मे भला ही कोई आदमी बारला प्रभावा मू खुद रा स्वतंत्र विचार वणा लेवे पण परिवार म रेवता धका पड़ियोडा सवारा सू खुदरा अवचेतन मन सु अलग कोनी कर सके। वनत जरूरत वे प्रवट हो जावे ने उणरे व्यवहार ने आपरे अनुरूप ढाळ लिया करे। गीता मे अर्जुन ने वृष्ण भी आ बात हीज समझाई है कै अर्जुन। युद्ध भूमि मे खुद रा रिश्तेदारा ने सामने लडा देख नै तू सकौच भले ही करले पण क्षत्रियपणा रा धारा सस्कार घने लडाई सू विरत कोनी रेवण देवेला। इण वास्ते बच्चा रे विकास म परिवार रो प्रभाव सस्कार निर्माण री दृष्टि सू घणो हीज महत्वपूर्ण है।

टाबर न परिवार जेडो परिवेश प्रदान करे उण रो व्यक्तित्व भी अपने आप बडोहीज घडीज जावे। परिवार रा पड़ियोडा प्रभावा रें कारण हीज लुहार रो बेटो लुहार, सुनार रो बेटो सुनार आसानी सू बन जावे। क्यूके घर रे मायने टाबर जेडी बाता देखे बेणऊ ऊने अप्रकट प्रेरणा मिलती जावे ने वो भी बडोहीज आचरण करण लाग जावे। जिका धरा म मा-बाप धर्म भीरु हुवै ने परम्परित विचारा रा पालन करण वाला हुया करे वणा टाबर भी बडी हीज अभिरुचिया वाला हुवै ने बडोहीज आचरण करण लाग जावे। दूजी कनी जिका धरा म टाबरा रा मा बाप माडन वणन री अभिलाषा राखे वणा टाबर भी बचपण सू हीज प्रदर्शनप्रिय ने महत्वाकांक्षी हु जावे।

आ बात भी इणी तरङ्ग ध्यान म राखणी जरूरी है के अगर टाबर घर रा परिवेश ने नकार न नूवी रीत रो पालन करण री चेष्टा करे तो घर वाला ऊन ज्यादातर अवस्था म प्रोत्साहन कोनी देवे। उण रो जगा ऊने डरा धमका ने या कूट-पीट न मा-बाप खुद री रुचिया रे अनुरूप ढाळण री भरपूर चेष्टा किया करे।

इण कारण भजवूर व्है ने टाबर या तो विद्रोही व्है जावे ने उग्रता सू बडो लोगा री बाता ने नकारण लागजा । जिकारो विवसित रूप होज आज री युवा पीढी रो असन्तोष, कुण्ठित आचरण ने विद्रोही रख है । आज री युवा पीढी जेनेरेशन गैप (पीढिया मे दूरी) री जिकी बात किया करे उण रो आधार भी ओ विद्रोह होज हुया करे । परिवार मे करडो नियन्त्रण रो दूजो रूप टाबर रे मन मे निराशा री भावना ने जन्म दे देवे । ओ बात बात मे खुद ने नियन्त्रित करण लागजा । इण कारण ओ आपरी इच्छावा ने दबावण वालो हू जावे ने खुद रो सर्वांगीण विकास कोनी कर सके । मनोविज्ञान मे ई ने दमन री सजा दी जावे जिण रे कारण बडो हुवे ने टाबर कायर, डरपोक ने बिना बात घबरावण वाली आदता वाली व्है जावे । ओ दोनऊ स्थितिया चोखी कोनी है । अंगी वनिस्पत टाबर रे विकास रे वास्ते आ बात जरूरी है के उण माये खुद ने आरोपित करण देवण री जागा उणरे आगे बढण रे वास्ते मा-बात ने सहायक बणनो चाईजे ।

परिवार मे वच्चा रो विकास उणी अवस्था मे सहायक सिद्ध हो सके जणा उण री मानसिक अवस्था व उण रे उमर रे अनुपात सू मा-बाप उण री बाल जिज्ञासावा ने विवेकपूर्ण ढंग सू सन्तुष्ट करता जावे । टाबर री स्थिति ऐही हुया करे के ओ धीमे धीमे मा-बाप री निर्भरता ने छोड ने आत्म निर्भर बणन री चेष्टा किया करे । आ बात सब लोग चोखी तरेऊ जाणे है के अन्य जीव जन्तुआ री वनिस्पत मनुष्या रा टाबर घणी लम्बी उम्र तक मां-बाप माये निर्भर रेह्या करे । ब्यू के दूजोडा जीवा मे कोरो शारीरिक विकास होवण तक होज निर्भरता रेह्या करे पर भिनखा रा टाबर शारीरिक विकास रे साथ मानसिक विकास भी प्राप्त किया करे । जठे तक टाबर शारीरिक विकास रे साथ ही साथ बोध री दृष्टि सू भी समुन्नत कोनी हूजावे तठे तक उण रो सच्ची विकास कोनी हुया करे । अठे ई बात ने देखण री जरूरत है वे परिवार किण उपाय सू बालक उभयपक्षी विकास मे सहायक सिद्ध हुया करे ।

टाबर रो शारीरिक विकास—उम्र रे बढण रे साथे साथे टाबर रो शरीर भी अपने आप बढ़तो जावे । पण शरीर रे सन्तुलित विकास रे वास्ते ई बात रो ध्यान राखणो जरूरी है के उणरे भोजन मे शरीर रे विकास री सारी बाता सम्मिलित हू जावे । इण दृष्टि सू सन्तुलित भोजन रे मांय ने प्रोटीन, वसा, खनिज लवण, विटामिन कार्बोहाईड्रेट, ने जस री समानुपातिक मात्रा होवणी जरूरी है । ऐणे मायने सू एक री भी बमी कौ म की शारीरिक विकास में दोष पैदा कर देवे ।

भोजन रे पछे शरीर रे विकास मे दूजी जरूरी बात व्यायाम है । खेलण-कूदण सू हड्डिया, पेशियां समुन्नत हुया करे दधिर रो संचार चोखी तराऊ हुया करे ने बळ

रे साथे साथे स्फूर्ति भी आया करे। आजकल रे प्रतिस्पर्धा रा जमाना में घणा मा-
बाप टावर रो पढ़ाई रे वास्ते इत्ता सचेष्ट रेवे के वे ऊने भेलण भी कोनी देवे। इण
सू टावर रे शरीर रो माचो विकास कोनी हो सके। शरीर रो सफाई, वस्त्र आदि
भी शरीर रे चोले विकास रे वास्ते जरूरी है। स्वच्छता सू व्यक्ति नीरोग रहे जावे
ने उण रो बुद्धि भी परिष्कृत हुमा करे।

टावर रो मानसिक विकास—टावर रो साचो विकास उण रे मस्तिष्क रो
विकास है। उण अवस्था म टावर रो जेहो रचिया हुमा करे वेने देखा तो ई बात रो
ध्यान पड़े के उण टेम टावर खासतौर म धर्म, नैतिकता, यौन सम्बन्ध ने जीवन रा
खास खास मूल्यों रे सम्पर्क में आवे अर वेणे में मुद्द रो मानस बनावणी चावे। परिवार
ऐही अभिरुचियां ने कीकर परिष्कृत कर मके उणरी जुदी जुदी चर्चा करणो अठे
सगत रैसी।

यौन जिज्ञासा—फायड जड़ा मनोवैज्ञानिक अे विचार सामी राखिया है के
हरेक आदमी हरेक काम की न की काम प्रेरणा सू परिवर्धित हुमा करे। फायड तो
चासना ने हीज हरेक क्रिया रो प्रेरक बतलायो है। उण रे अनुसार सँ ठेठ संसवावस्था
मू हीज टावर यौन सन्तुष्टि प्राप्त करण लाग जावे छोटा शिशु मा रा स्तन पान
रे रूप में, अर उण सू बड़ा मल उत्सर्जन रे रूप में। इण भात अवस्था बढण रे
साथे साथे ज्यू ज्यू टावर रो शरीर बढतो जावे फायड रे अनुसार त्यू त्यू वो चासना
री पूर्ति करतो जावे। फायड रो बात सू असहमति प्रकट की जा सके। आपा उण रो
स्थापना में ने नवार भी सका पण ई बात सू इन्कार कोनी कर सका क टावर में भी
यौन जिज्ञासावा हुमा करे। संसवावस्था पार करता करता वो स्त्री पुरुष रे शारीरिक
बनावट रे अन्तर ने पेछावण लाग जावे। पशु पक्षियों रा यौन सम्बन्ध ने देख ने उण
री जिज्ञासा बढे ने वो मा-बाप सू उण बारे में पूछताछ करणी चावे। ज्यादातर
दसावा में परिवार वाला बालक री ऐही जिज्ञासावा ने सन्तुष्ट करण री जागां ऊने
डाट-फटकार ने चुप कर देवे। इण कारण ऊणरी बाल-जिज्ञासा सन्तुष्ट कोनी हुवे ने
वो छुप छुप ने वेही बाता में रुचि लेवण लागजा। आ बात टावर रे विकास रो रीष्ट
सू ज्यादा हानिकारक है।

यौन व्यवहार रे अण रे रूप म हीज सन्तानोत्पत्ति सू सम्बन्धित बात भी
सामने आवे। पक्षिया ने अण्डा देवता देख ने घर में आस-पड़ोस में नूवा टावर ने
जन्म लवता देख ने ऊरे मन म आ जिज्ञासा पैदा हुमा करे के टावर ने जीव जन्तु
कीकर पैदा हुमा करे? उण री उत्पत्ति रो कई कारण हुमा करे? परिवार में
ज्यादातर दसावा म उण ने पुसला दियो जावे के भगवान पैदा करे या अस्पताल सू
आप्या करे। आज रा वैज्ञानिक युग म जेद के टावर पण पण माथे सच्ची बातों सू

